

Մայիս Նիկողոսյան

ԳԱՆՁԱՌԱՆ

(Իսայ գրականությունից
անգիր հանձնարարվող
նյութերի ընտրանի)

ԵՐԵՎԱՆ 2007

Նիկողոսյան Մայիս -ի

Գրքահանրության գրադար-ՑԺԳ...

Բ. Ա. Ե

ԳԱՆՁԱՐԱՆ

(հայ գրականությունից անգիր
հանչևարարվող նյութերի ընտրանի)

2041

ՀԱՆԱՍԱՐԻ ՀԱՐԱՊԵՏՈՒԹՅՈՒՆ
«ՄԻՒՐ Ա. ԲՍՍՍՑԻ»
Կրթական Համալիր
ԵՐԵՎԱՆԻ ԳՐԱԳԱՐԱՆ

Սամպա

Երեվան 2007

ՀՏԴ 891.981-1:398=919.81

ԳՄԴ 84Հ-5+82.3Հ

Գ 276

Գ 276 Նիկողոսյան Մ., Գանձարան (հայ գրականությունից անգիր հանձնարարվող նյութերի ընտրանի), Երևան, Ստամպա, 2007. - 224 էջ:

Ժողովածուն հերթական փորձ է՝ ի մի հավաքելու հայ քնարերգության ընտրանին:

Գրքում ընդգրկված են բանահյուսության և հայ դասականների հիմնականում չափածո ստեղծագործություններ՝ սկսած Գողթան երգերից մինչև Պարույր Սևակ (բանաստեղծություններ, հատվածներ բանաստեղծություններից, պոեմներից): Փոքր ծավալով ժողովածուի մեջ տեղ են գտել նաև արձակ գործերից հատվածներ:

Ընտրանին մեծապես կօգնի ուսուցչին, դասուսույցին, դպրոցավարտին ու դիմորդին՝ «Հայոց լեզու և գրականություն» առարկայից դպրոցի պետական ավարտական և միասնական քննությանը նախապատրաստվելու համար:


Գ $\frac{4702080202}{0141(01)07}$ 2007թ.

ԳՄԴ 84Հ-5+82.3Հ

ISBN 978-99930-954-8-4

© Ստամպա, 2007թ.

ԳՈՂԹԱՆ ԵՐԳԵՐ



* * *

Երկներ երկին, երկներ երկիր,
Երկներ և ծովն ծիրանի.
Երկն ի ծովուն ուներ
Եւ զկարմրիկն եղեգնիկ:

Ընգ եղեգան փող ծովս ելաներ,
Ընդ եղեգան փող բոց ելաներ.
Եւ ի բոցոյն վազեր
Խարտեաշ պատանեկիկ:

Նա հուր հեր ուներ,
Բոց ուներ մօրուս,
Եւ աչկունքն էին արեգակունք:

* * *

Քեզ ասեմ, այր քաջ Արտաշէս,
Որ յաղթեցեր քաջ ազգին Ալանաց.
Ե՛կ հավանեա՛ց բանից աշագեղոյ դստերս Ալանաց
Տալ զպատանիդ.
Զի վասն միոյ քինու ոչ է օրէն դիւցազանց՝
Զայլոց դիւցազանց զարմից բառնալ զկենդանութիւն
Կամ ծառայեցուցանելով ի ստրկաց կարգի պահել,
Եւ թշնամութիւն յավիտենական
Ի մեջ երկոցունց ազգաց քաջաց հաստատել:

* * *

- Եւ ուստի՞ տացէ քաջն Արտաշէս
Հազարս ի հազարաց և բիրս ի բիրոց
Ընդ քաջազգոյ կոյս օրիորդիս Ալանաց:



* * *

Հեծաւ արի արքայն Արտաշէս ի սեան գեղեցիկ,
Եւ հանեալ զոսկէօղ շիկափոկ պարանն
Եւ անցեալ որպէս զարծուի սրաթև ընդ գետն,
Եւ ձգեալ զոսկէօղ շիկափոկ պարանն՝
Ընկէց ի մէջք օրիորդին Ալանաց,
Եւ շատ ցաւեցոյց զմէջքն փափուկ օրիորդին,
Արագ հասուցանելով ի բանակն իւր:

* * *

Տեղ ոսկի տեղայր ի փեսայութեանն Արտաշիսի,
Տեղայր մարգարիտ ի հարսնութեան Սաքինկանն:

* * *


- Եթէ դու յորս հեծնիս
ՅԱզատն ի վեր ի Մասիս,
Զքեզ կայցին քաջք, տարցին
ՅԱզատն ի վեր ի Մասիս.
Անդ կայցես
Եւ զլոյս մի՛ տեսցես:

* * *

Ո՛ր տայր ինձ զծովս ծխանի,
Եւ զառաւօտն Նաւասարդի,
Զվազելն եղանց
Եւ զվարզելն եղջերուաց.
Մեք փող հարուաք
Եւ թմբկի հարկանէաք,
Որպէս օրէն էր թագաւորաց:



ՎԱՂ ԵՎ ՈՒՇ
ՄԻՋՆԱԴԱՐՅԱՆ
ԳՐԱԿԱՆՈՒԹՅՈՒՆ



ՄԵՍՐՈՊ ՄԱՇՏՈՅ

Մեղք իմ բազում են յոյժ,
Ծանր են, քան զաւագ ծովու,
Քանզի քեզ միայնոյ մեղայ,
Ողորմեա ինձ, Աստուած:

Բա՛ց, Տէ՛ր, զղուռն ողորմութեան,
Որ ողբալով կարդամ առ քեզ,
Քանզի քեզ միայնոյ մեղայ,
Ողորմեա ինձ, Աստուած:

Հեղ յիս զգթութիւնդ քո,
Բազումողորմ և մարդասէր.
Քանզի քեզ միայնոյ մեղայ,
Ողորմեա ինձ, Աստուած:

* * *

Ծով կենցաղոյս հանապազ զիս ալեկոծէ:
Մրրկեալ ալիք քշնամին ինձ յարուցանէ:
Նաւապետ բարի, լեր անձին իմոյ ապաւնէ:
Ի համբառնալ իմում առ քեզ զաչս իմ՝
Օգնեա՛ ինձ, Տէ՛ր:
Ի յօրհնութիւն նոր օրհնեսցուք զքեզ,
Քրիստոս փրկիչ մեր:
Այցելու մեր և փրկիչ,
Կեցո՛ զանձինս մեր:

ՄՈՎՍԵՍ ԽՈՐԵՆԱՅԻ

Խորհուրդ մեծ և սքանչելի,
Որ յայսմ ատուր յայտնեցաւ.
Հովիւքն երգեն ընդ հրեշտակս՝
Տան աւետիս աշխարհի:



Ծնաւ նոր արքայ
Ի Բեթղեհէմ քաղաքի.
Որդիք մարդկան, օրհնեցէ՛ք,
Զի վասն մեր մարմնացաւ:

Անբաւելին երկնի և երկրի
Ի խանձարուրս պատեցաւ,
Ո՛չ մեկնելով ի հօրէ՛
Ի սուրբ այրին բազմեցաւ:

ՊԱՏՄՈՒԹԻՒՆ ՀԱՅՈՅ

(հաւրված «Ողբից...»)

Ողբամ զքեզ, Հայոց աշխարհ. ողբամ զքեզ, հանուրց հիւսի-
սականաց վեհագոյն. զի բարձաւ թագավոր և քահանայ, խորհրդա-
կան և ուսուցող. վրդովեցաւ խաղաղութիւն, արմատացաւ անկար-
գութիւն. դրդուեցաւ ուղղափառութիւն, կայկայեցաւ տգիտութեամբ
չարափառութիւն:

Ողորմիմ քեզ, եկեղեցի Հայաստանեայց, խրթնեցեալ ի
բարեզարդութենէ բեմբին, ի քաջէն զրկեալ ի հովուէ և ի հովուակցէ:
Ոչ ևս տեսանեն զբանաւոր քո հօտ ի վայրի դալարուոջ և ոչ առ
ջուրս հանգստեան տածեալս, և ոչ ի փարախ հավաքեալ՝ զգուշա-
նալով ի գայլոց, այլ ցրուեալս անապատաց և գահավիժութեանց:

ԵՂԻՇԵ

ՎԱՄՆ ՎԱՐԴԱՆԱՅ ԵՒ ՀԱՅՈՅ ՊԱՏԵՐԱԶՍԻՆ

(հաւրված)

Տիկնայք փափկասունք Հայոց աշխարհին, որ գրգեալք և
զգուեալք էին յիւրաքանչիւր ի բաստերունս և ի գահաւորակս,
հանապազ բոկ և հետի երթային ի տունս աղօթից, անձանձորյք
խնդրեալ ուխտիւք՝ զի համբերել կարասցեն մեծի նեղութեանն: Որ
ի մանկութենէ իւրեանց սնեալ էին ուղղովք զուարակաց և ամճովք
երէոց, խոտաբուտ կենօք իբրև զվայրենիս ընդունէին զկերակուրն

մեծավ խնդութեամբ. և ոչ յիշէին ամենևին զսովորական փափկութիւնն: Սևացեալ ներկան մորթք մարմնոց նոցա, վասն զի ցերեկ արևակեզք էին և զամենայն զիշերսն՝ զետնաբեկք...:

ՓՎՎՍՏՈՍ ԲՅՈՒՉԱՆԴ ՊԱՏՄՈՒԹԻՒՆ ՀԱՅՈՅ

Ի բայց կայ յինէն, ծառայ չարագործ տիրացեալ տէրանցն քոց, այլ ոչ թողից զքեզ և որդւոց քոց զվրէժ նախնեաց իմոց և զմահն Արտևանայ արքային: Զի այժմիկ ձեր ծառայից զմեր տէրանց ձերոց զբարձ կալեալ է, բայց ոչ թողից, եթե ոչ տեղիդ մեր առ մեր եկեսցէ:

* * *

Աղուես, դու էիր խանգարիչ՝ որ այսչափ աշխատ արարեր զմեզ. դու ես այն՝ որ կոտորեցեր զԱրիս այսչափ ամս, և զի՞ գործես. զմահ աղուեսու սպանից զքեզ: Իսկ Վասակ տուեալ պատասխանի ասէ. Այժմ քո տեսեալ զիս անձամբս փոքրիկ, ոչ առեր զչափ մեծութեան իմոյ, զի ցայժմ ես քեզ առեւծ էի, և արդ՝ աղուես: Բայց մինչ ես Վասակն էի, ես սկայ էի. մի ոտնս ի միոյ լերին կայր, և միս ոտնս իմ ի մերոյ լերին կայր. յորժամ ի ձախ ոտնն յենուի, զձախ լեռնն ընդ գետին տանէի: Ապա հարցանէր թագաւորն Պարսից Շապուհ և ասէ. Աղէ՛ տուրիմձ գիտել, ով են լերինքն այնոքիկ՝ զորս դուն ընդ ունջ տանէիր: Եւ ասէ Վասակ. Լերինքն երկուք, մի դու էիր, և մի թագաւորն Յունաց:

ԿՈՍԻՏԱՍ ԿԱԹՈՂԻԿՈՍ ԱՂՅԵՅԻ ԱՆՉԻՆՔ ՆՈՒԻՐԵԱԼՔ (քաղվածք)

Անձինք նուիրեալք սիրոյն Քրիստոսի,
Երկնավոր նահատակք և կուսանք իմաստունք,
Ի պարծանս ձեր բարձրացեալ տօնէ
Մայր Սիովն դստերօքն իւրովք:
Լուան թագաւորք և լցան խնդութեամբ,



Որսալ յանձն առին զգաղտնի մեծութիւնն.
Պարզել իրերաց խոստանային բանիք
Եւ ծածուկ հնարիք գողանալ ի միմեանց:

Հռիփսիմէ՛, մեծ խորհուրդ և անուն ցանկալի,
Ընտրեալ ի յերկրի և դասեալ ընդ հրեշտակս.
Եղեր օրինակ սրբութեան կուսանաց.
Վարդապետութիւն արանց արդարոց:

ԴԱՎԹԱԿՔԵՐԹՈՂ

ՈՂԲԸ Ի ՄԱՀՆ ՁԵՎԱՆՇԵՐԻ ՄԵԾԻ ԻՇԽԱՆԻՆ

(հասկած)

Աստուածային բանին արուեստատ՛ր հոգի,
Յօրինեա՛ իմաստի զտխրական երդմունս,
Ձի սգալի ձայնի անդադար ողբասցոր
Ի վերայ դժնդակ կորստեանս մերում:
Բեկումն մեծ, որ եղև Արևելից աշխարհիս,
Եւ աղաղակ կործանման հնչեաց ընդ երկիր.
Ազգք և ազինք լուիցեն զբարբառս իմ,
Եւ երկրածինքս ամենայն ողբասցեն ընդ իս:
Գլորեցաւ վեմն կենդանի և հօր,
Եւ պարիսպն ամրութեան խորտակեցաւ,
Աշտարակն բանաւոր տապալեցաւ.
Եւ ցանկն շինութեան խրամատեալ քակեցաւ:
Դարձաւ ի դառնութիւն խաղաղութիւն մեր,
Եւ դրունք հինից տեղասցին ի մեզ.
Ձի մեծասքանչ տէրութիւնն կործանեցաւ,
Եւ հրաշալի պետութեանն շիջաւ ճառագայթ...



ՍԱՀԱԿ ՉՈՐԱՓՈՐԵՅԻ

Էջ Միածինն ի Հօրէ,
Եւ լոյս փառաց ընդ մնա,
Չայնք հնչեցին սանդարամետք անդնդոց:

Տեսեալ զլոյս մեծ
Հայրապետին Գրիգորի,
Պատմէր ցնծութեամբ հաւատացեալ արքային:

Եկայք շինեսցուք
Սուրբ զխորանն լուսոյ.
Քանզի ի սմա ծագեաց մեզ լոյս
Ի Հայաստան աշխարհի:

ՍԱՀԱԿԱԳՈՒԽՏ ՍԻՒՆԵՅԻ

Սրբուհի՛ Մարիամ,
Անապական տաճար
Եւ կենարար բանին ծնող և մայր.
Օրհնեա՛լ ես դու ի կանայս,
Բերկրեալ տիրամայր և կո՛յս:

Անդաստան հոգևոր և համապայծառ ծաղիկ,
Որ ի հոգեհոս անձրևէն՝ հովանատրեալ ի քեզ՝
Պողաբերեցեր ի հօրէ՛ յայտնեալ մարդկան.
Օրհնեա՛լ ես դու ի կանայս,
Բերկրեալ տիրամայր և կո՛յս:

Հիւթական, եղական, անեղ բանին բնակարան,
Որ զհուրն աստուածութեան
Յորովայնի քում ընկալար և ոչ բոցակիզար
Որպէս որնըն զմորենին,



Այլ ծնար զԱստուածն բոլորից.
Օրինեալ ես դու ի կանայս,
Բերկրեալ տիրամայր և կոյս:

ԳՐԻԳՈՐ ՆԱՐԵԿԱՅԻ

ՎԱՐԴԱՎԱՌԻՆ

Գոհար վարդն վառ առեալ
ի վեհից վարսիցն արփենից:
Ի վեր ի վերայ վարսից
ծաւալէր ծաղիկ ծովային:
Ի համատարած ծովէն
պղպջէր գոյնն այն ծաղկին,
Երփին երփնունակ ծաղկին
շողշողէր պտուղն ի ճղին:
Քրքում վակասիր պտուղն
սնանէր խուռն տերևով.
Տերևն տաւիղ տուողին,
գոր երգէր Դաւիթ հրաշալին:
Ի փունջ խուռներամ վարդից
գոյնզգոյն ծաղկունք ծաղկեցան:
Այդ սօս ու տօսայս ծառերդ
վարդագոյն ոստս արծակեցին:
Այդ նոճ ու բողբօջ արօսդ,
գարդ առեալ վարդն շուշանին.
Շուշանն շողէր յովսիւն,
շողշողէր դէմ արեգականն:
Այն հիսիսային հովէն,
հով հարեալ գոհար շուշանին.
Յայն հարաւային լեռնէն,
քաղցր օդով ցօղէր շուշանին:
Շուշանն շաղով լցեալ
շող շաղով և շար մարգարտով,



Ծաղկունքդ ամեն շաղ առին,
շաղն՝ յամպէն, ամպն՝ յարեգակնէն:
Աստղունքդ ամեն շուրջ առին,
դեմ լուսնին գունդ գունդ բոլորին.
գունդ գունդ խաչաձև գնդակ,
յօրինուած երկնից շուրջանակ:
Փափք Հօր և Որդոյն յաւետ
Սուրբ Հոգոյն այժմ և յաիտեանս:

ՄԵՂԵԴԻ ԾՆՆԴԻ

Աչքըն ծով ի ծով ծիծաղախիտ
ծաւալանայր յառաւօտուն՝
երկու փայլակնաձև արեգական մման.
շողն ի ժմին իջեալ յառաւօտէ լոյս:
Յայտէն նռնենի սարդիատունկ
գեղաշիտակ ծայրից ծաղկանց,
որոյ սիւնն ի սրտին նուսխայօրէն
կարկաջայր սաքբերունի սէր:
Ձեռացն եղիշոյ կամարակապ կապէր.
ատիճա՜ղ պատիճա՜ղ, ստղի-խտղի երգով:
Հիսէր գելևելսն ընդ միմեանս,
հանդարտիկ խաղայր, թիկնէթեկին ճեմէր:
Բերանն երկթերթի, վարդն ի շրթանց կաթէր,
լեզուին շաժողին քաղցրերգանայր տաւիղն:
Ի ծամին խեղեփին հազրէ, զի նոյն սէր
հոգիազգեստեալ գեղն ի գինւոյն գոյն:
Վարսիցն երամից զարդ, երամից զարդ
ողորս են առեալ եռահիւսակն բոլորեալ այտիւք:
Ծոցն լուսափայլ, կարմիր վարդով լըցեալ.
ծղիքն ծիրանի՝ մանուշակի հոյլք:
Խնկեալ ի կնդրկէ բուրվառ՝ հրով աստուածայնով լցեալ.
ձայն քաղցրամուտագ, որ ի նմանէ հնչէր:
Գեղեցիկ պատմութեանս գարդարեալ էր,



ի կապուտոյ, ի ծիրանոյ, ի բեհեզոյ, ի յորդանէ,
ոսկեշողէ՛ր գոյնն:

Գօտին արծաթափայլ, ոսկէտտուն,
կամարակապ յականց, յականց շափիւղայ,
մանրամասն յօրինուածով պճնեալ:

Անձինն ի շարժել մարգարտափայլ գեղով.

ոտիցն ի գնալ՝ շողն ի կաթել առնոյր:

Այն թագաւորի՛ն, այն նորածին փրկչին.

գքե՛զ պսակողին փա՛ռք յալիտեանս, ամէն:

ՄԱՏԵԱՆ ՈՂԲԵՐԳՈՒԹԵԱՆ

ԲԱՆ Ա

Ի ԽՈՐՈՅ ՍՐՏԻՅ ԽՕՍԲ ԸՆԴ ԱՍՏՈՒԱԾՈՅ

Չայն հառաչանաց հեծութեան սրտի՛ ողբոց աղաղակի
Քեզ վերընծայեմ, տեսողդ գաղտնեաց,
Եւ մատուցեալ եղեալ ի հուր թախծութեան անձին տոչորման՝
Չպտուղ ըղձին ճենճերոյ սասանեալ մտացս,
Բուրվառաւ կամացըս առաքել առ քեզ:
Այլ հոտոտեսցիս, հայեսցիս, գքած,
Քան ի պատարագն բոլորապտուղ,
Մատուցեալ ծխոյն բարդութեան:
Ընկա՛լ զսակաւամասնեայ բանիցս յօրդուած
Քեզ ի հաճութիւն, և մի՛ իբարկութիւն.
Ելցէ ի խորոց աստի զգայութեանց խորհրդակիր սենեկիս՝
Վաղվաղակի ժամանել առ քեզ՝
Կամաւորական նուէր բանական զոհիս,
Ողջակիզեալ գօրութեամբ ճարպոյ,
Որ յիսն է պարարտութիւն:

ԲԱՆ ՉԸ

Եւ արդ, ընկա՛լ գայս հյուսուած բանի աղիողորմ հեծեծանաց,
Եւ հոտոտեսցիս յայս նուէր բանի անարիւն զոհի, թագաւոր երկնի,



Յա՛ր իլթիմագով:
Հաքիլ իս ատլաս,
Թուրլու գար ու խաս՝
Սալբու դալ բովուն,
Չեռիդ ունիս թաս,
Լըցնիս ու ինձ տաս,
Դուրբան իմ մովուն,
Թաք դու բաղչեն գաս
Անիս մասնեմաս
Քու Սայաթ-Նովուն:
Մո՛ւտ բաղչեն նագով,
Քիզ գովիմ սագով,
Յա՛ր, իլթիմագով:

ՄԵ ԽՈՍԿ ՈՒՆԻՄ ԻԼԹԻՄԱԶՈՎ
(հայրված)

Մե խոսկ ունիմ իլթիմագով, անգաճ արա՛, ո՛վ աճկիլուս,
Սըրտումըս ինթիգար ունիմ, քու տիսըն բարով, աճկիլուս,
Աջաք քիզ ի՞նչ գեթ իմ արի՛ կենում իս խըռով, աճկիլուս,
Աշխարս աշխարով կըշտացավ, յիս քիզանից սով, աճկիլուս:

Թեգուզ հագար դարդ ունենամ, յիս սըրտումըս ա՛հ չիմ ասի.
Իմ հուքմի հեքիմըն դուն իս, յիս է՛լ ուրիշ շահ չիմ ասի.
Սայաթ-Նովեն ասաց. գա՛լում, յիս էն մահին մահ չիմ ասի,
Հենչաք ըլի՛ դուն վըրես լաս, մագըղ շաղ տալով, աճկիլուս:

ԱՇԽԱՐԸՍ ՄԵ ՓԱՆԶԱՐԱ Է

Աշխարըս մե փանջարա է, թաղերումեն բեգարիլ իմ,
Մըտիկ տըվողըն կու խուցվի, դաղերումեն բեգարիլ իմ,
Էրեզ լավ էր կանց վուր էսօր, վաղերումեն բեգարիլ իմ.
Մարթ համաշա մեկ չի՛ ըլի, խաղերումեն բեգարիլ իմ:

Եւ օրհնեալ սրբեա՛ զտառս մատենի այսր ողբերգութեան,
 Եւ գրեալ դրոշմեսցես՝ յարձան յաիտեան
 Ընդ հաճոյականացն սպասատրութիւնս:
 Կացցէ առաջի քո մշտենջենաւոր,
 Եւ յիշատակեսցի՛ ի լսելիսդ քո հանապագ,
 Բարբառեսցի շրթամբք ընտրելոց քոց,
 Եւ խոսեսցի բերանովք հրեշտակաց քոց,
 Տարածեսցի հանդէպ աթոռոյ քու
 Եւ ընծայեսցի ի սրահ սրբութեան քու,
 Խնկեսցի ի տաճար անուան քու,
 Եւ բուրեսցի ի սեղան փառաց քո,
 Պահեսցի ի գանձարանի քում,
 Եւ համբարեսցի ի ստացուածս քո,
 Պատմեսցի ի յականջս ազգաց,
 Եւ քարոզեսցի ի լուր ժողովրդոց,
 Նկարեսցի ի դրոմս իմաստից,
 Եւ տպաւորեսցի ի սեանս զգայութեանց,
 Իբր կենդանեօք զի՛նս պատմեսցէ՝
 ոստովանեալ զանօրէնութիւն:
 Եւ թէպէտ վախճան ընկալայց իբր զմահացու,
 Այլ յարակայութեամբ բանի այսր սփերի՝
 Գրեցայց կենդանի...

ՆԵՐՍԵՍ ՇՆՈՐՀԱԼԻ

ԱՌԱՄՕՏ ԼՈՒՄՈՅ

(հաւրված)

Առաւօ՛տ լուսոյ,
 Արեգա՛կն արդար,
 Առ իս լոյս ծագեա՛:

Բղխո՛ւմն ի Հօրէ,
 Բղեա՛ ի հոգոյս
 Բան քեզ ի հաճոյս:



Գանձող ողորմութեան,
Գանձիդ ծածկելոյ
Գտող զիս արա:

Դո՛ւնն ողորմութեան
Դաւանողիս քա՛ց,
Դասեցո՛ վերնոցն:

Երբեակ միութի՛ն,
Եղելոց խնամո՛ղ,
Եւ ի՛նձ ողորմեա:

Չարթի՛ր, Տէր՝ յօգնել,
Չարթո՛ գթմբեալս,
Չուարթնոց նմանիլ:

Է՛ղ Հայր անսկիզբն,
Էակի՛ց Որդի,
Է՛ միշտ Սուրբ Հոգի...

ՈՂՐ ԵՂԵՄԻՈՅ
(հարված)

... Բայց և զքեզ յայս հրաւիրեմ,
Արևելյան քաղաքդ Անի,
Կցո՛րդ լեր դու իմոյս ձայնի
 և սփոփիչ տարակուսի:
Քանզի երբեմն և դու էիր,
 վայելչական հարսն ի քօղի,
Մերձաւորաց յոյժ ցանկալի.
 հեռաւորաց փափագելի:
Շինեալ եղեր տուն արքունի,
Յընտրեալ նահանգդ Շարայի.
Թագաւորաց Բագրատունի,



ճակատդ է լոյս ու լոյս կու տայ,
Բոլոր լուսին, շամս ու դամար.
Վարսերդ ոսկի թելով քաշած
Վերայ անձինդ իջեր հաւասար...

Նշտարենի ծառ ես ծաղկեալ,
Պտուղ կու տաս մուշկ ու ամպար,
Բեհեզ հագնիս ու ծիրանի,
Ծըպերդ ամէն մարգարտաշար...

Մարդ որ սիրու կու հանդիպի,
Նայ քան ըզկրակ կու լինի վառ,
Այլ ոչ աղօթք միտքըն կու գայ,
Ոչ Յասմաուր կարդայ և ճառ...

ՆԱՀԱՊԵՏ ՔՈՒՉԱԿ ՀԱՅՐԵՆԻ ԿԱՐԳԱԻ

...

Լուսին, պարծենաս, ասես.

«Լուս կու տամ ես աստնորին»:

Ահա հողեղէն լուսին

ի գրկիս ՚ երեսն երեսիս,

Թէ չես ատալ այս գերուս,

յետ տանիմ գփէշ կապայիս,

Վախենմ՝ սիրոյ տէր լինիս,

լուս պակաս տաս աստնորիս:

...

-Քո ծոցդ է ճերմակ տաճար,

քո ծծերդ է կանթեղ ի վառ.

Երթամ ես, ժամկոչ ըլլամ,

գամ, լինեմ տաճրիդ լուսարար:

-Գնա, ծօ տղայ՝ տխմար,

չի վայլես տաճրիս լուսարար,

Երթաս դու խաղով լինաս,

ու թողու տաճարս ի խաւար:



Որ ի ցեղէն Իսրայելի.
Յազգէն սերեալ մեծին Դ-աթի՝
Աստուածահօր մարգարէի,
Գեղեցկանուն զարմանալի,
Որ երբակի տառիւ բերի
յԵրրորդութեանն խորհրդի,
Որ միշտ ի քէն երկրպագի:

ՀԱՒԱՏՈՎ ԽՈՍՏՈՎԱՆԻՄ...

(հարված)

Հաւատով խոստովանիմ և երկիր պագանեմ քեզ,
Հայր և Որդի և Սուրբ Հոգի.
Ահեղ և անմահ բնութիւն.
Արարիչ հրեշտակաց և մարդկան և ամենայն եղելոց.
Եւ ողորմեա քո արարածոց և ինձ՝ բազմամեղիս:

Հաւատով խոստովանիմ և երկիր պագեմ քեզ,
Անբաժանելի լոյս, միասնական Սուրբ Երրորդութիւն,
Եւ մի Աստուածութիւն՝
Արարիչ լուսոյ և հալածիչ խաւարի,
Հալածեա ի հոգոյ իմմէ զխաւար մեղաց և անգիտութեան,
Եւ լուսաւորեա զմիտս իմ ի ժամուս յայսմիկ՝
Աղօթել քեզ ի հաճոյս
Եւ ընդունիլ ի քէն զխնդրուածս իմ.
Եւ ողորմեա քո արարածոց և ինձ՝ բազմամեղիս:
Հայր երկնաւոր Աստուած ճշմարիտ,
Որ առաքեցեր Չորդիդ քո սիրելի
Ի խնդիր մոլորեալ ոչխարին.
Մեղայ յերկրինս և առաջի քո.
Ընկալ զիս որպէս զանառակն որդին,
Չոր մերկացաւ մեղօք,
Եւ ողորմեա քո արարածոց և ինձ՝ բազմամեղիս...

2041

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
«ՄԻՆԻՐ-ԱՐ ՍԵՖԱՍՏԱՏԻ»
Կրթական Համալիր
ԵՐԵՎԱՆԻ ԳՐԱԳԱՐԱՆ



ՀՈՎՀԱՆՆԵՍ ԵՐԶՆԿԱՅԻ

ՊԼՈՒԶ

....

Աշխարհս է ծով նման, ով որ գայ՝ անթաց չմնայ,
Յայս ծովս ես ի նաւ մըտայ, գնաց նաւս, և ես չիմացայ,
Յեզեր մօտեցեր եմ ես, վախենմ թէ քարի դիպենայ.
Քակտի իմ աղուոր շինուածս ու տախտակըս մէկմէկանայ:

...

Մէկ կայ, որ հազար ածէ, հազար կայ, որ մեկ մի չածէ,
Այն մէկն որ հազարն ածէ, մօտ յանգէտին փող մի չարծէ:
Ինչ մարդ որ գիտուն մարդուն խոնարհի և նմա լսէ,
Այս կեանքս ինքն ստանայ՝ ւ անդէմին բարին ժառանգէ:

ՅՐԻԿ

ՅՐԿԱՆ ԱՄԱՅԵԱԼ ՏԱՂ ՀՈԳԵՇԱՀ

(հայրված)

Մի՛րտ իմ, ընդէ՞ր ես խռովել,
Ա՛չք իմ, ընդէ՞ր ես խաւարել.
Խե՛լք իմ, ընդէ՞ր ես ճապաղել,
Մի՛տք իմ, ընդէ՞ր ես շիարել:
Է՞ր չես գմահու օրն անդիճել
Ի հիշատակի գալոյն վախել.
Չհոգոյ քանդիլն յէ՞ր չես յիշել,
ՅԱստուծոյ յէ՞ր ես հեռացել:
Չիր պատուիրանն ես մոռացել,
Դիմաց հոգւոյդ ես քարացել.
Գանձ ու դումաշ ես ժողովել,
Վերայ գլխոյդ մոխիր մաղել:
Իսկի տեսել չե՞ս կամ լսել
Ինչ մեծատուն մարդ է մեռել,
Իսկի դեկան հետ չի տարել:
Ինքն է ժողվել, ի՛այլք են կերել,
Հաց մի չիշխեաց յիւրմէն ուտել.
Թե չէ ռոճիկս իւր արարել,
Չբոց ու կրակն ես քեզ վառել...



...

Եկին ու խապար բերին,
թէ՛ «Ելեր քո եարն ու կու գայ»:
Եկեք, մեք ի դէմ երթանք,
որ նորա սիրտն չի մնայ.
Պագնենք զիր կարմիր երեսն,
որ աշխարհս չէ ի գին նորա.
Առնումք ի ոտուց փոշին,
ու քաշենք աշուիս քութիա:

...

Ես աչք ու դու լոյս, հոգի՛,
առանց լոյս աչքն խաւարի,
Ես ծուկ ու դու ջուր, հոգի՛,
առանց ջուր՝ ծուկն մեռանի.
Երբ զծուկն ի ջրէն հանեն
ի՞ի այլ ջուր ձգեն նա ապրի,
Երբ զիս ի քենէ՛ զատեն՝
քան զմեռնիլն այլ ճար չի լինի:

...

Երթամ, չի կենամ ի հոս,
ուր երթամ՝ հոն ալ չի կենամ.
Երթամ քանց Հոռոմն ի վար,
վտարիմ, այլ իսկի չի գամ,
Թէ՛ գան զիմ տեղն ասեն,
նայ հեռու եմ՝ այլ հեռանամ.
Թէ՛ գան ու զքո տեղն ասեն,
նայ զինճիլն եմ, կտրեմ ու գամ:

...

Քանի՛ ու քանի՛ ասեմ՝
- Չիմ եարին կապան կարեցեք.
Արևն իւր երեսք արեք,
զլուսնկան աստառ ձևեցէ՛ք.
Թուխ ամպն այլ բամպակ արեք
ի՛ ի ծաւեն դերան քաշեցեք.



ԿՈՍՏԱՆՏԻՆ ԵՐԶՆԿԱՅԻ
ՀՈԳԻ, ԱՉԵՐՈՒՄ ԻՄ ԼՈՅՍ
(քաղվածք)

Հոգի՛, աչերուս իմ լոյս,
Երբ որ ի դիմացս ելնուս
Փախչիս, երբ որ զիս տեսնուս,
Խղճա՛ քո գերոյս, իմ լոյս:

Դու զլոյս աչերուս առնուս՝
Թէ զիս քեզ օտար տեսնուս,
Դու ես հոգի իմ հոգոյս,
Խղճա՛ քո գերոյս, իմ լոյս:

Մարմինս անհոգի զանց քեզ,
Հոգիս անդադար հետ քեզ,
Իսկի չի խղճա՞ս դու ինձ.
Չի գիտե՞ս, որ ծառայ եմ քեզ...

Խիստ խղճուկ եմ ու անյոյս,
Կու ծփամ ի մեջ ծովուս,
Չերևիր եզերն ճամփուս.
Արի-եկ, աչերուս իմ լոյս:

ՀՈՎՀԱՆՆԵՍ ԹԼԿՈՒՐԱՆՅԻ
ԳԷՆԱՅԲԱՀԱՐ, ԱՅԼԻ Ի ԲԱՀԱՐ...
(քաղվածք)

Գեճայ բահա՛ր, այլի բահար,
Այլ՝ ի կու տան սիրոյ խապար.
Ծով-ծով աչեր ու լուս քընար,
Ունքն է կեռեր քան ըզկամար:



Դովլաթըն էտիքար չունե, յիփ օր կերթա իր շըքարով,
Լավ մարթն էն է՝ գլուխըն պահե աշխարումըս էտիքարով.
Աշխարըս միզ մընալու չէ՝ իմաստասիրաց խաբարով.
Գուզիմ թըռչի բըլբուլի պես, բաղերումեն բեզարիլ իմ:

Ո՞վ կոսե, թե յիս կու ապրիմ առուտեմեն ինչրու մուտըն՝
Աստըճու ձեռումըն հիշտ է մարդու աշխարք յիլումուտըն.
Դուրթս էնդուր ճամփա չէ գնում՝ շատացիլ է խալխի սուտըն,
Քըսանըն մե դուլ չին պահում, աղերումեն բեզարիլ իմ:

Աշխարըս միզ մընալու չէ, քանի նըստինք գող ու սափին,
Հում կաթնակիր Աթամի գաթ, նա՛լլաթ ըլի էտ քո բափին.
Համփիրութինըս հատիլ է, չիմ դիմանում խալխի գափին.
Դոստիրըս դուշման ին դառի- յաղերումեն բեզարիլ իմ:

Սայաթ-Նովեն ասաց՝ դարդըս կանց մե ճարըն շատացիլ է
Չունիմ վաղվան քաղցըր փառքըս, հիմի դառըն շատացիլ է,
Բըլբուլի պես էնդուր գու լամ՝ վարթիս խարըն շատացիլ է,
Չի՛ն թողնում վախտին բացվելու, քաղերումեն բեզարիլ իմ:



Աստղերն այլ կոճակ արեք,
զիս ի ներս ողկիկ շարեցեք:

...

Երբ սերն ի յաշխարհս եկաւ,
եկաւ իմ սիրտս բնակեցաւ.

Հապա յիմ սրտէս ի դուրս՝
յերկրէ յերկիր թափեցաւ.

Եկաւ ի գլուխս ելաւ,
ի ըղեղս ելաւ թառեցաւ:

Աշիցս արտասուք ուզեց,
նայ արիւն ի վար վաթեցաւ:

...

Իմ եար, թե ի վեր հայիմ,
Թե ի վայր, քան զքեզ չկա.

Ամէնն աստղաց նման,

Դուն ի մեջ պայծառ լուսնկա.

Կաղանդն շնորհաւոր կ'ասեն,

Ի տարին մէկ օր մի կու գայ.

Այսօր ինձ հազար կաղանդ

Աչերուս, որ զքեզ տեսաւ:

...

Չկայ ոչ տղայ, ոչ ծեր,
որ սիրու կածան չէ կոխեր.

Չկայ իմ խոցիս հէքիմ.

այն որ կայ՝ նա դեղ չի գիտեր.

Կամ զգանգատս ո՞ւմ անեմ,

որ երթար իմ եարոջն ասեր.

Երթամ ստեղծողին ասեմ,

զինչ որ յիմ ճակատս է գրեր:

...

Աչքերդ է ի ծով նման,

Որ Մարա դուռն է կանգներ.

Վարսերդ ի յալի նման,

որ քամին կ'անէ տարուեր.



Քան զուռ ես ի վեր վագեր,
քան զկարմիր խնձոր բոլորեր.

Պայծառ ես քան զքեաֆուր վարդ,
որ հոտով զաշխարհս է լցեր:

ԳՐԻԳՈՐԻՍ ԱՂԹԱՍԱՐՅԻ

**ՏԱՂԻ ՎԵՐԱՅ ՆՈՐԱՇԷՆ ՏՈՒՆ ԵՒ
ԱՅԳԻ ՈՒՆԵՅՈՂԻ ԵՒ ԼԱԼՈՒ**

Յամէն առաւօտ և լոյս
Գարբիէլն ասեր հոգոյս,
-Արի՛, ել ի յայս այգոյս,-
Այս իմ նորատունկ այգոյս:

Քար են բերեր սարերոյս,
Փուշ են բերեր սարերոյս,
Պատ են բոլորեր այգոյս,
Կասենք՝ «Արեկ, ել այգոյս»:

Ինչպէ՞ս ելնեն ի յայգոյս,
Գէմ չար փուշ կայ պատերոյս:
Ջուր են բերեր լեռներոյս,
Աղբիւր են շիներ այգոյս,
Դեռ չեն խրմեր ի ջրրոյս,
Կասեն, թ՛ «Արեկ, ել այգոյս»:

Ոռ են տընկեր այս այգոյս,
Չտակն են ջուր այս տընկոյս,
Դեռ չեն կերեր ի պըտողոյս,
Կասենք՝ «Արեկ, ել այգոյս»:
Այս իմ նորատունկ այգոյս:

Հնձան են շիներ այգոյս,
Կարաս են քաղեր գինոյս,



ՆԱՂԱՇ ՀՈՎՆԱԹԱՆ

ՏԱՂ ՄԻՐՈՅ

Ի Նաղաշ Յովնաբանէ ասացեալ բան

Լուսնի նման պայծառ երես բոլորած,
Ես մնացի կարօտ՝ ես համբուրից համար:
Վարսերդ ոսկի թելի նման ոլորած,
Ես մնացի կարօտէ ետ տալոյ համար:

Ունքերդ կապել է կամար կրակով,
Աչքերդ վառել է պայծառ ճրագով,
Ափսոս, որ ծածկել ես բարակ լաչակով.
Ես մնացի կարօտէ ետ տեսնելոյ համար:

Ծոցիդ շամամներն խիստ է նորահարս,
Վախեմ՝ թէ թառամի, շատ մի կենար պաս,
Թե ինձ նշանց չտաս՝ ընկնե՛ս պատուհաս.
Ես մնացի կարօտէ ետ ձեռք տալոյ համար:

Մէջքդ նազու բարակ, աղէկ լաւ պաղան,
Վախեմ՝ թէ գիրկ ամէ նաշի մարդ նաղան,
Քեամար էլ ես կապել տունրդ աւանդան.
Ես մնացի կարօտէ ետ գրկելոյ համար:

Բերանդ՝ կարմիր գինի, լեզուդ՝ համեղ նուշ,
Դու մինակ կու խըմես ու կանես անուշ,
Նաղաշն թողել ես ծարաւ ու բէուշ.
Ես մնացի կարօտ ետ խմելոյ համար:

**ՏԱՂ ՄԻՐՈՅ» ՆԱՂԱՇ ՀՈՎՆԱԹԱՆ Է
«ՅԱՅՏՆԵՅԱԻ ԳԱՐՈՒՆ»-Ի ՉԱՅՆՆ Է
(հարսկած)**

Պատկեր մի տեսի լուսնի նման,



Դեռ չեմ խմեր ի գինոյս,
Կասեն, թ' «Արե՛կ, ել այգոյս»:
Այս իմ նորաշէն տներոյս:

Տուն եմ շիներ մէջ այգոյս,
Ոսկով նախշած չարտըխնուս,
Դեռ չեմ վայելեր շենքերոյս,
Կասեն, թ' «Արե՛կ, ել այգոյս»:
Այս իմ նորաշէն տներոյս:

Վարդ եմ տնկեր այս այգոյս,
Կարմիր ՚ըսպիտակ վարդոյս,
Դեռ չեմ զոտն առներ վարդոյս,
Կասեն, թ' «Արե՛կ, ել այգոյս»:

Ծաղիկ եմ տընկեր այգոյս,
Կանաչ ու դեղին ծաղկոյս,
Դեռ չեմ զոտեն առեր ծաղկոյս,
Կասեն, թ' «Արե՛կ, ել այգոյս»:
Այս իմ նորաշէն տներոյս:

Գաբրիէլն եկաւ հոգոյս,
Յահէն կապեցաւ լեգուս,
Խարաւ աչերս ի լուսոյս,
Աւա՛ղ իմ կարճ արևուս,
Կասեն, թ' «Արե՛կ, ել այգոյս»:

Առին զհոգիս ի մարմնոյս,
Հանեցին զիս յիմ այգոյս,
Մահ է, որ ելնեմ այգոյս,
Այս իմ նորաշէն տներոյս:

Ուռն կանաչ է այգոյս,
Որթն բացեալ է տընկոյս,
Խաղողն գոյնըգոյն այգոյս,



Ծառեր-տունկըն շատ՝ այգոյս,
Կասեն, ք՛ «Արե՛կ, ել այգոյս»:

Պըլպուլըն կանչէ այգոյս,
Առաւօտէն մինչ ի լոյս,
Յօղն իջանէ ի յայգոյս,
Յամեն առաւօտ և լոյս:

ՏԱՂ

ԱՂԹԱՍԱՐՅԻ ԳՐԻԳՈՐԻՍ ԿԱԹՈՂԻԿՈՍԷ ԱՍԱՅԵԱԼ

(քաղվածք)

Ահա այգիք մեր ծաղկեցան,
Բուրեն ըգիտուն անմահութեան,
Ե՛կ, ցանկալի իմ ւ՛ աննըման,
Եւ զուարճասցուք ի բուրաստան:

Բրիտեն ըստինքդ կաթն և գինի,
Մեղր ի շըրթնացըդ քո կաթի,
Որով հոգիս իմ փափագի
Եւ նըւաղեալ յոյժ տոչորի:

Գեղեցկագեղ, քաղցրաբարբառ,
Մէր քո ունի խորհուրդ անճառ,
Իմանալի արև պայծառ,
Լուսաւորեալ զմիտըս խաւար:

Ժուժկալութիւն չունիմ անկամ,
Ձտի ու զգիշեր նըստեալ ողբամ,
Վառեալ սիրով քո տապանամ,
Ձաշս ի յանհասըդ համբառնամ:



Աշքերն պայծառ արեգական,
Ունքերն կամար խիստ պատուական,
Կու սիրեմ, գալում, գալում,
Ինչ մօտ կու բերեմ, գալում:

Ծամերըդ ռեհան ու սուսամբար,
Ծոցեդ հոտ կուգայ մուշկի ամբար,
Վզեդ կախել ես հեքալ, չամբար,
Կարօտ ունիմ, գալում,
Թող մէկ համբուրեմ, գալում:

Բոլոր խալ ունիս, սիահ ծամեր,
Մատուցքդ բարակ՝ թափած մոմեր,
Դու քո ձեռքն թաս մի խմեր,
Ես կու տամ, գալում, գալում,
Մայիլ կու մնամ, գալում:

ՊԱՂ ԴԱՍԱՐ ԴՊԻՐ

Ի ՆԸՆՁՄԱՆԷԴ ԱՐՔԱՅԱԿԱՆ...

(հարված)


Ի նընջմանեդ արքայական,
Չարթի՛ր, նագելի իմ, զարթի՛ր,
Էհաս նըշոյն արեգական,
Չարթի՛ր, նագելի իմ, զարթի՛ր,

Պատկեր սիրուն, տիպ բոլորակ,
Լըրացելոյ լուսոյն քատակ,
Ոչ գըտանի քեզ օրինակ,
Չարթի՛ր, նագելի իմ, զարթի՛ր,

Քո այդ տեսիլդ, զոր դու ունիս,
Արար ծառայ քեզ ըզգերիս,
Արեակեզ գուցե լինիս,
Չարթի՛ր, նագելի իմ, զարթի՛ր,



ՀԱՅ ՆՈՐ ԳՐԱԿԱՆՈՒԹՅՈՒՆ



ՍԱՅԱԹ ՆՈՎԱ

...

Աշխարումըս ախ չիմ քաշի, քանի վուր ջան իս ինձ ամա,
Անմահական ջըրով լիքըն օսկե փընջան իս ինձ ամա.
Նըստիմ, վըրես շըվաք անիս՝ զարբար վըրան իս ինձ ամա.
Սուչս իմացի՛, էնենց սպանե՛ սուլթան ու խան իս ինձ ամա.

Մեճկըդ սալբու չինարի պես, ռանգըդ փըռանգի ատլաս է,
Լիզուդ շաքար, պըռոշըդ՝ դանդ, ակոռքըդ մարքրիտ ալմաս է.
Օսկու մեչը մինա արած, աճկիրըդ, ակնակապ թաս է.
Պատվական անգին զավահիր, լալ-բադեշխան իս ինձ ամա:

Յիս էս դարդին վ՞ւնց դիմանամ՝ մակա՞մ սիրտըս ունիմ քարած,
Արտըսունքս արուն շինեցիր, խելքըս գըլխես ունիմ տարած,
Նուր բաղ իս, նուր բաղչի մեչըն, բուրքըդ՝ վարթով չափարած.
Վըրեդ շուռ գամ բլբուլի պես՝ սիրով սեյրան իս ինձ ամա:

Քու էշըն ինձի մաստ արավ. յիս զարթուն իմ, սիրտս է քընած.
Աշխարիս աշխարհով կշտացավ, իմ սիրտըս քիզնից սով մնաց.
Յար, քիզ ինչո՞վ թարիփ անիմ՝ աշխարհումըս բան չը մընաց.
Կրակե, ծովեմեն դուս էկած, ռաշ ու ջեյրան իս ինձ ամա:

Ինչ կուլի մեկ հիդըս խոսիս, թե վուր Սայաթ-Նովու յար իս.
Շուխկըդ աշխարհըս բըռնիլ է՝ արեգակի դեմըն փար իս.
Հուտով հիլ, միխակ, դարչին, վարթ, մանիշակ, սուսանբար իս,
Կարմըրագույն՝ դաշտի ծաղիկ, հովտաց շուշան իս ինձ ամա:

...

Չենըդ քացըր ունիս՝ լամզով կու խոսիս.
Նա պահե քիզ, ումն ծա՛ռա իս գո՛ճալ.
Մեճկըդ-ջեյրանի է, ռանգըդ՝ շաքարի,
Փռանգըստանու էկած խարա իս, գո՛ճալ:



Ղումաշ ասիմ՝ շուրեղեն է, կու մաշվի,
Մալբի ասիմ՝ ախրը մին օր կու տաշվի,
Ջեյրան ասիմ՝ շատ մարթ քիզիդ կու յաշվի,
Բաս վունց քարիփ անիմ՝ մարա իս, գո՛գալ:

Թե մանիշակ ասիմ՝ սարեմեն կոսին,
Թե ջավայիր ասիմ՝ քարեմեն կոսին,
Թե վուր լուսին ասիմ՝ տարեմեն կոսին,
Արեգակին նըման փարա իս, գո՛գալ:

Գո՛գիմ, քե համաշա դըռանըդ գամ ուխտ՝
Աճկիրդ՝ կարմիր վա՛րթ, նուր բաց արած տուխտ,
Լիզուդ գըրիչ ունիս, ձեռքըդ՝ գուլգազ թուխտ,
Ծովեմեն դուս էկած զարա իս, գո՛գալ:

Միրասիրըդ սըրտիս մեչը ցանեցիր,
Նազ ու դամզով, յա՛ր, իմ հոքիս հանեցիր,
Էս քու Մայաթ-Նովուն դո՛ն ըսպանեցիր,
Գըլխիդ էկած դադեն առա յիս, գո՛գալ:

ԶԱՆԻ ՎՈՒՐ ՋԱՆ ԻՄ (հայրված)

Զանի վուր ջան իմ,
Յա՛ր, քի դուրբան իմ,
Աբա ի՛նչ անիմ,
Արտասունք անիմ,
Շատ հոքուց հանիմ,
Յա՛ր, դադետ անիմ:
Ասիր՝ Ջեյրան իմ,
Թուղ քի սեյր անիմ,
Յա՛ր, մըտիկ անիմ:
Մո՛ւտ բաղչեն նազով,
Միզ գովիմ սազով:



ԽԱՉԱՏՈՒՐ ԱՔՈՎՅԱՆ

ՎԵՐՔ ՀԱՅԱՍՏԱՆԻ

Ոչ քսան, երեսուն տարուց ավելի ա, իմ ազի՛զ հեր, իմ սիրելի՛ ազգ, որ սիրտս կրակ ա ընկել, էրվում, փոթոթվում ա, գիշեր-ցերեկ լացն ու սուգը իմ աչքիցս, ախն ու ոխը իմ բերանիցս չի պակսում, ա՛յ իմ արյունակից բարեկամք, որ մեկ միտքս ու մուրազս ձեզ պատմեի ու հետո ամեն սիսթ մահվան հրեղեն սուրը գլխիս պտտում էր, ամեն բուպեի ձեր սիրտն ու դարդը հոգիս էրում, մաշում էր. լսում էի ձեր քաղցր ձենը, տեսնում էի ձեր սիրուն երեսը, իմանում էի ձեր ազնիվ միտքն ու կամքը, վայելում ձեր ազիզ սերն ու բարեկամությունը, մտածում էի ձեր կորցրած փառքն ու մեծությունը, մեր առաջին, էն հիանալի թագավորաց, իշխանաց գործքն ու կյանքը, մեր Հայրենյաց, մեր սուրբ աշխարհքի առաջվան սքանչելիքն ու հրաշքը, մեր ընտիր ազգի անմահ բնությունը ու արած քաջությունները: Մասիսն առաջիս էր կանգնած միշտ, որ մատով ցույց էր տալիս, թե ինչ աշխարհքի ծնունդ եմ ես. դրախտը մտքումս էր կենդանի, որ ինձ, երազում թե լուրջ, միշտ էլ մեր երկրի անունն ու պատվականությունը իմ առաջս էր բերում:

* * *

Թող ինձ այսուհետև տգետ կանչեն, լեզուս բաց ա էլել, ի՛ն ընտիր, ի՛ն ազիզ, ի՛ն սրտի սիրեկան ազգ: Թող տրամաբանությունը գիտցողը իրեն համբյարի համար գրի, ես՝ քո կորած, շվարած որդին, քեզ համար:

Ով թուր ունի, առաջ իմ գլխիս խփի, իմ սիրտս խրի, ապա թե ոչ՝ քանի բերնումս լեզու կա, փորումս՝ սիրտ, ես լեղապատառ ձեն կտամ.

- Էդ ո՞ւմ վրա եք թուր հանել, հայոց մեծ ազգին չե՞ք ճանաչում:

* * *

Հայոց ազգ, Հայոց ազգ, ձեր ջանին մեռնիմ, Հայոց ազգ, քո հողին մատաղ, Հայոց աշխարհ. էն ո՞ր կաթը դուք ծծեցիք, էն ո՞ր մեջքը ձեզ բերեց, էն ո՞ր ձեռքը ձեզ գրկեց, էն ո՞ր բերանը ձեզ օրհնեց,



որ դուք էս հոգին ունենաք, էս սիրտը ձեր միջումն ըլի, էս հրաշքը
դուք աշխարհին ցույց տաք:

* * *

Այս, լեզուն, լեզուն. լեզուն որ չըլի, մարդ ընչի՞ նման կըլի: Մեկ ազգի
պահողը, իրար միացնողը լեզուն ա ու հավատը, Լեզուդ փոխիր,
հավատդ ուրացիր, էլ ինչո՞վ կարես ասիլ, թե ո՞ր ազգիցն ես: Ինչ
քաղցր, պատվական կերակուր էլ տաս երեխին, էլի իր մոր կաթը
նրա համար շաքարից էլ ա անուշ, մեղրից էլ:

* * *

Ձե՛զ եմ ասում, ձե՛զ, հայոց նորահաս երիտասարդք, ձեր անումին
մեռնիմ, ձեր արկին դուրբան, տասը լեզու սովորեցեք, ձեր լեզուն,
ձեր հավատը դայիմ բռնեցեք:

* * *

Չանգի՛, Չանգի՛, անողորքելի՛ իմ Չանգի, սիրտ իմ մորմոքի, աղիք
իմ գալարի, ոսկերք իմ քստմնին, ուշ իմ աղմկի, հոգի իմ բորբոքի.
տուայտիմ ի ցափս, վարանիմ ի ծուփս, հառաչեմ լալով, հայցեմ
ողբալով. ա՛ն զիմ արտասուս, տո՛ւր ինձ սփոփ, յոյս:

ՄԵՍՐՈՊ ԹՎԻՍՎԱՆ

ՕՐՀՆԵՐԳՈՒԹԻՒՆ ԱԶԳԱՅԻՆ

Տէ՛ր, կեցո՛ դու գ՛Հայս
Եվ արա՛ զնոսա պայծառ.
Կեցո՛ գ՛Հայս:

Չողորմութիւնդ վերին
Հաճեաց ձօնել նոցին,
Չի նովիմք մարթացին
Ապրիլ յաստիս:

Ո՛վ Տէր մեր, Տէ՛ր, փութա՛, զԱզգն մեր համայն փրկեա՛
Ի թշնամեաց.



Գիտե շոյել երազներ բյուր:
Երկնի բույրն հուշ կածե առ հեր:

Ո՛հ, փունջ մը բոց փսփսաց ինձ,
-Կ'ուզե՞ս պաշտել հոգի մ'ամբիծ:

Ես ուզեցի քնարով մի
Լոկ սիրել հոս, հոս դալկահար,
Պաշտել, գրկել միայն քնար,
Սիրող էակ ճանչել զ'անի,
Ըստ իմ քմաց լարել աղի,
Եվ սրտակցիլ սիրողաբար:

Նե մոտեցավ հուշիկ, ըսավ.
- Քնարդ է ցուրտ սիրտ, և սերդ՝ ցավ:

Թոթվեց քներն հոգիս մուլար,
Ճանչեց զնե՝ զեղ ու կրակ,
Սիրտն անապակ՝ ինչպես վտակ,
Անմե՛ղ՝ ինչպես սյուք դալկահար,
Հավատարի՛մ՝ ինչպես քնար,
Հրաժեշտ տվավ կյանքի մենակ:

Բույլ մը նայվածք, փունջ մը ժրպիտ՝
Քուրա մը խոսք դյուրեց իմ սիրտ:

ԴԻԺԵԼ

Փունջ մը կնճիռ, բույլ մը կայծակ,
Դժոխք մ'անեծք խոցեց հոգյակս:
Ես ուզեցի պաշտել զնե,
Սիրել ժպիտքն՝ փթիթք անհուն,
Սիրել աստղերն սև աչերուն,
Եվ այն խոկումն, որ մթազնե



Կափո՛ր՝ զաչս նոցուն, Հա՛նո զարմատոյն զբուն
Եւ զազգ մեր պարտասուն
Արա՛ հօր:

Ի քո իջեալ տեղի
Զաթոռ Հայրապետի
Մեր հաստատեա՛:

ՂԵՎՈՆԴ ԱԼԻՇԱՆ

ՀՐԱԶԳԱՆ

(հատված)

Հրազդան, գետակդ իմ հայրենի,
Հրազդան, ջրիկդ իմ անուշիկ,
Ահա թողել զհողն օտարի,
Բարկենս հասել եմ պանդխտիկ,
Ա՛յ Հրազդան, ա՛յ ջուրք հայրենիք,
Ա՛յ ափունք, է՞ր կու լայք լիկ:

Ա՛հ, անցուզնաց եղել ամեն.
Ա՛հ, անցուզնաց է Հայաստան.
Զիս անմեկին թողած աստեն՝
Հետ անցնիս գնաս դուն այլ, Հրազդա՛ն...
Անցի՛ր գնա ջրիկդ հայրենի,
Արտասու՛ք հերիք են Բարկենի:

ՊԼ ՊՈՒԼՆ ԱՎԱՐԱՅՐԻ

(հատված)

Կես գիշերն առել էր գիշերավար,
Լուսնակն ամպի տակ բացխփիկ խաղայր.
Մինչ հովն շրջկոտ կախ թևքն անտառ
Օրոց և ծառոց հանգիստ կու կարդայր.
զԱվարայրի մութն ու կանաչ ծոցիկ



Ծայրե ծայր ճղքեր Տղմուտն հանդարտիկ,
Մետաքսանման անձայն խատուտիկ
Թավլեցնելով հազար բյուր ալիք:
Ի աստից ու անտից կան երկու բանակք
Իբրև անկռիվ ընկած մեռունուկ.
Երկուցն միջո բարձրացած լուսնակ
Կու թվի վահան գորաց պահպանակ:

ՄԿՐՏԻՉ ՊԵՇԻԿԹԱՇԼՅԱՆ ԳԱՐՈՒՆ

Ո՛հ, ինչ անուշ և ինչպես զով
Առավոտուց փչես, հովիկ,
Ծաղկանց վրա գուրգուրալով
Եվ մազերուն կուսին փափկիկ:
Բայց չես հովիկ իմ Հայրենյաց,
Գնա՛, անցի՛ր, սրտես ի բաց:

Ո՛հ, ինչ աղու և սրտագին,
Ծառոց մեջեն երգես, թռչնիկ,
Սիրո ժամերն ի յանտառին
Զմայլեցան ի քո ձայնիկ.
Բայց չես թռչնիկ իմ Հայրենյաց,
Գնա՛, երգե՛ սրտես ի բաց:

Ո՛հ, ինչ մրմունջ հանես, վտակ,
Ականակիտ և հանդարտիկ.
Քո հայելվույդ մեջ անապակ
Նային զիրենք վարդն ու աղջիկ,
Բայց չես վտակ իմ Հայրենյաց,
Գնա՛, հոսե՛ սրտես ի բաց:

Թեպետ թռչնիկն ու հով Հայոց
Ավերակաց շրջին վերա,

Պայծառ ճակատն՝ այն ամպն է.
Որ կ'շպարե դեմքը լուսնույն:
Գիշեր մը սուգ, անդունդ մ'հառաչ
Հուզեց նրա հոգին ու լանջ:

Ես ուզեցի միշտ քովն ըլլալ,
Մտիկ ընել քնդյուն սրտին.
Շնչել, խմել ներա հոգին,
Եվ շոշափել լոկ ձյունափայլ
Ծոծորակին վրա ծալ-ծալ
Թափող վարսից այլակք ծփին:

Օվկեան մը տրտունջ լսեցի,
«Ձիս կը նեղես», - հծծեց ինձի:

Ես ուզեցի քնար մ'ըլլալ
Ներա ձեռքին տակ հեացող,
Ներա հոգվույն խորն հիացող
Թեթև պատկեր մ'ըլլալ շարժյալ,
Մոռնալ զիս, լոկ զնե՝ խոկալ,
Կ'վառե երազ մ'որուն մեկ շող:

Ամպրոպ մը սաստ ցնցեց հոգիս,
Գռչեց. «Սիրել չ'ես կրնար զ'իս»,
Իզուր սիրտս մխսց առջին՝
Խնկարկելու սիրտն անապատ.
Յուցի իրեն ճակատս գունատ,
Կուրծս գոգած, մառն իմ աչքին,
Ի զուր շուրթերս դողդոջեցին,
Ձ'ինքը սիրելիս հծծեցին հայտ:

Նե հեռացավ ինձմե, ըսավ
-Բա՛վ սիրեցի քեզ, մնաս բարյա~վ:
Որոտացին խոկմանցս ամպեր,
Կայծակնահար ըրին հոգիս,



Թեպետ պղտոր վտակն Հայոց
Նոճիներու մեջ կտողա,
Նոքա հառաչք են Հայրենյաց,
Նոքա չերթան սրտես ի բաց:

ԹԱՂՈՒՄՆ ՔԱՁՈՐԴՎՈՅՆ

Ո՛չ փող զարկինք, ո՛չ արձագանք լեռնասույզ
Սարե ի սար չարաշշուկ տարին լուր,
Ու չերգեցին ողբոց երգեր սրտահույզ,
Երբ պատանվույն բացինք մռայլ փոսին դուռ:

Գիշերական մունջ սավերներ շուրջ կային,
Երբ հրացանի կոթով զհող փորեցինք.
Լուսին միայն դողդոջ շողայր մեր գլխին,
Սուգ էր պատեր գղաշտն, բլուր և երկինք:

Պետք չէր դագաղ և ոչ ճերմակ պատանքներ,
Որով զոցվեր ազատորդի Ջեյթունցին.
Նա հետ մարտին կարծես հոգնած կուհանգչեր,
Ու վերարկուն կարմիր բավեր յուր անձին:

Անձայն ու կարճ «Ննջեցելոց» մի գրուցեց
Մեր քաջ տերտերն, զինվոր հայոց ւ՛ր Աստուծո,
Գովեց զմահն և զքաջությունն յուր օրհնեց,
Թույլ չի տվավ հառաչ մ՛նու ճիչ հանելու:

Բայց երբ գլուխն ի բարձ դրինք հողաշեն,
Տեսանք զգեղ ճակտին ու վերքն պայծառ,
«Ո՛վ պատանյակ, ըսինք ամենքս մեկ բերնեն,
Վասն հայրենյաց մեռար, դու շատ ապրեցար:

Գնա գրուցե հայկազարմից մեծ ոգվոց,
Որ կան այստեղ ազատ ու քաջ դեռ հայեր,



Որոնք ի բյուր պատերազմաց թեպետ խոց՝
Մեշ ամպրոպաց ի ժայռ կանգուն են կեցեր»:

Մեյ մ'ալ քամի հանկարծ փչեց ցրտաշունչ,
Լուսին շողեր, եկավ զոցեց մթին ամպ,
Ու մեր սարերն, զերթ ուրվականք անմռունչ
Սև գլուխնին տնկած դիտեն ապշությամբ:

Հայնժամ ցուրտ-ցուրտ հող լեցուցիք յուր վրան,
Խաչ մը դրինք, ինչպես յուր մոր պատվեր ետ.
Ո՛չ այլ շքեղ արձանագիր, ո՛չ տապան.
Զինքն մինակ թողուցինք յուր փառքին հետ:

ԵՂԲԱՅՐ ԵՄՔ ՄԵՔ

Ի բյուր ձայնից բնության շքեղ
Թե երգք թռչին սիրողաբար,
Մատունք կուսին ամենագեղ,
Թե որ զարնեն փափուկ քնար,
Չունին ձայն մի այնքան սիրուն,
Քան զանձկալի Եղբայր անուն:

Տո՛ւր ինձ քու ձեռքդ, եղբայր եմք մեք,
Որ մրրկավ էինք զատված,
Բաղդին ամեն ոխ չարանենձ,
Ի մի համբույր ցրվին ի բաց,
Ընդ աստեղոք ի՞նչ կա սիրուն,
Քան զանձկալի Եղբայր անուն:

Երբ ալևոր Մայրն Հայաստան
Տեսնե զորդիս յուր թովեթով,
Սրտին խորունկ վերքն դաժան
Քաղցր արտասվաց բուժին ցողով:
Ընդ աստեղոք ի՞նչ կա սիրուն,
Քան զանձկալի Եղբայր անուն:



Մոխիր դարձան երազներս յ'իս,
ճակատագիրս խնձողաց ի վեր,
Խորշ մը կար որ զ'իս չը ծաղրեր,
Այն՝ լուռ փոսն էր գերեզմանիս...:

Փունջ մը կնճիռ, բույլ մը կայծակ,
Դժոխք մ'անեն՞ք խոցեց հոգյակս:

ԼՃԱԿ

Ինչո՞ւ ապշած են, լճա՛կ,
Ու չ'են խայտար քու Այլակք,
Մի՞թե հայլվույդ մեջ անձկավ
Գեղուհի՞ մը նայեցավ:

Եվ կամ մի՞թե կզմայլին
Այլակքդ երկնի կապույտին,
Եվ այն ամպոց լուսափթիթ,
Որք նմանին փրփուրքիդ:
Մեղամաղձոտ լճա՛կդ իմ,
Քեզ հետ ըլլա՛նք մտերիմ,
Միրեն քեզի պես ես ալ
Գրավիլ, լռել ու խոկալ:

Որքան ունիս դու ալի,
Ճակատս այնքան խոկ ունի,
Որքան ունիս դու փրփուր՝
Միրտս այնքան խոց ունի բյուր:

Այլ եթե գոգդ այլ թափին
Բույլքն աստեղաց երկնքին,
Նըմանիլ չես կրնար դուն
Հոգվույս՝ որ է բոց անհուն:

Մեկտեղ հոգնինք, մեկտեղ ցանենք,
Մեկտեղ թափին մեր քրտինքներ,
Չհունձ բարյաց յերկինս հանենք,
Որ կյանք առնուն Հայոց դաշտեր:
Ընդ աստեղոք ի՞նչ կա սիրուն,
Քան զանձկալի Եղբայր անուն:

ՊԵՏՐՈՍ ԳՈՒՐՅԱՆ

ՄԻՐԵԼ

Բույլ մը նայվածք, փունջ մը ժպիտ,
Քուրա մը խոսք դյութեց իմ սիրտ:
Ես ուզեցի լուռ մենանալ,
Սիրել փթիթք՝ խորշեր թավուտ,
Սիրել կայծերն երկնի կապուտ,
Առտվան շաղն, իրիկվան բալ,
Ճակատագրիս սև գիծ կարդալ,
Խոկալ, սուգիլ, զմայլիլ սուտ:

Ո՛հ, խուրձ մը վարս, եղեմ մը շունչ,
Շրջագգեստ մը շրշեց իմ շուրջ:

Ես ուզեցի լոկ ու մինակ
Սրտակցիլ ջինջ վտակին հետ,
Հիշատակի չ՞ունի նա հետ,
Սիրտ մ՛որուն մինչ սուգիմ հատակ,
Գտնիմ զիս հոն դժգույն, հստակ,
Գաղտնիք մ՛ունի այն՝ անթիվ վետ:

Եթեր մը տրոփ սրտի լսեցի,
Հծծեց.- կ՛ուզե՞ս, սիրտ, ե կ ինձի:

Ես ուզեցի սիրել զեփյոռ,
Որ երկնքեն թռչի բեկբեկ,
Նա չը՛ սիրեր խոցել երբեք,



Հող աստղերը չեն մեռնիր,
Ծաղիկները հող չեն թռռմիր,
Ամպերը չեն թրջեր հող,
Երբ խաղաղ եք դու և օդ:

Լճա՛կ, դո՛ւ ես թագուհիս,
Ձի թ՛հովմե մ՛ալ խորշոմիս,
Դարձյալ խորքիդ մեջ խռով
Ձ՛իս կը պահես դողդողալով:

Շատերը գ՛իս մերժեցին,
«Քնար մ՛ունի սոսկ»,- ըսին.
Մին՝ «Դողդոջ է, գույն չ՛ունի»,-
Մյուսն ալ ըսավ.- «Կը մեռնի»:

Ոչ որ ըսավ. -«Հե՛գ տղա,
Արդյոք ինչո՞ւ կը մխա,
Թերևս ըլլա գեղանի,
Թե որ սիրեմ, չը մեռնի»:

Ոչ որ ըսավ.- «Մա տղին
Պատռենք սիրտը տրտմագին,
Նայինք՝ ինչե՛ր գրված կան...»
- Հոն հրդեհ կա, ո՛չ մատյան:

Հոն կա մոխիր... հիշատա~կ...
Այակքդ հուզին թող, լճա՛կ,
Ձի բու խորքիդ մեջ անձկավ
Հուսահատ մը նայեցավ...:

ՏՐՏՈՒՆՁՔ

Է՛հ, մնաք բարով, Աստված և արև,



Որ կը պլպլաք իմ հոգվույս վերև...
Աստղ մ'ալ ես կերթամ հավելուլ երկնից,
Աստղերն ի՞նչ են որ, եթե ոչ անբիծ
Եվ թշվառ հոգվոց անեծք ողբագին,
Որք թռին այրել ճակատն երկնքին.
Այլ այն Աստուծույն՝ շանթերու արմատ՝
Հավելուն զենքերն ու զարդերն հրատ...:
Այլ, ոհ, ի՞նչ կ'ըսես... շանթահարն գ'իս,
Աստված, խոկն հրակա, փշրե հյուլեիս,
Որ ժպրհի ձգտիլ, սուգիլ խորն երկնի,
Ելնել աստղերու սանդուղքն ահալի...:
Ողջույն քեզ, Աստված, դողդոջ էակին,
Շաղին, փթիթին, ավույն ու վանկին,
Դու, որ ճակտիս վարդն և բոցն աչերուս
Խլեցիր՝ թրթռումս շրթանց, թռիչն հոգվույս,
Ամպ տվիր աչացս, հևք տվիր սրտիս,
Ըսիր՝ մահվան դուռն ինձ պիտի ժպտիս,
Անշուշտ ինձ կյանք մը պահած ես ետքի,
Կյանք մ'անհուն շողի, բույրի, աղոթքի.
Իսկ թե կորնչի պիտի իմ հուսկ շունչ
Հոս մառախուղին մեջ համր անշշունջ,
Այժմեն թող որ շանթ մ'ըլլամ դակահար,
Պլվիմ անվանդ, մռնչիմ անդադար,
Թող անեծք մ'ըլլամ ու կողդ խրիմ,
Թող հորջորջեմ քեզ «Աստված ոխերիմ»:

Ո՛հ, կը դողդոջեմ, տժգույն եմ, տժգո՛ւյն,
Փրփրի ներսս դժոխքի մ'հանգույն...:
Հառաչ մ'եմ հեծող նոճերու մեջ սև,
Թափելու մոտ չոր աշնան մեկ տերև..
Ոհ, կա՛յծ տվեք ինձ, կա՛յծ տվեք, ապրիմ...
Ի՛նչ, երագե վերջ գրկել ցուրտ շիրիմ...
Այս ճակատագիրն ի՛նչ սև է, Աստված,
Արդյոք դամբանի մրուրո՞վ է գծված...:
Ո՛հ, տվեք հոգվույս կրակի մի կաթիլ,



Միրել կ'ուզեմ դեռ ւ'ապրիլ ու ապրիլ.
 Երկնքի աստղեր, հոգվույս մեջ ընկեք,
 Կա'յծ տվեք, կյանք՝ ձեր սիրահարին հեք:
 Գարունն ո'չ մեկ վարդ ճակտիս դալկահար,
 Ո'չ երկնի շողերն ժպիտ մ'իճճ չեն տար:
 Գիշերն միշտ դագաղս, աստղերը՝ ջահեր,
 Լուսինն հար կուլա, խուզարկե վիեր:
 Կ'ըլլան մարդիկ, որ լացող մը չ'ունին,
 Անոր համար նա դրավ այդ լուսին.
 Եվ մահամերձն ալ կ'ուզե երկու բան,
 Նախ՝ կյանքը, վերջը՝ լացող մ'իր վրան:
 Ի զուր գրեցին աստղերն ինձի «սեր»,
 Եվ ի զուր ուսույց բուլբուլն ինձ «սիրել»,
 Ի զուր սյուրեր «սեր» ինձ ներշնչեցին,
 Եվ զիս նորատի ցուցուց ջինջ ալին,
 Ի զուր թավուտքներ լռեցին իմ շուրջ,
 Գաղտնապահ տերևք չ'առին երբեք շունչ,
 Որ չը խռովին երազքս վրսեմ,
 Թույլ տվին, որ միշտ զեն երազեմ,
 Եվ ի զուր ծաղկունք, փթիթներ գարնան,
 Միշտ խնկարկեցին խոկմանցս խորան...
 Ո'հ, նոքա ամենքը գ'իս ծաղրեր են...
 ԱՍՏՈՒԾՈ ԾԱՂՐՆ Է ԱԾԽԱՐՀՆ ԱԼ ԱՐԴԵՆ...:

ԶՂՁՈՒՄ

(օր մը վերջին)

Երեկ երբ պաղ քրտանց մեջ
 Սև մրափ մը կ'առնեի,
 Եվ թոշնած զույգ մը վարդեր
 Այտերուս վրա կ'այրեի,
 Անշուշտ ճակտիս վրա մահու
 Դալկություն մը կը պլպլար,
 Եվ մահու թռիչ մ'ունեի,
 Լսեցի մորս հեծեծում...



Մանկությա՜ն օրեր, ինչո՛ւ այդպես շուտ
Թռաք գնացիք, անդարձ հավիտյան.
Ես այն ժամանակ անհոգ ու ազատ
Կարծում էի ինձ աշխարհի իշխան:

Գերության շղթան ինձ զգալի չէր,
Եվ ոչ բռնության անգութ ճանկերը.
Չեզանից հետո ծանրացան նոքա,
Ո՛հ, անիծում եմ ես այս օրերը:

Լո՛ւտ կաց դու, քնա՛ր, այլ մի՛ հնչեր ինձ,
Ապոլլո՛ն, ե՛տ առ դարձյալ դու նորան,
Տուր մի այլ մարդու, որ ընդունակ է
Չոհ բերել կյանքը սիրած աղջկան:

Ես պիտի դուրս գամ դեպ հրապարակ
Առանց քնարի, անզարդ խոսքերով.
Ես պիտի գոչեմ, պիտի բողոքեմ,
Խավարին ընդդեմ պատերազմելով:

Ներկա օրերում այլ ի՛նչ սև քնար,
Սուր է հարկավոր կտրիճի ձեռքին.
Արյո՛ւն ու կրա՛կ թշնամու վերա,
Այս պիտի լինի խորհուրդ մեր կյանքին:

Թո՛ղ պատգամախոսը հնացած Դելֆի,
Յուր եռոտանու վրա փրփրի.
Թո՛ղ միջին դարու գաղափարներով
Ամբոխը խաբել ճգնի աշխատի:

Թո՛ղ նա թարգմանե զրպարտությունը,
Թո՛ղ մխիթարվի ծովի ափերում,
Մենք ազատության ենք միայն թարգման,
Միայն այս խոսքս ունինք բերանում:



Բացի աչերս խոնջած,
Մորս արտասրը տեսի...
Ո՛հ, ճշմարիտ գորովի
Մարգարիտներ սուտ ու կեղծ...:
Մայրս անհուն ցավ մ'ունենր,
Այն սև ցավը ես էի...
Ա՛հ, գլուխըս փոթորկեց...
Այս սև հեղեղն տվի դուրս...
Ո՛հ, ներե՛ ինձ, Աստված իմ,
Մորս արտասրը տեսի...:

ԻՄՅԱՎԸ

Սուրբ տենչերով լոկ ծարաված՝
Ցամաք գտնել աղբերքն համայր,
Ցամքիլ ծաղիկ հասակի մեջ,
Ո՛հ, չէ՛ այնչափ ցավ ինձ համար:

Ջերմ համբույրով մը դեռ չ'այրած
Սա ցուրտ ճակատս դալկահար՝
Հանգչեցունել հողե բարձին,
Ո՛հ, չէ՛ այնչափ ցավ ինձ համար:

Դեռ չը գրկած էակ - փունջ մը՝
Ժպտե, գեղե, հուրե շաղյալ,
Գրկել սա ցուրտ հողակույտը,
Ո՛հ, չէ՛ այնչափ ցավ ինձ համար:

Քաղցր երագով մ'հղի մրափ մը
Չ'անդորրած գլուխս մրրկահար՝
Ննջել հողե վերմակի տակ,
Ո՛հ, չէ՛ այնչափ ցավ ինձ համար:

Հագնիլ հյուղին մուր-անունը,
Ծծել նորա մրուր - օղն հար,



Միշտ ցավի՞ր միանգամայն.
Ո՛հ, չէ՛ այնչափ ցավ ինձ համար:

Հեք մարդկության մեկ ոստը գոս՝
Հայրենիք մը ունիմ թշվառ,
Ծ՛օզնած անոր՝ մեռնիլ աննշան,
Ո՛հ, այս է սոսկ ցավ ինձ համար:

ԻՆՃԻ Կ'ԸՍԵՆ

Ինձի կ'ըսեն.- «Ինչո՞ւ լուռ ես», -
«Ա՛հ, միթե բառ կամ խոսք ունի՞
Արշալույսը, որ կը բռնկի,
Զի անհուն է այն ալ ինձ պես»:

Ինձի կ'ըսեն.- «Միշտ տխուր ես», -
«Ինչպե՞ս չըլլամ, մեկիկ-մեկիկ
Թոթափեցան գլուխս աստղիկը...
Արշալույս մը չ'անցավ սրտես»:

Ինձի կ'ըսեն.- «Կրակոտ չ'ես,
Լճակի մը պես ես մեռած,
Դալկահար դեմքդ ու հայեցված»:
«Ո՛հ, հատակն են իմ փրփուրներս»:

Ես ինձ կ'ըսեմ.- «Ժամդ է հասեր,
Քու երկրորդ սև մորդ գնա գոգ,
Գերեզման, հո՛ն գտնես դու գոգ
Վարդեր, թրթռում, թռիչ ու աստղեր...»:

ՆԵ

Վարդը զարնայնի
Թե կույսին տիպար
Այտերուն չ'ըլլար՝
Ո՞վ 'հարգեր զ'անի:



«Ո՛հ, հա՛յր, ո՛վ դու հայր, որ երկնքում ես,
Խնայիր քշվառ մեր անտեր ազգին.
Մի՛ տուր զոհ գնալ քնճամհներին».
Նա այլ չէր լսում դեմֆյան հարցուկին:

ԱԶԱՏՈՒԹՅՈՒՆ

Ազատն Աստված այն օրից,
Երբ հաճեցավ շունչ փչել,
Ին՝ հողանյութ շինվածքին
Կենդանություն պարգևել.
Ես՝ անբարբառ մի մանուկ,
Երկու ձեռքս պարզեցի
Եվ իմ անգոր թևերով
Ազատություն գրկեցի:

Մինչ գիշերը անհանգիստ,
Օրորոցում կապկապած
Լալիս էի անդադար,
Մորս քունը խանգարած,
Խնդրում էի նորանից
Բազուկներս արծակել.
Ես այն օրից ուխտեցի
Ազատությունը սիրել:

Թոթով լեզվիս մինչ կապերը
Արծակվեցան, բացվեցան,
Մինչ ծնողքս իմ ձայնից
Խնդացին ու բերկրեցան,
Նախկին խոսքս, որ ասացի,
Չէր հայր կամ մայր կամ այլ ինչ.
Ազատություն դուրս բռավ
Իմ մանկական բերանից:



Թե չը նմաներ
Կապույտ եթերաց
Կույսին աչերաց՝
Երկինք ո՞վ 'նայեր:

Թե կույսը չ'ըլար
Սիրուն ու անբիծ,
Աստվածն այն երկնից
Մարդ ո՞ր կը կարդար:

ՆԱՀԱՊԵՏ ՌՈՒՄԻՆՅԱՆ ԿԻԼԻԿԻԱ

Երբոր բացվին դռներն հուսո,
Եվ մեր երկրեն փախ տա ձմեռ,
Չքնաղ երկիր մեր Արմենիո,-
Երբ փայլե յուր քաղցրիկ օրեր.
Երբ որ ծիծառն ի բույն դառնա,
Երբ որ ծառերն հազնին տերև,
Ցանկամ տեսնել զիմ Կիլիկիա,
Աշխարհ, որ ինձ ետուր արև:

Տեսի դաշտերն Սյուրիո,
Լյառն Լիբանանի և յուր մայրեր.
Տեսի գերկիրն Իտալիո,
Վենետիկ և յուր գոնդոլներ:
Կղզի, նման չիք մեր Կիպրոյա,
Եվ ո՛չ մեկ վայրն է արդարև
Գեղեցիկ քան զիմ Կիլիկիա
Աշխարհ, որ ինձ ետուր արև:

Հասակ մը կա մեր կենաց մեջ,
Ուր ամենայն իղձ կավարտի.
Հասակ մը, ուր՝ հոգին ի տենչ՝



Հիշատակաց յուր կարոտի.
Հորժամ քնարն իմ ցրտանա,
Սիրույն տալով վերջին բարևս,
Երթամ, ննջել յիմ Կիլիկիա,
Աշխարհ, որ ինձ ետուր արև:

ՄԻՔԱՅԵԼ ՆԱԼՔԱՆԴՅԱՆ ՄԱՆԿՈՒԹՅԱՆ ՕՐԵՐ

Մանկությա~ն օրեր, երազի նման
Անցաք զնացիք, այլ չեք դառնալու.
Ո՞հ դուք երջանիկ, ո՞հ, անհոգ օրեր,
Ընդունակ միայն ուրախացնելու:

Ձեզանից հետո եկավ գիտություն
Յուր ծանր հայացքով աշխարհի վերա,
Ամեն բան ընկավ մտածության տակ,
Բոպե չմնաց ազատ կամ ունայն:

Գիտակցությունը հաջորդեց սորան.
Ազգի վիճակը ծանրացավ սրտիս...
Ապոլլոն տվեց ինձ յուր քնարը,
Որպես փարատիչ տրտում ցավերիս:

Ավա՛ղ, այդ քնարն իմ ձեռքում հնչեց
Նույնպես լալազին, նույնպես վշտահար,
Ինչպես իմ սիրտն էր, իմ զգացմունքը.
Ուրախացուցիչ չգտա մի լար:

Ես այն ժամանակ միայն զգացի,
Որ այդ ցավերից ազատվելու չեմ,
Որչափ իմ ազգս կմնա ստրուկ
Օտարների ձեռք, անխոս, տխրադեմ:



«Ազատութիւն,- ինձ կրկնեց
ճակատագիրը վերկից,-
Ազատութիւն դու զինվոր
Կամիս գրվել այս օրից:
Ո՛հ, փշոտ է ճանապարհը,
Քեզ շատ փորձանք կսպասե.
Ազատութիւն սիրողին
Այս աշխարհը խիստ նեղ է»:

«Ազատութիւն,- գոչեցի,-
Թող որոտա իմ զխին,
Փայլա՛կ, կայծա՛կ, հո՛ւր, երկա՛թ,
Թող դա՛վ դնե թշնամին,
Ես մինչ ի մահ, կախադան,
Մինչև անարգ մահու սյուն,
Պիտի գոռամ, պիտ կրկնեմ
Անդադար՝ ազատութիւն»:

ՄՄՐԱՍ ԸԱՀԱԶԻԶ

ԵՐԱԶ

Ես լսեցի մի անուշ ձայն,-
Իմ ծերացած մոր մոտ էր-
Փայլեց նշույլ ուրախության,
Բայց, ափսո՛ս, որ երազ էր:
Կարկաչահոս աղբյուրն այնտեղ
Թավալում էր մարգարիտ.-
Նա հստակ էր, որպէս բյուրեղ,
Այն երազ էր ցնորամիտ:

Եվ մեղեդին տխուր, մայրենի
Հիշեց մանկության օրեր,
Մորս համբույրն ես զգացի,
Ա՛խ, ափսոս, որ երազ էր:



Կուրծքին սեղմեց կարոտագին,
Աչքերս սրբեց՝ շատ թաց էր,-
Բայց արտասուքս գնում էին...
Ա՛յս, այդ ինչո՞ւ երագ էր...

ՌԱՓԱՅԵԼ ՊԱՏԱԿԱՆՅԱՆ **ՕՐՈՐՈՑԱՅԻՆ ԵՐԳ**

Արի՛, ի՛ն տխակ, թո՛ղ պարտեզ, մերին,
Տաղերով քուն բեր տղիս աչերին.
Բայց նա լալիս է. դու, տխակ, մի՛ գալ,
Իմ որդին չուզե տիրացու դառնալ:

Եկ, արեղաձա՛գ, թո՛ղ արտ ու արտս,
Օրորե տղիս, քնի է կարոտ.
Բայց նա լալիս է. դու, ձագո՛ւկ, մի՛ գալ,
Իմ որդին չուզե արեղա դառնալ:

Թո՛ղ դու, տատրակի՛կ, քու ձագն ու բունը,
Վուվուով տղիս բեր անուշ քունը.
Բայց նա լալիս է. տատրակի՛կ, մի՛ գալ,
Իմ որդին չուզե սզավոր դառնալ:

Կաչաղակ՝ ճարպիկ, գող, արծաթասեր,
Շահի գրուցով որդուս քունը բեր.
Բայց նա լալիս է. կաչաղակ, մի՛ գալ,
Իմ որդին չուզե սովղաքար դառնալ:

Թո՛ղ որսդ, արի՛, քաջասի՛րտ բազե,
Քու երզը գուցե իմ որդին կուզե...
Բազեն, որ եկավ, որդիս լեցավ,
Ռազմի երգերի ձայնով քնեցավ:



ՕՐՈՐՈՅԻ ԵՐԳ

Քո՛ւն եղիր,բալա՛ն, աչքդ խուփ արա,
Նախշուն աչքերոդ քուն թող գա վրա,
Օր-օր-օր, պալաս, օրոր ու նանի,
Իմ (այս անունին) քունը կտանի:

Օսկի խաչ վզիդ՝ քեզի պահապան,
Նարոդ կապիլ է ծարեն տեր-պապան,
Օր-օր-օր, պալաս, օրոր ու նանի,
Իմ (այս անունին) քունը կտանի:

Մավի հիլուններ կախիլ իմ ես ալ,
Նազար չիս առնուլ, քո՛ւն եղիր. մի՛ լար.
Օր-օր-օր, պալաս, օրոր ու նանի,
Իմ (այս անունին) քունը կտանի:

Աս քանի՞ մորդ անքուն աչքովը
Անցիլ է օրեր օրոցքիդ քովը.
Օր-օր-օր, պալաս, օրոր ու նանի,
Իմ (այս անունին) քունը կտանի:

Օրոցքըդ օրրիմ, օրով բոյ քաշիս,
Միկտան ծանով սիրտս չի մաշիս.
Օր-օր-օր, պալաս, օրոր ու նանի,
Իմ (այս անունին) քունը կտանի:

Դուն ալ քո՛ւն եղիր, ինձի ալ քուն տուր,
Սուրբ աստվածամայր, (այս անունին) քուն տուր:
Օր-օր-օր, պալաս, օրոր ու նանի,
Իմ (այս անունին) քունը կտանի:



ԱՐԱՔՍԻ ԱՐՏԱՍՈՒՔԸ

Մայր Արաքսի ավերով
Քայլամուրր գնում եմ,
Հին-հին դարուց հիշատակ
Այլաց մեջը պարում եմ:

Բայց նոքա միշտ հեղեղով,
Պղտոր ջրով եզերքին
Դարիվ-դարիվ խփելով
Փախչում էին լալագին:

- «Արա՛քս,-ինչո՞ւ ձկանց հետ
Պար չես բռնում մանկական,
Դու դեռ ծովը չի հասած
Սգավոր ես ինձ նման:

Ինչո՞ւ արցունք ցայտում եմ
Քո սեզ, հպարտ աչերից,
Ինչո՞ւ արագ փախչում ես
Այդ հարազատ ավերից:

Մի՛ պղտորիլ հատակդ,
Հանդարտ հոսե՛ խայտալով,
Մանկությունը քու կարճ է՝
Շուտ կհասնիս դեպի ծով:

Վարդի թփեր թող բսնին
Քու հյուրընկալ ավի մոտ,
Սոխակները նոցա մեջ
Երզեն մինչև առավոտ:

Մշտադալար ուռիներ
Սառ ծոցի մեջ քո ջրին
Ճկուն ոստն ու տերև
Թող թաց անեն տապ օրին:



Ափերիդ մոտ երգելու
Հովիվք թո՛ղ գան համարձակ,
Գառն ու ուլը քու վճիտ
Ջուրը մտնին միշտ արձակ»:
Մեջքը ուռցուց Արաքսը,
Փրփուր հանեց իր տակից,
Ամպի նրման գոռալով
Էսպես խոսեց հատակից.

- Խիզախ, անմիտ պատանի,
Նիրհս ինչու՞ դարևոր
Վրդովվում ես, նորոգում
Իմ ցավերը բյուրավոր:

Միրելիի մահից ետ
Ե՞րբ ես տեսել, որ այրին
Ոտքից գլուխ պճնվի
Իր զարդերով թանկագին:

Որի՞ համար զարդարվին,
Որի՞ աչքը հրապուրեն,
Շատերն ինձ են ատելի,
Շատերին ես օտար եմ...

Իմ ազգակից գիժ Քուռը,
Թեև այրի ինձ նման,
Ստրկորեն կրում է
Գայթակղիչի կուռ շղթան:

Բայց նա ինձ չէ օրինակ,
Ես հայ, հայիս կճանչնամ,
Օտար փեսա չուզելով,
Ես միշտ այրի կմնամ:



ՄԱՐՆ Ի ՎԵՐ

Դեպի վեր, դեպի վեր... Անվերջ է ուղիս,
Հոգնեցան բազուկներս՝ այս կովումն անգոր,
Սպառեցավ և վերջին ուժն էլ ծնկներիս -
Դեպի վեր, սարն ի վեր, քաջասիրտ զինվոր:

Ավելի կարծրանան թող այս սև ժայռեր,
Ավելի թող սպառնան անդունդն ահավոր,
Դեռ շունչ կա բերանում, շարժվում են ձեռքեր -
Դեպի վեր, սարն ի վեր, ո՛վ արի զինվոր:

Դեռ հեռու է կատարն անամպ ու հստակ,
Բայց եթե չհասնենք այնտեղ մենք այսօր,
Վաղն այնտեղ ենք անշուշտ, մերն է հաղթանակ,-
Դեպի վեր, սարն ի վեր, անվեհեր զինվոր:

ՀՈՎՀԱՆՆԵՍ ԹՈՒՄԱՆՅԱՆ

ՀԻՆ ՕՐՀՆՈՒԹՅՈՒՆ

Կանաչ, վիթխարի ընկուզենու տակ,
Իրենց հասակի կարգով ծալպատակ,
Միասին բազմած,
Մի շրջան կազմած,
Քեֆ էին անում
Եվ ուրախանում
Մեր հսկա պապերն ու մեր հայրերը՝
Գյուղի տերերը:

Մենք՝ առույգ ու ժիր գեղջուկ մանուկներ,
Երեք դասընկեր,
Նրանց առաջին գլխաբաց կանգնած,
Չեռքներս խոնարհ սրտներիս դրած,
Զիլ, ուժեղ ձայնով նրանց սպասում-
Տաղ էինք ասում:



Կար ժամանակ, որ ես էլ՝
Շքեղազարդ հարսի պես
Հազար ու բյուր պչրանքով,
Փախչում էի ասիերես:

Հատակս պարզ ու վճիտ,
Կոհակներս ոլորուն,
Լուսաբերը մինչև այգ
Ջրիս միջին էր լողուն:

Ի՞նչս մնաց են օրից,
Ո՞ր ջրամուտ գեղերս,
Ո՞րը իմ շեն քաղաքից,
Ո՞ր բերկրալի տեղերս:

Տուրքը ջրի ամեն օր
Իր սուր ծոցեն Արարատ
Մայրախնամ ինձ սնունդ
Պարզում է լիառատ:

Բայց ես այս սուրբ ջրերով
Սուրբ Ակոբի աղբյուրին,
Պիտի ցողեն արտորա՞յքն
Իմ ասելի օտարին...

Մինչ իմ որդիք,- ո՞վ գիտե-
Մարավ, նոթի, անտերունչ
Օտար աշխարհի հաժուս են
Թույլ ոտքերով կիսաշունչ...:

Հեռո՛ւ, հեռո՛ւ քշեցին
Բնիկ ազգն իմ հայկյան,
Նորա տեղը ինձ տվին
Ազգ անկրոն, մոլեկան:



Դոցա՞ համար զարդարեն
Իմ հյուրընկալ ասիերը,
Եվ կամ դոցա՞ հրապուրեն
Ճպռոտ, պլշած աչերը:

Քանի որ իմ զավակունք
Այսպես կու մնան պանդուխտ,-
Ինձ միշտ սզվոր կը տեսնեք,
Այս է անխաբ իմ սուրբ ուխտ...

Էլ չը խոսեց Արաքսը,
Հորձանք տվեց ահագին,
Օղակ-օղակ օձի պես
Առաջ սողաց մոլեգին:

ՀՈՒՅՍ

Թո՛ղ փչե եք քամին պաղ-պաղ երեսիս,
Վերեն՝ ամպերեն սաստիկ ձյուն թո՛ղ գա.
Որքան որ կուզե, թո՛ղ փչե Հյուսիս,
Հուսով եմ՝ վաղ-ուշ, գարունը պիտ գա:

Թուխալը թո՛ղ պատե երկինքը պայծառ,
Թանձր մառախուղ երկիր թո՛ղ փակե,
Տարերք աշխարհիս խառնվին իրար,
Հուսով եմ, վաղ-ուշ, արև պիտ ծագե:

Թո՛ղ գա փորձություն, թո՛ղ գա հալածանք.
Խավար թող դառնա անաղոտ լույսը.
Սարսափելի չեն հային տառապանք՝
Միայն...չի հատներ խղճուկի հույսը:



Երբ զվարթագին մեր երգը լռեց,
Մռայլ քամադեն բեղերն ոլորեց,
Նրա հետ վերցրին լիք բաժակները
Բոլոր մեծերը
Ու մեզ օրհնեցին.- «Ապրե՛ք, երեխե՛ք,
Բայց մեզ պես չապրեք...»

Ժամանակ անցավ, նրանք էլ անցան,
Զվարթ երգերս վշտալի դարձան.
Եվ ես հիշեցի մեր օրը լալիս,
Թե մեզ օրհնելիս
Ինչու ասացին.- «Ապրե՛ք, երեխե՛ք,
Բայց մեզ պես չապրեք...»

Խաղաղությո՞ւն ձեզ, մեր անբախտ պապեր,
Չեզ տանջող ցավը մեզ էլ է պատել:
Այժմ, տխրության քե քեֆի ժամին,
Մենք էլ, օրհնելիս մեր զավակներին,
Չեր խոսքն ենք ասում.- «Ապրե՛ք, երեխե՛ք,
Բայց մեզ պես չապրեք...»

ԴՈՒՔՈ ՃԱՄՓԵՆ

Դու քո ճամփեն գնա, քույրիկ,
Եվ թող լինի նա պայծառ:
Ինձ մի՛ ժպտա, ինձ մի՛ սիրիր,
Ես ընկեր չեմ քեզ համար:

Ելած կյանքի ամեն ճամփից,
Կարոտներով ամմեկին,
Ազատ, անվերջ ու անհանգիստ
Թափառում է իմ հոգին:



ՀՈՎՀԱՆՆԵՍ ՀՈՎՀԱՆՆԻՍՅԱՆ

* * *

Ա՛խ, տվե՛ք ինձ քաղցր մի քուն,
Կյանքից հեռու սլանամ
Այն աշխարհը, ուր խնդություն,
Ուր սերն է միշտ անթառամ:

Զնքուշ վարդերն ինձ բարձ լինին,
Վառ կանաչից իմ վերմակ,
Նոցա բույրը զվարթագին
Ծծեն անվերջ ես անհագ:

Եվ խայտալով իմ առաջին
Վտակն անուշ խոխոզե,
Մի թարմություն եղենային
Չորս բոլորքս տարածե:

Եվ ինձ ժպտի արշալույսին
Գարնան մատաղ արեգակ,
Եվ գիշերով իմ ճակատին
Խաղա գողտրիկ վառ լուսնակ:

Եվ աչագեղ կույսն ականջիս
Յուր սեղեղին սեղմ հնչե,
Եվ հերարձակ սիրով վզիս
Փարե քնքուշ, փաղաքշե...

Եվ հավիտյան վայելչություն
Գրկե հոգիս, չհագենամ...
Ա՛խ, տվե՛ք ինձ քաղցր մի քուն,
Հեռու, հեռու սլանամ:



Մի ձեռք չկա, մի գիրկ չկա՝
Պահի նրան իրեն մեջ,
Խենթ, խելագար գնում է նա
Չգտումներով իմ անվերջ:

Եվ ո՛վ գիտի՝ դեռևս անմեղ
Քանի հոգի կը տանջվի,
Եվ ո՛վ գիտի՝ ինչ մութ, անեղ
Անապատում կհանգչի...

Դու քո ճամփեն գնա, քույրիկ,
Եվ երբ լինենք մենք հեռու,
Աղոթք արա, որ մյուս անգամ
Չհանդիպենք իրարու:

ՄԵՐ ՈՒՆՏԸ

Մենք ուխտ ունենք՝ միշտ դեպի լույս,
Ու գնում ենք մեր ճամփով,
Մրրիկներով պատած անհույս,
Սև խավարով, մութ ամպով:

Մենք անցել ենք արյան ծովեր,
Սուր ենք տեսել ու կրակ,
Մեր ճակատը դեմ ենք արել
Մրրիկներին հակառակ:

Ու քեպեռևս պատառ-պատառ
Մեր դրոշը սրբազան,
Ու մենք չունենք տեղ ու դադար
Երկրից երկիր ցիրուցան:

Բայց գնում ենք մենք անվեհեր
Չարկերի տակ չար բախտի,
Մեր աչքերը միշտ դեպի վեր՝
Դեպի լույսը մեր ուխտի:



ՀԱՄԵՐԳ

Վտակը ժայռից ներքև է թռչում,
Թափ առած ընկնում քարերի գլխին,
Ջարկում ավազին, շաչում է, ճչում,
Ճչում անհանգիստ, փրփուրը բերնին:

Ինչպես ծերունին, ձայնով պառաված,
Չայնակցում է ժիր թոռնիկի երգին,
Այնպես էլ ծերուկ անտառը կամաց
Արձագանք տալիս ջրի աղմուկին:

Այնինչ բնության զվարթ համերգի
Ունկնդիրն անխոս, հավիտենական,
Ժայռը մտախոհ՝ իր մռայլ մտքի
Ետևից ընկած՝ լսում է նրան:

ՀԱՅՈՑ ՎԻՇԵ

Հայոց վիշտը անհուն մի ծով,
Խավար մի ծով ահազին,
Էն սև ծովում տառապելով,
Լող է տալիս իմ հոգին:

Մերք գայրացկոտ ծառս է լինում,
Մինչև երկինք կապուտակ,
Ու մերք հոգնած սուզվում, իջնում
Դեպի խորքերն անհատակ:

Ո՛չ հատակն է գտնում անվերջ
Ու ո՛չ հասնում երկնքին...
Հայոց վշտի մեծ ծովի մեջ
Տառապում է իմ հոգին:



ՀԱՅՐԵՆԻՔԻՍ ՀԵՏ

Վաղուց թեև իմ հայացքը Անհայտին է ու հեռվում,
Ու իմ սիրտը իմ մտքի հետ անհուններն է թափառում,
Բայց կարոտով ամեն անգամ երբ դառնում եմ դեպի քեզ,
Մղկառում է սիրտս անվերջ քո թառանչից աղեկեզ,
Ու գաղթական զավակներիդ լուռ շարքերից ուժասպառ,
Ե՛վ գյուղերից, և՛ շեներից՝ տխուր, դատարկ ու խավար,
Չարկվա՛ծ հայրենիք,
Չրկվա՛ծ հայրենիք:

Խոնվում են մտքիս հանդեպ բանակները անհամար,
Տրորում են քո երեսը, քո դաշտերը ծաղկավառ,
Ու ջարդարար ոհմակները աղաղակով վայրենի,
Ավարներով, ավերներով, խնջույքներով արյունի,
Որ դարձրին քեզ մշտական սև ու սուգի մի հովիտ,
Խեղճ ու լալկան քո երգերով, հայացքներով անժպիտ,
Ողբի՛ հայրենիք,
Որբի՛ հայրենիք:

Բայց հին ու նոր քո վերքերով կանգնած ես դու կենդանի,
Կանգնած խոհո՛ւն, խորհրդավոր ճամփին նորի ու հնի.
Հառաչանքով սրտի խորքից խոսք ես խոսում Աստծու հետ
Ու խորհում ես խորին խորհուրդ տանջանքներում չարաղետ.
Խորհում ես դու էն մեծ խոսքը, որ տի ասես աշխարհքին
Ու պիտ դառնաս էն երկիրը, ուր ձգտում է մեր հոգին -
Հույսի՛ հայրենիք,
Լույսի՛ հայրենիք:

Ու պիտի գա հանուր կյանքի արշալույսը վառ հագած,
Հազար-հազար լուսապայծառ հոգիներով ճառագած,
Ու երկնահաս քո բարձունքին, Արարատի սուրբ լանջին,
Կենսաժպիտ իր շողերը պիտի ժպտան առաջին,
Ու պոետներ, որ չեն պղծել իրենց շուրթերն անեծքով,
Պիտի գովեն քո նոր կյանքը նոր երգերով, նոր խոսքերով,
Իմ նո՛ր հայրենիք, Հո՛ր հայրենիք:



ՀԱՅՈՅԼԵՌՆԵՐՈՒՄ

Մեր ճամփեն խավար, մեր ճամփեն գիշեր,
Ու մենք անհատնում
Էն անհույս մթնում
Երկար դարերով գնում ենք դեպ վեր
Հայոց լեռներում,
Դժար լեռներում:

Տանում ենք հնուց մեր գանձերն անգին,
Մեր գանձերը ծով,
Ինչ որ դարերով
Երկնել է, ծնել մեր խորունկ հոգին
Հայոց լեռներում,
Բարձր լեռներում:

Բայց քանի անգամ շեկ անապատի
Օրդուները սև
Իրարու ետև
Եկան զարկեցին մեր քարվանս ազնիվ
Հայոց լեռներում,
Արնոտ լեռներում:

Ու մեր քարվանսը՝ շփոթ սուկահար,
Թալանված, ջարդված
Ու հատված-հատված,
Տանում է իրեն վերքերն անհամար
Հայոց լեռներում,
Սուգի լեռներում:

Ու մեր աչքերը նայում են կարոտ՝
Հեռու աստղերին,
Երկնքի ծերին,
Թե երբ կբացվի պայծառ առավոտ՝
Հայոց լեռներում,
Կանաչ լեռներում:



ՎԱՅՏԷՉՔ

Քառասուն տարի բռնած ճանապարհ՝
Շիտակ, անվեհեր
Գնում եմ ես վեր՝
Դեպ Անհայտը սուրբ, աշխարհքը պայծառ:

Քառասուն տարի ճամփով ահարկու
Անցել եմ էսպես
Ու հասել եմ ես,
Խաղաղությանն եմ հասել ես հոգու:

Թողել եմ ներքև, մեծ լեռան տակին,
Ե՛վ փառքը, և՛ գանձ,
Ե՛վ քեն, և՛ նախանձ -
Ամենք, ինչ որ ճնշում է հոգին:

Ե՛վ էն ամենը, արդ՛ նայում եմ ես
Տեսնում եմ նորից
Իմ լեռան ծերից,
Էնպես հասարակ, դատարկ են էնպես...

Ե՛վ ես իմաստուն ու բեռս քեթև,
Անհոգ ծիծաղով,
Երգով ու տաղով
Իջնում եմ զվարթ իմ լեռան ետև...

ԱՍՏՂԵՐԻ ՀԵՏ

Է՛յ աստղեր, աստղեր
Երկնքի՛ աչքեր,
Որ այդպես վառ-վառ
Ժպտում եք պայծառ.
Ժպտում էիք դուք,
Երբ ես դեռ մանուկ



Աշխույժ ու կայտան,
Ձեզ նման պայծառ
Թովըռում էի
Ու ցավ չունեի...
Ժպտում եք այսօր,
Երբ թույլ ու անգոր,
Կորած հույսերիս
Կսկիծն եմ լալիս...
Կծպտաք նաև
Շիրիմիս վերև...

ԲԱՐՉՐԻՑ

Իմ բարի սրտի էն մեծ խոհերից,
Էն մեծ խոհերի անհուն խորերից՝
Կամեցավ՝ ելավ իմ հզոր հոգին,
Որ բարձրից նայի Աստծու աշխարհքին:

Ու պայծառ ցուլաց դեպ վերին այրեր՝
Մարդկային ամեն հնարքներից վեր,
Վեր ամեն շուքից և շամադադից՝
Մինչև լուսեղեն ոլորտն անթախիծ:

Ու իր հարազատ բարձունքիցը լույս՝
Անչար, անաչառ, անդորր ու անհույզ՝
Պարզ, ամենատես հայացքովը նա
Ճառագեց ներքև՝ աշխարհքի վրա:

Տեսավ աշխարհքը՝ գեղեցիկ, անվերջ,
Եվ հայրենիքներն անձուկ նրա մեջ,
Եվ աստվածները նրանց զանազան,
Եվ սուրբերը խիստ, խտրող ու դաժան:



Մի օր հատնի
Մարի, մթնի
Հրաժեշտի շողդ հավետ...

Բարի ճամփա՛, հյո՛ւրըդ մեր հին.
Եվ թե տեսնես,
Մեզնից էսպես
Մի հարցում տուր հզոր մահին.
- Մարդու քանի՞ սերունդ կանի
Մի հրաժեշտն աստեղային:

ԱՆՈՒՇ

ՆԱՆԵՐԳԱՆՔ
ՀԱՄԲԱՐՉՄԱՆ ԳԻՇԵՐԸ

Բազմած լուսնի նուրբ շողերին,
Հովի թևին թռչելով՝
Փերիները սարի գլխին
Հավաքվեցին զիշերով:

- Եկե՛ք, քույրե՛ր, սեզ սարերի,
Չքնադագեղ ոգիներ,
Եկե՛ք, ջահել սիրահարի
Մերը ողբանք վաղամեռ:

Օխտն աղբյուրից ջուր է առել
Կույս սափորով, լուռ ու մունջ,
Օխտը ծաղկից ծաղիկ քաղել,
Կապել սիրո ծաղկեփունջ:

Ջուրն ու ծաղիկ աստղունք դրրել,
Խնդիրք արել աստղերին,
Փափագ սրտով խնդիրք արել՝
Բարի ժպտան իր սերին...



Տեսավ՝ ուտում են ամենքն ամենքին,
Ամեն հայրենիք՝ իրեն զավակին,
Եվ իր պաշտողին՝ ամեն մի աստված,
Եվ կյանքը՝ տանջանք, ցավ համատարած:

Ու ոչ մի երկիր չկա հանգչելու -
Խոր, արարչական, հանգիստն անխռով,
Ու ոչ մի անկյուն չկա շնչելու,
Շունչն աստվածային՝ լի անվերջ սիրով:

Անապատում վշտով վերստին նայեց,
Իմ էս մեծ սրտին՝ աշխարհքից էլ մեծ,-
Անսահման աշխարհք, և սեր ընդհանուր,
Եվ մարդը՝ ուրախ, և երգ ամենուր:

Ու իջավ նորից էնտեղ հանգչելու-
Խոր, արարչական, հանգիստն անխռով,
Էնտեղ հանգչելու, էնտեղ շնչելու,
Էն մեծ խոհերով, էն անվերջ սիրով...

ԻՄ ԵՐԳԸ

Գանձեր ունեն անտա՛կ, անծե՛ր,
Ես հարուստ եմ, ջա՛ն, ես հարուստ,
Ծով բարություն, շնորհք ու սեր,
Ճոխ պարզև եմ առել վերուստ:

Անհուն հանքը իմ գանձերի,
Միրտս է առատ, լեն ու ազատ,
Ինչքան էլ որ բաշխեմ ձրի,
Սերն անվերջ է, բարին՝ անհատ:

Երկյուղ չունեմ, ահ չունեմ ես
Գողից, չարից, չար փորձանքից,
Աշխարհքով մին՝ ահա էսպես
Շաղ եմ տալիս իմ բարձունքից:



Ես հարուստ եմ, ես բախտավոր
Իմ ծննդյան պայծառ օրեն,
Էլ աշխարհ չեմ զայլու հո նոր,
Իր տվածն եմ տալիս իրեն:

ՄԻՐԻՈՒՄԻ ՀՐԱԺԵՇՇԸ

Միրիոնս, երկնից ահեղ անցվոր,
Ուրկի՞ց եկել.
Ո՞ր ես թեքել,
Ո՞ր ես ճեպում էղբան հզոր,
Անճառ թափով,
Անձեր ճամփով,
Դարե՛ր, դարեր հազարավոր:

Միրիոնս, երկնից շքեղ գոհար,
Որ խաղում ես,
Փաղփաղում ես
Ճերմակ ու քիլ լուսով քո վառ
Ու զարդարում,
Զվարթ վառում
Մեր գիշերվան ճակատը մառ:

Ինչքա՛ն աչք են վրադ հառել,
Նայում են քեզ
Հիմա մեզ պես,
Ինչքա՛ն աչք է նայել, մարել,
Եվ կամ ինչքա՛ն
Դեռ պիտի գան,
Որ անհայտից կյանք չեն առել:

Ո՞վ առաջինն ասավ ողջերթ
Քեզ մեր հողից,
Մարդու ցեղից,
Կամ ո՞ւմ աչքում պիտի անհետ



Ափստ՛ս, Անո՛ւշ, սարի ծաղիկ,
Ափստ՛ս, իգիթ քու յարին,
Ափստ՛ս բոյիդ թելիկ-մելիկ,
Ափստ՛ս էդ ծով աչքերին:

Ու նրանց հետ՝ ցող-արցունքով
Լցված սրտերն ու աչքեր՝
Մարի ծաղկունք տխուր սյուքով
Հառաչեցին էն գիշեր:

- Վուշ-վո՛ւշ, Անո՛ւշ, վուշ-վո՛ւշ քույրի՛կ,
Վո՛ւշ քու սերին, քու յարին,
Վուշ-վո՛ւշ, Մարո՛ւ, վուշ-վո՛ւշ իգի՛թ,
Վո՛ւշ քու սիրած սարերին...

- Եկե՛ք, քույրե՛ր, սեգ սարերի,
Չքնադագեղ ոգիներ...
Ու փերիներն էսպես տխուր
Երգում էին ողջ գիշեր:

Կանչում էին հրրաշալի
Հնչյուններով դյութական,
Ու հենց շողաց ցոլքն արևի,
Անտես, անհետ չքացան:

Խոր սուզվեցին ակն աղբյուրի,
Մտան կաղնին հաստաբուն,
Ու լեռնային վտակների
Ալիքները պաղպաջուն:

* * *

Ասում են՝ ուռին
Աղջիկ էր ինձ պես,
Մնում էր յարին,



Ու չեղավ նա տես:
Խեղճը դողալով
Անհույս կռացավ,
Դարդից չորացավ,
Ուռենի դարձավ:
Ջրերի վրա
Գլուխը կախած՝
Դեռ դողում է նա
Ու լալիս կամաց
Ու ամբողջ տարին
Մի միտք է անում,
Թե յարը յարին
Ո՛նց է մոռանում...

* * *

- Բարձր սարեր, ա՛յ սարեր,
Չեն եմ տալի՛ «վա՛յ», սարե՛ր,
Դուք էլ ինձ հեռ ձեն տվեք,
Իմ դարդերի թայ սարե՛ր:

Որս եմ՝ բուքես ձեզ արած,
Չեր ձորերին, ձեզ արած,
Կուզեմ կորչեմ անգլուման,
Էս աշխարհքից բեզարած:

Կորչեմ բեզար, դատարգուն,
Քար-սարեսար, դատարգուն,
Մեռնեմ, պրծնեմ էս օրից,
Բալքի առնեմ դադար-քուն:

Ա՛խ, կնեռնեմ, ամա նա
Վա՛յ թե հանկարծ իմանա,
Ես ազատվեմ էս ցավից,
Աչքը լալով նա մնա:

* * *

Համբարձման գիշեր, էն դյութիչ գիշեր,
Կա հրաշալի, երջանիկ վայրկյան,
Բացվում են ոսկի երկնքի դռներ,
Ներքև պապանձում, լռում ամեն բան,
Ու աստվածային անհաս խորհրդով
Լցվում բովանդակ նրա սուրբ գթով:

Էն վե՛ն վայրկյանին չքնաղ գիշերի
Երկնքի անհու՛ն, հեռու խորքերից,
Անմուտրազ մեռած սիրահարների
Աստղերը թռած իրար են գալիս,
Գալի՛ս՝ կարոտով մի հեզ համբուրվում
Աշխարհքից հեռո՛ւ, լազուր կամարում:

ԼՈՌԵՅԻ ՍԱԲՈՆ

(հայրված)

Էն Լոռու ձորն է, ուր հանդիպակաց
Ժայռերը՝ խորունկ նոթերը կիտած՝
Դեմ ու դեմ կանգնած համառ ու անթարթ
Հայացքով իրար նայում են հանդարտ:

Նրանց ոտքերում՝ զազազած գալի,
Գալարվում է գիծ Դև-Բեղը մոլի,
Խելազար թռչում քարերի գլխով,
Փրփուր է թքում անգուսպ երախով,
Թքում ու զարկում ժեռուտ ափերին,
Փնտրում է ծաղկած ափերը հին-հին,
Ու գոռում գիծ-գիծ.

- Վա՛շ-վի՛շշ, վա՛շ-վի՛շշ..

Մութ անձավներից, հազար ձևերով,
Քաջքերն անհանգիստ՝ հուպիտ ձայներով



Դևի հառաչքին արձագանք տալի,
Ծաղրում են նրա գոռոցն ահռելի
Ու կրկնում գիժ-գիժ.

- Վա՛շ-Վի՛շ 22, վա՛շ-Վի՛շ 22..

Գիշերը լուսնի երկչոտ շողերը
Հենց որ մտնում են էն խավար ձորը՝
Ալիքների հետ խաղում դողալով,
Անհայտ ու մռայլ մի կյանքի գալով՝
Ոգի է առնում ամեն բան էնտեղ,
Շնչում է, ապրում և՛ մութն, և՛ ահեղ:

Էս տախտի վրա աղոթում մի վանք,
Էն ժայռի գլխին հսկում է մի բերդ,
Մութ աշտարակից, ինչպես զարհուրանք,
Բուի կռինչն է տարածվում մերթ-մերթ,
Իսկ քարի գլխից լուս մարդու նման,
Նայում է ձորին մի հին խաչարձան:

ԹՄԿԱԲԵՐԴԻ ԱՌՈՒՄԸ

ՆԱՍԵՐԳԱՆՔ

Հե՛յ, պարոններ, ակա՛նջ արեք
Թափառական աշուղին,
Սիրու՛ն տիկնայք, ջահե՛լ տղերք,
Լավ ո՛ւշ դրեք իմ խաղին:

Մենք ամենքս հյուր ենք կյանքում
Մեր ծննդյան փուչ օրից,
Հերթով գալիս, անց ենք կենում
Էս անցավոր աշխարհից:

Անց են կենում սեր ու խնդում,
Գեղեցկություն, զանձ ու զահ,
Մահը մերն է, մենք՝ մահինը,
Մարդու գործն է միշտ անմահ:



Գործն է անմահ, լավ իմացեք,
Որ խոսվում է դարեդար,
Երան՛կ նրան, որ իր գործով,
Կապրի անվերջ անդադար:

Չարն էլ է միշտ ապրում անմեռ,
Անե՛ծք նրա չար գործքին,
Որդիդ լինի, թե հերն ու մեր,
Թե մուրագով սիրած կին:

Ես լավության խոսքն եմ ասում,
Որ ծպտում է մեր սրտին,
Ո՞վ չի սիրում, թեկուզ դուշման,
Լավ արարքը, լավ մարդին:

Է՛յ, լավ կենաք, ակա՛նջ արեք,
Մի բան պատմեմ հիմի ձեզ,
Խոսքս, տեսեք, ո՞ր է զընում,
Քաջ որսկանի գյուլի պես:

* * *

Հե՛յ, պարոններ, ակա՛նջ արեք
Թափառական աշուղին,
Միրո՛ւն տիկնայք, ջահե՛լ տղերք,
Լավ ո՛չ դրեք իմ խաղին:

Ամենքս էսպես հյուր ենք կյանքում
Մեր ծննդյան փուջ օրից,
Հերթով զալիս, անց ենք կենում
Էս անցավոր աշխարհից:

Անց ենք կենում... միայն անմահ
Գործն է խոսվում լավ ու վատ.
Ա՛խ, երանի՛ ով մարդ կգա
Ու մարդ կերթա անարատ:



ՄԱՐՈՆ

Մեր գյուղն էն է, որ հայարտ,
Լեռների մեջ միգապատ,
Խոր ձորերի քարափին,
Չեռը տված ճակատին՝
Միտք է անում տխրադեմ.
Ի՞նչ է ուզում՝ չգիտեմ...
Պաս չենք էնտեղ մենք ուտում,
Ու ջերմեռանդ աղոթում,
Ժամ ենք գնում ամեն օր,
Բայց միշտ ցավեր նորանոր,
Միշտ մի աղետ, մի վնաս
Գալիս են մեզ անպակաս:
Ահա պատմեն ձեզ մի դեպք,
Մի պատմություն, որ երբեք
Հիշատակով տխրալի,
Սրտիս հանգիստ չի տալի:

Մեր գյուղից վեր մինչ էսօր
Կա ուռենի մի սզվոր:
Մեծ անտառից նա գատված,
Մարդու կացնից ազատված՝
Կանգնած է դեռ ու շոգին
Հով է տալիս մշակին:
Գիժ, լեռնային մի վտակ,
Խոխոջում է նրա տակ,
Խաղում կանաչ մարգերին:
Էն առվակում կես օրին,
Երբ որ շոգից նեղանում,
Գնում էինք, լողանում:
Տկլոր, աշխույժ խմբակով,
Աղաղակով, աղմուկով
Խաղում էինք, վազվզում
Գույն-գույն մանրիկ ավազում:



Կամ հետևում հեկիկ
Թիթեռնիկին ոսկեթև,
Ու միշտ հոգնած ժամանակ
Էն մենավոր ծառի տակ
Նստում տխուր մի քարի,
Գերեզմանին Մարոյի...
Մարո՛, անբա՛խտ, վաղամե՛ռ,
Դու մանկության իմ ընկեր,
Որքա՛ն ենք մենք խաղացել,
Իրար սիրել ու ծեծե՛լ...
Ժիր էր Մարոն, դուրեկան,
Նոր էր ինը տարեկան,
Նրանց տունը երբ մի օր
Եկան երկու եկավոր:
Ու Մարոյի մայրիկը
Երբ որ բերավ, դրավ լիքը
Խոնչեն նրանց առաջին,
- Շնորհակալ ենք մենք,- ասին,-
Տաշտներդ լի հաց լինի,
Դռներդ միշտ բաց լինի.
Հաց չենք ուզում ձեզանից,
Հող տվեք մեզ ձեր տանից...
Էն ժամանակ Մարոյի
Հայրիկն առավ արաղի
Լիքը բաժակն ու ասաց.
- Կամքդ լինի, տե՛ր Աստված
Նշանեցին Մարոյին,
Տվին չորան Կարոյին:

Չորան Կարոն սարերի
Մի հովիվ էր վիթխարի.
Բոյ-բուսաթին նայելիս
Մարդու զարգանդ էր գալիս.
Բայց զոքանչը անսահման
Սիրում, հարգում էր նրան:



Շատ էր սիրում և Մարոն.
- Լավն է,- ասում էր,- Կարոն,
Բերում է ինձ ամեն օր
Կանփետ, չամիչ ու խնձոր...

Մին էլ Կարոն աղմուկով
Եկավ զուռնա-թմբուկով,
Ու Մարոյին զուգեցին,
Երեսին քող ձգեցին,
Հինա դրին ձեռքերը...
Եկավ խաչով տերտերը,
Տարավ ժամում կանգնեցրեց.
- Տե՞ր ես, որդյա՛կ,- հարցրեց:
- Տեր եմ,- ասավ մեր Կարոն,
Լուռ կանգնած էր միշտ Մարոն...
Հայրն էլ եկավ ու ծեսին
Էսպես օրհնեց իր փեսին.
- Ջաղացիդ միշտ հերթ լինի,
Մեջքդ ամուր բերդ լինի...
Իսկ երբ հնչեց «Տարան, հա՛»-ն,
Նրան փեսի տուն տարան:
Պսակեցին Մարոյին,
Տվին չորան Կարոյին:

Թե գրբացի չար ջանքով,
Գիր ու կապով, բժժանքով
Մանուկ սիրտը կարեցին,
Կամ թե նրա հանդերձին
Էն անհոգի չար ջարդուն
Զսեց գիլի ճրագուն...
Էդ չիմացավ ոչ ոք պարզ,
Միայն փոքրիկ նորահարս
Մարոն ասեց իր մարդուն.
Փախավ, եկավ ետ հոր տուն:
Եկավ, լացեց նա վշտոտ,



Պապի կողքին չդրին:
Գյուղից հեռու մինչ էսօր
Կա ուռենի մի սզվոր:
Էն մենավոր ծառի տակ
Փոս փորեցին մի խորին,
Առանց ժամ ու պատարագ
Մեջը դրին Մարոյին,
Էն սև քարն էլ տաշեցին,
Բերին վրեն քաշեցին:

Շատ էմ տեսել, երբ սզվոր
Մայրը մենակ, սևաշոր,
Կորանալով էն քարին՝
Չէն էր տալիս Մարոյին...
- Ո՞վ քեզ ծեծեց, Մարո ջա՛ն,
Ո՞վ անիծեց, Մարո ջա՛ն,
Ո՞ր փախար դու, Մարո ջա՛ն,
Տո՛ւն արի, տո՛ւն, Մարո ջա՛ն
Չես զարթնում էլ, Մարո ջա՛ն...
Կորանալով էն քարին՝
Չէն էր տալիս Մարոյին.

Խունկ էր ծխում, մոմ վառում,
Որ գիշերվան խավարում
Փայլփլում էր մեն-մենակ
Հեռվից երկար ժամանակ:

ՓԱՐՎԱՆՍ

(հասրված)

Էսպես անցան շատ տարիներ.
Տխուր աղջիկն արքայի
Նայե՛ց, նայե՛ց սարերն ի վեր,
Ճամփաներին ամայի,
Հույսը հատավ... ու լաց եղավ.
Էնքա՛ն արավ լաց ու կոծ,



- Ես չեմ գնալ նրա մոտ.
Ես սիրում եմ մայրիկիկին,
Ես չեմ ուզում լինել կին...
Հայրիկն էնժամ բարկացավ,
Ծեծեց նրան ու ասավ.

- Դո՛ւրս իմ տանից, սևերե՛ս,
Ետ չնայես դեպի մեզ,
Ոտ չդնես էլ տունս,
Մրոտեցիր անունս...

Լալով ծածկած իր դեմքը՝
Թողեց Մարոն հոր շենքը:
Ու հալածված իր հորից,
Փախած չոբան Կարոյից
Սոված, պատռած շորերով,
Կորչում էր նա օրերով:
Կուչ էր գալիս խղճալի
Օջախի շուրջ օտարի
Կամ թափառում մեն-մենակ,
Մեր հանդերում շարունակ:

Շատ ամիսներ անց կացան...

Դիմաց սարից մի չոբան
Ձեռն էր տալիս մի օր մեզ,
Թե՛ իմացե՞ք, որ էսպես
Կարմիր շորով մի խիզան
Ընկավ ձորը մի կածան...
Դուրս թափվեցինք մենք գյուղից,
Հեռու կանգնած, երկյուղից,
Տեսանք ահեղ էն ձորում,
Ոնց էր լալիս ու գռռում
Մարոյի հայրն ալևոր,
Մայրը ճշում սզավոր:
Շատ լաց եղավ և Կարոն...
Մեռա՛վ, գնաց մեր Մարոն:
Սակայն անբախտ նրա դին



Որ լիճ կտրեց արտասուքը,
Ծածկեց քաղաքն ու ամրոց,
Ծածկե՛ց, կորա՛ն, ինքն էլ հետը..

Այժմ էնտեղ տրտմաշուք
Խոր Փարվանա լիճն է ծփում,
Հստա՛կ, ինչպես արտասուք:
Ու էն վճիտ ջրերի տակ
Ցույց են տալի մինչ էսօր
Ծեր արքայի ճերմակ ամրոցն
Ու շենքերը փառավոր:

* * *

Ասում են՝ էն քիթեռները,
Որ գիշերվա խավարում,
Որտեղ ճրագ, որտեղ կրակ,
Որտեղ լույս է հենց վառվում,
Հավաքվում են, շուրջը պատում,
Մեջն են ընկնում խելագար,
Ասում են, թե էն Փարվանա
Ջահիլներն են սիրավառ:
Շտապելուց թև են առել,
Դարձել թեթև քիթեռներ,
Ու տակավին հուր տեսնելիս
Մեջն են ընկնում անհամբեր.
Ջանք են անում ամեն մինը՝
Շուտով տանի, տիրանա...
Ու այրվում են, այրվո՛ւմ անվերջ
Կտրիճները Փարվանա:

ՇՈՒՆՆ ՈՒ ԿԱՏՈՒՆ

I

Ժամանակով Կատուն ճոն էր,
Շունն էլ գլխին գդակ չուներ,



Միայն, գիտեմ ոչ՝ որդիանց որդի
Ճանկել էր մի գառան մորթի:
Եկավ մի օր, ձմեռվա մտին,
Կատվի կուշտը տարավ մորթին:
- Բարի աջողում, ուստա Փխո,
Գլուխըս մրսեց, ի սեր Աստծո,
Ան էս մորթին ու ինձ համար
Մի գդակ կարի գլխիս համար:
Վարձիդ համար միամիտ մնա,
Համա-համա շատ չուշանա:

- Աչքիս վրա, քեռի Քուչի,
Մի գդակ ա, հո մի բուրբ չի,
Քու թանկագին խաթեր համար,
Ուրբաթ օրը համեցեք տար:
Փողի մասին ավելորդ ա,
Մեր մեջ խոսելն էլ ամոթ ա,
Ինչ մեծ բան ա, տո՛, հե՛ր օրհնած,
Միա՛յն, միա՛յն մի գդակի վարձ:
Ուրբաթ օրը քեռի Քուչին՝
Ուստից առաջ՝ բաց-բաց կուճին
Թափ-թափ տալով՝ ծանր ու մեծ,
Ուստա Կատվի շեմքում կանգնեց.
- Ուստեն ո՞ր ա... փափախս ո՞ր ա...
- Մի քիչ կացի, հրես կգա:

II

Ուստեն էկավ քուրքը հագին,
Շանը տեսավ, քեռի տակին
Իրեն-իրեն քիչ փնթփղնթաց
Ու մուշտարու վրա թընդաց.
- Յուրտը տարա՞վ... վա՛հ, տնաշե՛ն,
Չես թող անում մի շունչ քաշեմ.
Հեշտ բան հո չի՞,



Հլա նոր եմ ցրցամ տվել, թե որ կարենմ:

- Դե հե՛ր օրհնած, էտե՛նց ասա,
Էդ բարկանալն էլ ինչի՞ս ա:
Փող եմ տվել, վախտին կարի,
Թե չե՛ ասա էգուց արի:
Համ ասում ես, համ չես կարում,
Համ խոսում ես, վրես գոռում,
Հա՛մ, հա՛մ, հա՛մ, հա՛մ,
Քանի ախպեր, գնամ ու գամ...
Ասավ Քուչին ու նեղացած
Վերադարձավ զլուխը բաց:

III

Մին էլ եկավ, դարձյալ չկար.
Էս անգամը դիպան իրար.
Էլ անպատիվ, անկարգ խոսքեր,
Էլ հին ու նո՛ր, էլ հեր ու մե՛ր,
Էլ գող Փխո՛ւ, էլ քաչալ Շո՛ւն...
Բանը հասավ դիվան բաշուն:
Շունը մինչև գնաց, եկավ,
Ուստա Կատուն կոտրն ընկավ,
Գլուխն առավ ու մի գիշեր,
Հայդե, կորավ. էն կորչիլն էր...

IV

Էն օրվանից էլ մինչև օրս էլ
Շունն էս բանը չի մոռացել.
Մտքում հլա դեռ պահում ա,
Որտեղ կատվին պատահում ա,
Վեր ա թռչում, վրա վազում,
Իրեն մորթին ետ ա ուզում.
Իսկ սևերես Կատուն հանկարծ
Ետ ա դառնում ու բարկացած
Փշտացնում ա. մթամ նոր եմ
Ցրցամ տվել, թե որ կարենմ:



ԹԱԳԱՎՈՐՆ ՈՒ ՉԱՐՉԻՆ

- Հե՛յ, լավ մանրոք,
Ասե՛ղ, հույու՛նք,
Մատնի՛ք, մարջան,
Ապարանջա՛ն...
Հա՛վ, ձու բերե՛ք,
Առե՛ք, տարե՛ք,
Խունջիկ-մունջիկ
Հարսն ու աղջիկ,
Էժան կտա՛մ,
Լավը կտա՛մ...

Եսպես կանչելով՝ փողոցից փողոց,
Իբրև թե չարչի մի թափառական,
Չարչու կերպ մտած, ինչպես վիշապ օձ,
Անցնում էր ինքը՝ Շահ-Աբաս արքան:

- Հե՛յ, ո՞վ կուզի թել ու ասե՛ղ,
Դուրս եկեք, դու՛րս, ինձ մոտ, էստե՛ղ...

- Չարչի՛ ախպեր, չարչի՛ ախպե՛ր,
Ասեղ ունի՞ս, էս կողմը բեր:
Կանչեց մի կին՝ հայ գաղթական,
Ու մոտ գնաց չարչին կնկան:

- Օ՛, ի՛նչ ասեղ, իսկն օձի քիստ...
Թոփը մի հաց...

- Վո՛ւյ, թանկ է խիստ...

- Է՛հ, մի խոսի՛ր, քո՛ւյր իմ, էղպես
Շահի կյանքը թե կսիրես:

- Ամա՛ն, հողեմ գլուխը Շահի,
Ասոված Շահից հեռու պահի.
Արեղ ապրի, չարչի ախպեր,
Էդ անունը բերան մի՛ բեր:

- Վահ, էքսան էլ չար լինի մա՛րդ:
Ի՞նչ է արել Շահը ձեզ վատ:-
Գազան թուրքի սրից փրկել,



Չոր Ջուղայի քարից պոկել՝
 Բերել է ձեզ առատ Փարիս,
 Աչքն էլ քաղցր միշտ ձեզ վրա...
 - Օ՛ֆ, հերիք է, չարչի ախպեր,
 Մի՛ խոսեցնիր ինձ դրանից:
 Երնեկ դրա ոտը կուարեր՝
 Չգար հաներ մեզ մեր տանից:
 Եկավ վարար հեղեղի պես,
 Ջարկեց մեր շեն, մեր լի Ջուղան,
 Ո՛չ Աստծուն նայեց, ո՛չ մեզ,
 Մրբեց բերավ ողջ տեղահան:
 Թող արինք փակ մեր տուն ու ժամ,
 Բանալիներն Արագն ածինք,
 Մարի ուսից վերջին անգամ
 Ետ նայեցինք ու կանչեցինք.
 «Աստվածածի՛ն Վերին Կաթան,
 Զեզ ամանաթ մեր սուրբ վաթան,
 Ուր որ գնանք մեր վաթանից՝
 Մեզ դարձրու գերությունից»:
 Աղաչեցինք աղերսելով,
 Ետ շուտ եկանք ու անց կացանք.
 Ծեծով, կոծով, հրով, սրով՝
 Ծով Արագի ափը հասանք:
 Արագը ծո՛վ, Արագն ելմա՛ն,
 Դուրս էր եկել իր ափերից.
 «Անցե՛ք», եկավ մեզ հրաման.
 Շահն է հրաման տալիս վերից...
 Ետևը՝ սո՛ւր, առաջը՝ ջո՛ւր,
 Մո՛ւզ, վայնասո՛ւն, իրարանցո՛ւմ,
 Բառաչում են մեծ ու պուճուր,
 Իրար գրկված՝ գետը լցվում...
 Էն սև օրը, որ մենք տեսանք,
 Զո թջնամին թող չտեսնի...
 Ա՛խ, ե՞րբ պիտի մին էլ տեսնենք՝
 Մեր անեծքը երկինք հասնի...



Ու գալիս են չարչու գլխին
Կիտվում պանդուխտ, գերի հայեր.

«Անե՛ծք Շահին, իրեն գահին»,-

Անիծում են երկինքն ի վեր:

Շուռ են գալիս իրենց բնում

Չարչու աչքերն սպառնալի,

Չեռն ու ոտը դող են լինում,

Ու սևակնած հարց է տալի.

- Շահի առջև հապա էնօր

Գոռում էիք միաբերան,

Թե ապրում եք դուք բախտավոր

Ու օրհնում եք թախտն ու իրա՞ն...

- Մուտ էր, ախպեր: Դու մեզնից մեկն՝

Ի՞նչ բաքցնենք մենք քեզանից,

Բայց մեր սիրտը ո՞նց չծածկենք

Էն մարդակեր չար գազանից:

Մուտ էր: Ու միշտ քանի որ կա

Շահ ու գերի, ստրուկ ու տեր,

Չի լինելու երկրի վրա

Ո՛չ շիտակ խոսք, ո՛չ կյանք, ո՛չ սեր...

Մոնչաց չարչին, արեն շարտեց,

Դուրս ելավ տակից Շահ-Աբասն ահեղ,

Նաջադը ցոլաց, իջավ շեշտակի,

Գերի ծերունին փռվեց տեղնուտեղ:

Փռվեց: Ու միշտ քանի որ կա

Շահ ու գերի, ստրուկ ու տեր,

Չի լինելու երկրի վրա

Ոչ շիտակ խոսք, ոչ կյանք, ոչ սեր:

ՔԱՆՅԱԿՆԵՐ

Ա՛նց կացա՛ն...

Օրերս թռան, ա՛նց կացա՛ն.

Ախ ու վախով, դարդերով

Միրտս կերա՛ն, ա՛նց կացա՛ն:



* * *

Վերջացա՛վ...
Կյանքս մաշվեց, վերջացա՛վ.
Ինչ հույս արի՛ փուչ էլավ,
Ինչ խնդությո՛ւն՝ վերջը ցա՛վ:

* * *

Ո՞ր կորա՛ն...
Մոտիկներս ո՞ր կորա՛ն,
Ինչքան լացի, ձեն ածի՛
Ձեն չտվին, լո՛ւր կորան:

* * *

Ծով է իմ վիշտն, անափ ու խոր,
Լիքն ակունքով հազարավոր.
Իմ գայրույթը լիքն է սիրով,
Իմ գիշերը՝ լիքն աստղերով:

* * *

Քանի՛ մահ կա իմ սրտում,
Թափուր գահ կա իմ սրտում.
Չէ՞ դու էլ ես մահացու.
Մահի ահ կա իմ սրտում:

* * *

Հին աշխարհքը ամեն օր
Հազար մարդ է մտնում նոր,
Հազար տարվան փորձն ու գործ
Սկսվում է ամեն օր:

* * *

Չոր եմ փախչում, ինձ խաբում,
Հազար կապ է ինձ կապում.
Ամենքի հետ ապրում եմ,
Ամենքի չափ տառապում:



* * *

Ո՛վ իմանա՛՜ն՝ ո՛ր ընկանք,
Քանի՛ օրվա հյուր ընկանք,
Մերն ու սիրտն էլ երբ չկա՝
Կրա՛կ ընկանք, զո՛ւր ընկանք:

* * *

Երագումս մի մաքի
Մոտս եկավ հարցմունքի.
- Աստված պահի քո որդին,
Ո՞նց էր համը իմ ձագի...

* * *

Ինչքա՛ն ցավ եմ տեսել ես,
Նեմզ ու դավ եմ տեսել ես,
Տարել, ներել ու սիրել,-
Վատը՝ լավ եմ տեսել ես:

* * *

Քանի՛ ձեռքից եմ վառվել,
Վառվել ու հուր եմ դառել,
Հուր եմ դառել՝ լույս տվել,
Լույս տալով եմ սպառվել:

* * *

Հոգիս տանը հաստատվել -
Տիեզերքն է ողջ պատել.
Տիեզերքի տերն եմ ես,
Ո՞վ է արդյոք նկատել:

* * *

Ո՛նց է ժպտում իմ հոգին
Չարին, բարուն,- անենքին.
Լույս է տալիս ողջ կյանքիս
Ու էն ճամփիս անմեկին:



* * *

Լինե՛ր հեռու մի անկյուն,
Լինե՛ր մանկան արդար քուն,
Երազի մեջ երջանիկ,
Հաշտ ու խաղաղ մարդկություն:

* * *

Մի հավք զարկի ես մի օր.
Թռա՛վ, գնաց վիրավոր:
Թռչում է միշտ իմ մտքում
Թևը արնոտ ու մուրր:

* * *

Հե՛յ ազահ մարդ, հե՛յ անգոհ մարդ, միտքդ երկար, կյանքդ կարճ
Քանի՛ քանիսն անցան քեզ պես, քեզնից առաջ, քո առաջ.
Ի՛նչ են տարել նրանք կյանքից, թե ի՛նչ տանես դու քեզ հետ,
Խաղա՛ղ անցիր, ուրախ անցիր երկու օրվան ես ճամփեդ:

* * *

Ազատ օրը, ազատ սերը, ամեն բարիք իր ձեռքին,
Տանջում, տանջվում, որոնում է ու դժբախտ է նա կրկին.
Էյ անխելք մարդ, ե՞րբ տի թողնես ապրողն ապրի սրտալի,
Ե՞րբ տի ապրես ու վայելես ես աշխարհքը շեն ու լի:

* * *

Քուն թե արթուն՝ օրիս շատը երազ եղավ, անցկացավ,
Երազն էլ, մուրբ ու խուսափուկ, վռազ եղավ, անցկացավ.
Վռազ անցան երազ, մուրազ, ու չհասա ոչ մեկին,
Կյանքս թեթև տանուլ տված գրազ եղավ, անցկացավ:

* * *

Երնեկ էսպես՝ անվերջ քեզ հետ-իմ կյանքի հետ լինեի.
Հազար երնեկ՝ դաշտում մենակ՝ երկնքի հետ լինեի.
Բայց ո՛վ կտա էն վայելքը՝ ինքս ինձ էլ չզգայի,
Ու հավվեի, ծավալվեի, ամենքի հետ լինեի...



* * *

Կյանքըս արի հրապարակ, ոտքի կոխան ամենքի.
Խափան, խոպան ու անպտուղ, անցավ առանց արդյունքի:
Ինչքան ծաղիկ պիտի բուսներ, որ չբուսավ էս հողին...
Ինչ պատասխան պիտի ես տամ հող ու ծաղիկ տվողին...

* * *

Էնքան շատ են ցավերն, ավերն իմ սրտում,
Էնքան անթիվ կորած լավերն իմ սրտում...
Չեմ էլ հիշում չար ու խավար էս ժամին՝
Երբ են փայլել ուրախ օրերն իմ սրտում:

* * *

- Էս է, որ կա... Ճիշտ ես ասում, թասդ բեր:
Էս էլ կերթա՝ հանց երազում, թասդ բեր:
Կյանքն հոսում է տիեզերքում զնգալեն,
Մեկն ապրում է, մյուսն սպասում. թասդ բեր:

* * *

Հե՛յ ճամփանե՛ր, ճամփանե՛ր.
Անդարձ ու հին ճամփաներ,
Ովքե՞ր անցան ձեզանով,
Ո՞ր գրնացին, ճամփանե՛ր:

ԳԻՔՈՐԸ

(հատված)

Գյուղացի Համբոյի տունը կռիվ էր ընկել:

Համբոն ուզում էր իր տասներկու տարեկան Գիքորին տանի
քաղաք մի գործի տա, որ մարդ դառնա, աշխատանք անի: Կինը չէր
համաձայնում:

- Չեմ ուզում, իմ քորիս էրեխին են անիրավ աշխարհքը մի՛
զցիլ, չեմ ուզում,- լալիս էր կինը:

Բայց Համբոն չլսեց:



Մի խաղաղ առավոտ էր, մի տխուր առավոտ: Տանըցիք ու հարևանները եկան մինչև գյուղի ծերը, Գիքորի թշերը պաչեցին ու ճամփա դրին:

Քույրը՝ Չանին, լաց էր լինում, իսկ փոքրիկ Գալուն մոր գրկից ձայն էր տալի. «Գիքոր՛, էդ ո՞ւր ես գնում, հե՛ր Գիքույ՛»:

Գիքորը շուտ-շուտ ետ էր նայում: Տեսնում էր՝ դեռ գյուղացի ծերին կանգնած են նրանք, ու մայրը զոգնոցով սրբում է աչքերը: Դարձյալ հոր կողքով վազում կամ առաջն էր ընկնում: Մին էլ նայեց. գյուղը ծածկվել էր բլուրի ետև:

Այնուհետև Գիքորը ետ էր ընկնում:

- Արի հա՛, Գիքոր ջան, արի հա՛, հասանք հա՛,- որդուն կանչելով գնում էր Համբոն՝ շալակին մի խուրջին, մեջը մի քանի հաց ու պանիր ու մի երկու դաստա թուփում:

Իրիկնապահին, երբ անց էին կենում սարերը, մի անգամ էլ երևաց գյուղը հեռո՛ւ մշուշում:

-Ա՛յ, ապի, մեր տունն էնա ա հա՛,-ցույց տվավ Գիքորը՝ մատը մեկնելով դեպի գյուղը, թեև տունը իսկի չէր երևում, ու անցան:

Առաջին իրիկունը դռնախա ընկան մի գյուղում: Տանտերը Համբոյի հին ծանոթն էր:

Դեղին սամովարը թշնամ էր տախտի ծերին: Մի ջահել աղջիկ շրըղկշրըխացնելով բաժակները լվանում ու թեյ էր շինում: Նա մի կարմիր սիրուն շոր ուներ հագին: Գիքորն էնտեղ մտքումը դրեց, որ երբ քաղաքում փող աշխատի, իրենց Չանիի համար մի էն տեսակ շոր դարկի:

ԱՎԵՏԻՔ ԻՍՍՀԱԿՅԱՆ

* * *

Գիշերն եկավ, զով-հովն ընկավ,
Աստղունք լուսնին ձայն տվին.
Լուսնյակն ելավ, մով-ծովն ընկավ,
Հավքերն ինձի ձայն տվին:



Ես վեր ելա ոգի առած՝
Զարկի սրտիս լարերին.
Միրտս խնդաց, կուրծքս թնդաց-
Եվ լարերը խզվեցին...

- Միայն սիրո լարը մնաց
Սրտիս անհուն խորքերում.
Ու վառ սիրո երգը շողաց
Կյանքիս ամեն ծալքերում...

* * *

Մի մրահոն աղջիկ տեսա
Ռիալտոյի կամրջին,
Հորդ մազերը՝ գետ գիշերվան,
Եվ հակինթներ՝ ականջին:

Աչքերը՝ սև - արևներ սև,
Արևների պես անշեջ,
Գալարում էր մեջքը թեթև
Ծաղկանկար շալի մեջ:

Աչքս դիպավ աչքի բոցին,
Ու գլուխս կախեցի.
Ժպտաց ժպտով առեղծվածի,
Հավերժական կանացի:

Միամիտ չեմ՝ հավատամ քեզ.
Տառապանքս փորձ ունի.-
Մի մրահոն կույս էր քեզ պես,
Կուրծեց սիրտս պատանի...

* * *

Ես ձեզ ասում եմ՝ կզա ոգու սով,
Եվ դուք կքաղցեք ճոխ սեղանի մոտ,
Կընկնեք մուրալու հափրած որկորով՝
Հրեղեն խոսքի, վեհ խոսքի կարոտ:



Լրբենի ծաղրով արհամարհեցիք
Ոգու վառ զեղմունք - միտք ու երազանք,
Նյութի տաճարում արբած պարեցիք՝
Մոռացած անմահ, անհունի տենչանք:

Դուք, որ հեզնեցիք ուժն ստեղծագործ՝
Ձեր նյութի հանդեպ կգա ոգու սով.
Եվ մուրացկի պես փշրանքի համար
Ճարավ ու նոթի կանցնեք ծովեծով...

ՄՈՐ ՄԻՐՏԸ

(հայկական ավանդապետ)

Կա հինավուրց մի զրույց,
Թե մի տղա
Միամորիկ
Սիրում էր մի աղջկա:

Աղջիկն ասավ. «Ինձ բնավ
Դու չես սիրում,
Թե չէ, գնա՝
Գնա՝ մորդ սիրտը բեր»:

Տղան մոլոր, գլխիկոր
Քայլ առավ,
Լացեց, լացեց
Աղջկա մոտ ետ դառավ:

Երբ նա տեսավ, զայրացավ,
-Է՛լ չերևա
Շենքիս,- ասավ,
Մինչև սիրտը չբերես:
Տղան գնաց և որսաց
Սարի այծյամ,
Սիրտը հանեց,
Բերեց տվեց աղջկան:



Երբ նա տեսավ, զայրացավ.

- Կորի՛ր աչքես,

Թե հարազատ

Մորդ սիրտը չբերես:

Տղան գնաց մորը սպանեց,

Երբ վազ կտար

Սիրտը ձեռքին,

Ոտքը սահեց, ընկավ վար:

Եվ սիրտը մոր ասավ տխուր,

Լացակումած.

- Վա՛յ, խեղճ տղաս,

Ոչ մի տեղդ չցավա՞ց...

ՄԱՅՐԻԿԻՍ

Հայրենիքես հեռացել եմ,

Խեղճ պանդուխտ եմ, տուն չունիմ,

Ազիզ մորես բաժանվել եմ,

Տխուր-տրտում, քուն չունիմ:

Մարեն կուգաք, նխշո՛ւն հավքեր,

Ա՛խ, իմ մորս տեսել չե՞ք,

Ծովեն կուգաք, մարմանդ հովե՛ր,

Ախր բարև բերել չե՞ք:

Հավք ու հովեր եկան կշտիս,

Անձեն դիպան ու անցան.

Պապակ-սրտիս, փափագ-սրբտիս

Անխոս դիպան ու անցա՛ն:

Ա՛խ, քո տեսքին, անուշ լեզվին

Կարոտցել եմ, մայրի՛կ ջան.

Երնե՛կ, երնե՛կ, երազ լինիմ,

Թռնիմ մոտդ, մայրի՛կ ջան:



Երբ քունդ գա, լուռ գիշերով
Հոգիդ գրկեն, համբույր տամ.
Սրտիդ կպնին վառ կարոտով,
Լամ ու խնդամ, մայրիկ ջան...

* * *

Լսում եմ դողանջը տիեզերական,
Հոգիս բացվում է անծիր թևերով.
Անծիր թևերս գրկում եմ համայն
Աշխարհե-աշխարհ և ծովերե-ծով:

- Բացե՛ք դարպասները ձեր պալատների,
Ոգու հարության լույսն եմ ձեզ բերում,
Ես եմ զեփյուռը անապատների,
Եվ վառ ճաճանչը մռայլ ամպերում:

Եվ մարգարեի հուրն է իմ կրծքում,
Սուրը՝ իմ ձեռքում, բարբառս՝ ազատ.
Եվ ինձ հավիտյան անմահ եմ զգում,
Եվ երկրի վերա քայլերս՝ հաստատ...

* * *

Ո՞ւմ հետ եմ անհույս
Լալիս, հառաչում,
Ո՞ւմ ճակտի վրա
Իմ ձեռքն է հանգչում:

Աշխարհն հավիտյան
Մահվան բերանում,
Եվ մահը նրան
Ծամում է, ծամում:

Լալիս է աշխարհն
Իմ սիրող գրկում.
Համայն աշխարհի
Բախտն եմ ես սգում:



Միրուն մանկիկ, ես գնում եմ, դու գալիս ես այս աշխարհ.
Ճշմարիտն ես փորձով գիտեմ ու խոսքերս մի՛ մոռնար:

Կյանքն է ամպի փախչող ստվեր, վայրկյան է միշտ իրական.
Բախտի կռանը կամքն է թեև, բայց դիպվածն է տիրական:

Զգացմունքն է գերիշխանը, խելքը՝ նրա լոկ ծառան.
Բայց դու խելքդ վրադ պահի՛ր, ինչպես պողպատ կուռ վահան:

Մի՛ հավատար ստվերներին, հենվի՛ր միայն քեզ վրա,
Ատելու չափ սիրի՛ր մարդկանց,բայց լավություն միշտ արա:

Եվ լայն օրում թե՛ ընկերներ, թե՛ բարեկամ ճանաչիր.
Իսկ նեղ օրում ընկերների ո՛չ որոնիր, ո՛չ կանչիր:

Խաղերով լի այս աշխարհում խաղդ եթե տանուլ տաս,
Զվարթ եղի՛ր, ու այդպիսով բախտի վրա կխնդաս:

Անվախ ու վեհ դեկդ վարե անժամոթին դեմ-դեմի.
Անգղջալի առաջ գնա, ինչ որ լինի, թո՛ղ լինի:

Լսի՛ր, տղա՛ս, ինձ կթաղես անհայտ մի տեղ, աննշան,
Որ չիմանան, մարդիկ չգան, շիրմիս բարը գողանան:

* * *

Մալն ձորերում, կովի ձորերում
Հայդուկն է ընկել խոր վերքը սրտին,-
Վերքը վարդի պես բացված, կարմրուն,
Ու ձեռքն է զցել կոտրած հրացանին:



Արնոտ դաշտերում ծղրիդն է ծղրում,
Հայդուկն է ընկել մահվան խոր քնով.
Հայդուկը հոգում երազ է տեսնում,-
Հայրենի աշխարհն ազա՛տ, ապահո՛ւյ...

Տեսնում է... արտում հովն է շնկշնկում,
Փայլուն գերանդին, զնգո՛ւմ է անուշ,
Ու փոցխ են քաշում սիրուն աղջկունք
Հայդուկի վրա երգելով անո՛ւշ...

Սալն ձորերում ամպեր են անցնում,
Հայդուկի վրա արծիվն է գալիս.
Ա՛խ, սև աչերը արծիվն է հանում.
Հայդուկի վրա ամպերն են լալիս...

ՀԱՅՐԵՆԻՔԻՍ

Յորենի ծփուն արտերի եզրին
Կանգնել, խորհում են սրտիս մեջ լրին.-

Մի՞թե դու չէիր, հայրենի՞ք իմ հեզ,
Որ տայգաներից, մթին յուրտերից,
Հորդացող-եկող ելուզակների
Բյուր նիզակ ու տեզ
Սրտիդ մեջ մխաված՝ ընկել էիր խեղճ
Քառուղու վրա բախվող ազգերի,
Դաժան դարերի մղձավանջի մեջ,
Սմբակների տակ խոլ նծույզների.
Եվ արում էին ճիչով խնդազին
Անգղներն իրենց կառուցները վես
Քո արևակեզ ժայռերի վրա՝
Հոշոտելու քեզ...

Եվ սակայն հիմա
Դու նորից ծաղկել, ցնծում ես նորից,
Ելնում է ծուխը խրճիթներից հին,



Ուր մայրքս անուշ օրորել է ինձ,
Իմաստավորել մանուկ իմ հոգին
Քո հզոր լեզվով, երկիր կաթոզին:
Այնքան ժամանակ, որ պիտի հերկե
Սևահողդ հին քո կտրիճ որդին
Եվ գուսանդ վառ՝ սերդ պիտ երգե,
Դու պիտի ծաղկի՛ս, երկիր հայրական,
Քո ոգով, ոճով և բարձրագլուխ,
Դու պիտի հնչե՛ս, հնչես հաղթական,
Իմ հի՛ն հայ լեզու՝ քա՛ղցր ու սրտաբո՛խ:

ՈՒՎԵՆՆԱՅՈՒՄ

Արարատի ծեր կատարին
Դար է եկել, վայրկյանի պես,
Ու անցել:

Անհուն թվով կայծակների
Մուրն է բեկվել աղամանդին,
Ու անցել:

Մահախուճապ սերունդների
Աչքն է դիպել լույս գագաթին,
Ու անցել:

Հերթը հիմա քոնն է մի պահ.
Դու էլ նայիր սեզ ճակատին,
Ու անցիր...

* * *

Ա՛խ, ինչքա՛ն, ինչքա՛ն կուզեի լինել
Ձինվոր հասարակ.
Հայության բոլոր ոսոխների դեմ կռվեի անդուլ
Անիի հզոր պարիսպների տակ:
Եվ հուր վրեժով



Ձարկեի դարեր, զարկեի դարեր
Եվ բյուր վերքերով . . .
Ընկնեի վսեմ պարիսպների տակ.
Միրոս խաղաղվեր, հանգչեի հավերժ
Անիի անմահ պարիսպների տակ...

ՄԲՈՒ-ԼԱԼԱՄԱՀԱՐԻ

3-րդ սուրահ
(հարված)

Եվ քարավանը Արու-Լալայի
աղբյուրի նման մեղմ կարկաչելով,
Հանգիստ, միաչափ քայլում էր առաջ,
հեզ լուսնկայի շողերի միջով:
Եվ լուսինն, ինչպես ջենների մատող
փերիի կործքը՝ չքնաղ, լուսավառ,
Մերթ ամաչելով պահվում էր ամպում
և մերթ քրքում փայլում էր պայծառ:
Նիրի էին մտել ծաղկունքը բուրյան՝
աղանանդներով, շքեղ զինդերով,
Ծիածանաթև հավքերը իրար
գուրգուրում էին քնքուշ մրմունջով:
Մեխակի բույրով հովն էր շշմշում
հեքիաթներն հազար ու մի գիշերվա,
Արմավն ու նոճին անուշ քնի մեջ
օրորվում էին ճամփեքի վրա:
Հովի գրույցին ունկն դնելով
Արու Մահարին խոսում էր անձայն.-
- Աշխարհն էլ, ասես, մի հեքիաթ լինի՝
անսկիզբ, անվերջ, հրաշք դյուրական:
Եվ ո՞վ է հյուսել հեքիաթն այս վսեմ,
հյուսել աստղերով, բյուր հրաշքներով,
Եվ ո՞վ է պատմում բյուր-բյուր ձևերով՝
անդուլ ու անխոնջ՝ այսպես թովչանքով:
Ազգեր են եկել, ազգեր գնացել



և չեն ըմբռնել իմաստը նրա.
Բանաստեղծներն են հասկացել դույզն-ինչ
և թոթովում են հնչյուններն անմահ:
Ոչ որ չի լսել սկիզբը նրա,
և չի լսելու վախճանը նրա,
Ամեն հնչյունը դարեր է ապրում,
ամեն հնչյունին վերջ, սկիզբ չկա:
Բայց ամեն մի նոր ծնվածի համար
նորից է պատմվում հեքիաթն այս շքեղ,
Նորից սկսվում և վերջանում է
ամեն մի մարդու կյանքի հետ մեկտեղ:
Կյանքը երազ է, աշխարհը՝ հեքիաթ,
ազգեր, սերունդներ՝ անցնող քարավան,
Որ հեքիաթի մեջ, վառ երազի հետ,
չվում է անտես դեպի գերեզման:
Կո՛ւյր ու գուլ մարդիկ, առանց երազի,
առանց լսելու հեքիաթն այս վսեմ,
Իրար կոկորդից պատառ եք հանում
և դարձնում աշխարհն ահավոր ջեհնեմ:

ԼիԼիթ
(հայրված)

... Երբ փոթորիկ էր լինում և սրբիկ, նա տեսնում էր Լիլիթին իր մոտով շեշտակի անցնելիս, և երբ կայծակն էր ճեղքում երկինքը, Լիլիթի հրեղեն սերն էր այդ, որ ճեղքում էր Ադամի հոգին:
Երբ գոցում էր բիբերը, իր սրտի մեջ տեսնում էր Լիլիթի անհուն գեղեցիկ պատկերը, երբ նայում էր աստղերին, աստղերի մեջ տեսնում էր Լիլիթի աչքերը և անհուն արևի մեջ՝ ամբողջ Լիլիթին...
Եվ երբ ճիգ էր անում Լիլիթին մոռանալու, գրկում էր հավատարիմ Եվալին, կրծքին սեղմում և համբուրում. նա այդ ժամանակ Լիլիթին էր սեղմած տեսնում իր կրծքին, Լիլիթին համբուրում, Լիլիթին զգում, միայն Լիլիթին...
Եվ ապրեց Ադամ՝ սպասելով ու տենչալով միշտ Լիլիթին, և մեռավ Ադամ՝ հառաչելով ու երազելով միմիայն Լիլիթին:



ՄԻԱՍԱՆԹՈՒ ԳԱՂԱՓԱՐԻՆ

Արևին հուրն քեզ ընծա,
Ընծա բերին արյունն իրենց գարունին,
Ոսկորներու կուտակումներ կնդրուկի պես վառեցին,
Արցունք և ցավ, ցասում և հույս ծով առ ծով
Եկան հոսիլ ոտքերուդ տակ...
Ո՛վ գաղափար, ո՛վ դյուցազուն, ո՛վ հսկա:
Հովերուն հեքն ու մրրիկներն իբրև թև՝
Մեզ ընծայեց բնությունն ազատագութ,
Եվ ժամեժամ հաղթությունը քեզ տվավ,
Աստվածեղեն անմահություն մարմարյա...
Եվ երբ օր մը զենիթեն մտույզին վրան բարբարոս,
Ամեհորեն նպատակիդ արշավեցիր,
Մտածումիդ մեծությանն ի խնդիր՝
Մարտիրոսված մեռելներն հանկարծ նորեն բարձրացան
Ու իրենց ոսկի ոսկորներն ուխտվածի,
Անգամ մը ևս աչքիդ առջև փշրել են,
Բոլորը մեկ, ես լսեցի, ըսին քեզի...
- Հառաջացիր, հառաջացիր, գաղափար,
Թեև ճիշտ է, դու հաղթեցիր,
Բայց պարտությունն իբր օրենք
Տիեզերքի ժանտ շրջանին,
Հայուն համար, չարիքին հետ դեռ կսպասեն:
Եվ կաղերսենք մենք քեզի, որ՝
Կամքերում կարմիր մուրճը ձեռքիդ մեջ,
Կայծակներու անտառներեն անդադար,
Արարատին կատարներն իբրև սալ,
Դու՛ն՝ ռազմեն հասնող ռազմիկներուդ համար,
Նորեն համառորեն, ոսկիաշեն սուսերներդ դաբբենա...
Եվ քեզ՝ վճիտ Գաղափար,
Մեռյալներեդ խոսք մը ևս...
Խոսքը մը անոնցմե, որ դրոշիդ փառքին համար
Իրենց հոգու արյունը քեզ նվիրեցին.



Մի՛ մոռնար դուն, շեղբերուն վրա սուսերուդ
Կարմիր կամքիդ վճիռն այսպես կայծազրել...
«Արդարության ադամանդի օրերուն,
Ո՛վ անքննելի և եղերական պողպատներ,
Ձիթենիի կանաչագեղ ոստեր եղեք...
Եվ շանթերու, շանթերու, շանթերու պես՝
Պետք է շողաք, պետք է շողաք այն ատեն
Երբ հայ արյունը անմեղորեն օր մը հոսի...»:

ԱՓ ՄԸ ՄՈՒԻՐ, ՀԱՅՐԵՆԻ ՏՈՒՆ

Ա

Ավա՛ղ, ապարանքի մը պես մեծ էիր և շքեղ,
Ու ես՝ երդիքներուդ սպիտակ կատարեն,
Աստղածորան գիշերներու լույսին հետ,
Վերեն ահեղավազ Եփրատին կունկնդրեի...

Բ

Արցունքո՛վ, արցունքո՛վ լսեցի, որ ավերակ առ ավերակ
Քու լայնանիստ պատերդ իրարու վրա կործանեցին,
Սարսափի օր մը, կոտորածի օր մը, օր մը արյունի...
Ձքեզ եզերող պարտեզիդ ծաղկներուն վրա:

Գ

Ու մոխրացա՛վ այն սենյակը կապույտ,
Որուն որմերուն ետև և գորգերուն վրա
Իմ երջանիկ մանկությունս կ հրճվեր,
Եվ կյանքս կ՝աճեր և հոգիս իր թևերը կ՝առներ...

Դ

Փշրեցա՞վ, ուրեմն, այն հայելին ոսկեծիր,
Որուն եթերային խորությանն մեջ,
Երազներս, հույսերս, սերերս և կամքս կարմիր,
Տարիներով, մտածումիս հետ, ցոլացին...

Ե

Ու բակին մեջ երգող աղբյուրը մեռա՞վ,
Ու կտորեցա՞ն պարտեզիս ուռին և թթենին,
Եվ այն առվակը, որ ծառերուն մեջեն կհոսեր,
Ցամքեցա՞վ, ըսե՛, ո՞ր է, ցամքեցա՞վ, ցամքեցա՞վ...

Զ

Օ՛, այն վանդակին կերազեմ հաճախ,
Որուն մեջ գորշագույն կաքավս, առավոտուն,
Արևածագին հետ և վարդի թուփերուն դիմաց
Ջարթնումի ժամուս՝ հստակորեն կ՝կարգներ...:

Է

Հայրենի՛ տուն, հավատա՛, որ մահես հետո,
Քու ավերակներուդ սևին վրա իմ հոգիս պիտի գա,
Որպես տատրակ մը տարագիր,
Իր դժբախտի երգն և արցունքն լալու...

Ը

Բայց ո՞վ պիտի բերե, ո՞վ պիտի բերե, ըսե՛,
Քու սրբազան մոխիրեդ ափ մը մոխիր,
Մահվանս օրը, իմ տրտում դազադիս մեջ,
Հայրենիքս երգողի իմ աճյունին խառնելու...



Ափ մը մոխի՜ր անյունիս հետ, Հայրենի տուն,
 Ափ մը մոխի՜ր քու մոխիրեդ, ո՛վ պիտի բերե
 Քու հիշատակե՞դ, քու ցավե՞դ, քու անցյալե՞դ,
 Ափ մը մոխիր իմ սրտիս վրան ցանելու...

ԱՐՅՈՒՆՔՆԵՐՍ

Ա

Եվ մաքրաթև երագիս հետ միմակ էի, հովիտներուն մեջ հայրենի,
 Քայլերս էին թեթև, ինչպես քայլերը խարտիշագեղ եղնիկին,
 Եվ զվարթությամբ կվազեի, կապույտեն և օրերեն բոլորովին գինով,
 Աչքերս ոսկիով և հույսով՝ և հոգիս աստվածներով լեցուն...

Բ

Եվ ահա բարեբեր Ամառն իր պտուղները զամբյուղ առ զամբյուղ,
 Մեր պարտեզին ծառերեն դեպի հողը և դեպի գիս կ'ընծայեր,
 Եվ ես լռությամբ՝ գեղողեշ ուռիին ներդաշնակ հասակեն,
 Երգերս ստեղծելու համար խորհրդավոր սրինգիս ճյուղը կկտրեի...

Գ

Կերգեի... Արամանդյա առվակն և թռչուններն հայրենագեղ.
 Աստվածային աղբյուրներուն հատակահոս մեղեդիներն անդադրում,
 Եվ առավոտյան զեփյուռը, քրոջական գորովներու այնչափ նման,
 Այս բոլորն իմ երջանիկ երգերուս թոթովումին կձայնակցեին...

Դ

Այս գիշեր երագիս մեջ ձեռքս առի զքեզ, ո՛վ քաղցրախոս Սրինգ
 Շրթունքներս զքեզ ճանչցան՝ ինչպես համբույր մը հին օրերու,
 Բայց շունչս՝ հիշատակներու զարթնումեն, հանկարծորեն մեռավ,
 Եվ երգիս տեղ՝ շիթ առ շիթ, շիթ առ շիթ, արցունքներս էին, որ
 ինկան վար...:



Ա

Սպասումիս և Հույսիս քաղցրությանը հետ մինակ էի այդ
իրիկուն,
Եվ Փրկության ու Տառապանքի նժարովը՝ Հայրենիքին բախառը
կկշռեի...
Երբ հեռակա տանս դուռը, գիշերվան սարսափին մեջեն
ուժգնապես բախեցին.
Եվ ժպտուն՝ ընկեր մը ներս մտավ, շքեղորեն գեղեցիկ,
եղբայրաղեն և ահավոր...

Բ

Երիտասարդ էր: Աշվներուն կայծը երկնքի աստղերեն էր, որ
կծորեր,
Եվ հասակին ձևերը մարմարներու գորություններեն էր
կերտված...
Մտածումը մարդկային արդարության էջերեն հստակորեն
ջահավառյալ...
Ճակտին վրա իրենց ցավի և բարության ծաղկներն ունեին:

Գ

Մտերմաբար քով քովի Հայրենիքին տառապանքեն կխոսեինք,
Իր ծանրախոհ գուլիսը սզավոր կիսաստվածի մը արյունոտ
սրտին կնմաներ...
Նայվածքները նայվածքներուս մեջ նույն ճակատագրին
խորհրդանիշը փնտրեցին...
Եվ մեր տրտում ժպիտները հոգիե հոգի մեղմորեն
ճառագայթվեցան:

Դ

Ժամերով լռին էր: Լռին էլ էի: Հիշատակի հեծեծանքներ մեր
աչքերը թրջեցին



Եվ լամպերիս կապույտ լույսը սեղանիս վրա, այլևս արյուններու
նման վար կթորար...

Տժգունեցա ես՝ ինչպես երագ մը, որ առավոտին երևում են
կանհետի...

Բայց ինք՝ հերոսատիպ և հպարտ, ձեռքս ձեռքին մեջ՝ ոտքի՝ ինձի
ըսավ...

Ե

- «Այս իրիկուն հավատքի և հրաժեշտի իրիկունս է, ընկեր,
Երիվարս թամբած եմ արդեն, և կյանքի ու կովի տենդեն դուռիդ
առջևը կվրնջե...

Եվ, տես՛, հասակես վար անքիծ սուրս մերկ է, մերկությամբը
գերմարդկային վճիռներում:

Ճակատդ շրթունքիս մոտեցո՛ւր... հավատքի և հրաժեշտի
իրիկունս է, ընկեր:

Զ

Եվ դուն սա՛ մաքրափայլ թերթերուդ վրան ցեղին ցավը և ցեղին
ուժը բանաստեղծե,

Ապագա սերունդներուն և մեր անցյալին տխրությանն ի նվեր.

Ես որք մըն եմ և ըմբոստ մը, մնաս բարյա՛վ, կորուսյալներս
փնտրելո՛ւ կերթամ...

Քու երգերեդ երգ մը տո՛ւր ինձ, երգ մը, ես երգելո՛վ կուգեմ
մեռնիլ»:

ՀԱՐՄԻՆ ԵՐԱԶ

- Ու տարիներով մինավորիկ՝ պատուհանիս առջև նստած՝

Ես քու ճամփուդ կնայիմ, իմ սրտահատոր հեռավորս,

Ու այս գրովս կուգեմ քեզի իմ մարմինիս ու մտքերուս

Անտեր սարսուռն անգամ մըն ալ երգելու...

Ա՛հ, մեկնած օրվանդ արեգակը չե՞ս հիշեր,

Արցունքիս չափ առատ էր և համբույրիս չափ հրաշո՛ւնչ,

Խոստումներուդ չափ բարի՛ էր և քու դարդիդ չափ արագ,



Մեկնած օրվանդ արեգակը և աղոթքներս չե՞ս հիշեր,
Երբ ջրի կուժն ես քու ձիուդ շուքին վրան սրակեցի.
Որպեսզի քու առջևեդ ծովերը ե՛տ դառնային,
Եվ ցամաքը ոտքերուդ տակը ծաղկոտեր...:
Ա՛հ, մեկնած օրվանդ արեգակը սև՛ գիշերի փոխվեցավ...
Ու սպասումիս արցունքները տարիներու տարափին տակ,
Աչվներես, այտիս վրան, աստղերու պես հոսելով
Անոնց վարդերն անավասիկ որ այրեցի՛ն...:
Ա՛լ կբավե, քու ծարավեդ ես իմ ծամերս փետտել կուզեմ,
Քու բաժակիդ գինիեն դեռ գինի՛ով...
Ու բացակա պերճ հասակեդ սզավոր:
Հիշատակիդ ետևեն հովերուն պես կհառաչեմ,
Եվ ժամին դուռը ծնկներս խոցոտել եմ,
Արևմուտքին դառնալով՝ կպաղատիմ...

- Ծովերն օր մը ծայրե ի ծայր թո՛ղ ցամաքին,
Ու ակնթարթ մը երկու աշխարհը թո՛ղ իրարու մոտենան...
Այնուհետև արքայության ու արևի ա՛լ պետք չունիմ.-
Վերադարձի՛ր. մեր տնակին սեմին վրա ես քու ճամփուդ
կսպասեմ,
Ձեռքս պարսպ քու ձեռքերեդ, սևերովս քե՛զ կերագեմ...
Վերադարձի՛ր, մեր պարտեզին պտուղներուն պես անուշ,
Մրտիս սերը քեզի համար իր համբույրը կպահե:
Ա՛հ, իմ կաթնաթույր կողերս դեռ մայրություն չի ճանչցան...
Եվ հարսանեկան իմ ոսկեթել քողերովս
Դեռ չի կրցա խանձարուր մը զարդարել...
Ու օրորանի մը առջև նստած դեռ չերգեցի՛, դեռ չերգեցի՛
Հայ մայրերուն մաքուր օրորն երկնային...
Վերադարձի՛ր, ա՛լ կարոտս կատար չունի,
Երբ սև գիշերն այսպե՛ս կուզա իր պատանքները քակել...
Երբ բուերը ակին մեջը իրարու դեմ կվայեն,
Երբ հեծեճանքս կհատնի, և արցունքներս կարյուցին...
Լքված հարսի երագներուս մեջ մենավոր,
Ես իմ ձեռքովս, դևի մը պես, ալ կսկսիմ,
Գլխուս վրան իմ մոտավոր գերեզմանիս հողը մաղել՛լ...»:



ԳՅՈՒՏԻՆՆ ՓԱՌՔԸ

(հայրված «Սուրբ Մեսրոպ» պոեմից)

Մեսրոպ, հայ դարերուն դիմաց կեցող՝
Դուն աղամանդյա ապառաժ,
Դո՛ն մանուկներու մերկ ուղեղեն
Մինչև հանճարը ցուքեր ցանող.
Գիտակցությանց անգյո՛տ փարոս...
Դուն, որուն կոփյուռը կրանին,
Ժամերուն պես, բոպեին հետ անդադար,
Իմացական թանգարանի՛ն արձանները մեզ կձուլե...
Դուն անմինչ հսկող, դուն Տիտանյան տեսնող,
Դուն օրորոցեն մինչ գերեզման,
Մեր մեն մի խոսքին մեն մի շունչին
Գեղեցկաձայն բացատրիչ...
Դուն բարբառի արարիչ, Բանի իշխան,
Դուն անբավ բավիղ տևողության,
Դուն գոյության արգավանդ հայր,
Դուն լույսի անիվ, դուն հավատքի հրավեր,
Դուն հայրենի հողի վրա մրրկին պես բարձրացող
Անտա՛ն անհուն, անտա՛ն սրտի,
Որուն մեն մի հաստատարուն ծառերն հսկա,
Մեկ-մեկ քնար, մեկ-մեկ փանդիռ են մեր շունչին...
Մեկ-մեկ շեփոր մեր հագագին ռազմական,
Մեկ-մեկ պատենշ ճակատագրի՛ պատուհասին...
Դուն հունձք հարուստ, և դուն հնձան հրաշեկ,
Դուն արբեցությանց և գինիի ավազան,
Որուն մեջ ե՛ս ալ ոսկի սափորս եմ մխրճեր...
Արևներու ծարավես խենթ...

Դուն մեծաթափանց նայվածքներով առաքյալ,
Դուն էիր, որ զքեզ ցեղդ այսօրվան,
Հեղիններեն և հաճարեղ և հրավար
Ու աշխարհակալ մեծ Հռովմի որդիներեն
Ու հրապաշտ պարսիկներեն դրացի



Մայր-բարբառիդ հիմնաքարովն հակինք
Հայկազունյաց մեր շառավիղն ազատեցիր...:

Դուն երկրորդ Աստված,

Եվ մտածման դուն առաջին արարիչ...:

Դուն բեղուն բարիք, սրտի՛ աղբյուր:

Գույներու գանձ, գթությանց գահ,

Դուն թռչող դարերն մեկզմեկու կամարող

Կամուրջ անգիծ, ուրկից ցեղդ միլիոններով՝

Կամ պերճորեն կամ վատաբար,

Կյանքեն ի մահ, կուգա կը անցնի...,

Դուն Հելեններեն հռչակված

Մեծատիտղոս Ակումիդ,

Ո՛վ մենակյաց, ո՛վ Մագիստրոս,

Ահավասիկ, երկու Հայքերն

«Օվսաննա՛ քեզ» կզոռան...

Եվ Օվսաննա Վաղարշապատի Հայրապետին՝

Սահակ Պարթև զուգակշիռ արբանյակիդ,

Եվ Վռամշապուհ Արքային,

Որովհետև քու մեծ գյուտիդ գորավիզ

Մեկն իր Խաչին, մյուսն իր Սուրին համազոր

Քու քայլերուդ հետ քալելով

Արարատյան արշալույսին.

Դպրությանց դուռը մեզ բացին...:

Եվ այսօր քու սրբությամբ սնած՝

Ես ապաժաման քնարահար,

Եվ անվճար ու անարժան երախտագետ,

Ես՝ քու ցեղիդ հոգին հայելին քեզ կբերեմ...

Աչքերուս մեջ անոր աչքեն հուր առի...

Ու իմ խոսքերս անոր սրտեն եմ քաղեր,

Եվ ի՛նչ որ կարդաս ճակտիս վրան,

Ի՛նչ որ կարդաս ժպիտիս մեջ,

Անոր Հույսով եմ ես գրած...

Եվ թույլ տուր այսօր, ո՛վ Մեսրո՛պ,

Որ Հայոց հողեն մինչև աստղերը հասնող




Քու ոսկին սանդուխեդ վե՛ր բարձրանամ,
Եվ հաստատաքայլ, աստիճանն աստիճան
Ու պսակն ի պսակ և լույսն ի լույս,
Իբր զավակ մը մտածումիդ,
Ես ի քե՛զ գամ իմ երգս երգելու...

ՄԱՀՎԱՆ ՏԵՍԼԻՔ
(քաղվածք)

Կոտորա՛ծ, կոտորա՛ծ, կոտորա՛ծ...
Քաղաքներուն մեջ և քաղաքներեն դու՛րս
Եվ բարբարոսներն արյուններով կդառնան,
Մեռելներուն ու ոգեվարներուն վրայեն,
Ազոավներուն բազմություններ կանցնին վերերեն,
Արյունոտ բերաններով ու գինովի քրքիջներով...
Ցամաքահով մը կիսամեռները զայրույթով կխեղդե՛ն,
Ու պառավներու անձայն կարավաններ
Շտապով կփախչին լայն ճամփաներեն...
Գիշերին մեջեն արյուններուն ալիքը կբարձրանա՝
Ծառերուն հետ շատրվաններ ուրվագծելով,
Ու ամեն կողմն տակույնով կսուրան հալածված՝
Նախիրները հրդեհվող ցորյաններուն մեջեն...
Փողոցներուն մեջ մորթված սերունդներ կտեսնեմ,
Եվ ամբոխներ անպատմելի սրածութենն դարձող,
Արևադարձային տաքություն մը կբարձրանա
Հրդեհի տված ազնվական քաղաքներեն...

Մտիկ ըրե՛ք, մտիկ ըրե՛ք, մտիկ ըրե՛ք
Փոթորիկին գոչը ծովուն ալիքներուն մեջ,
Կոտորա՛ծ, կոտորա՛ծ, կոտորա՛ծ...
Մտիկ ըրե՛ք, մտիկ ըրե՛ք, մտիկ ըրե՛ք
Մահաձայն ոռնումը զարհուրյալ շուներուն,
Հովիտներեն ու գերեզմաններեն ինձի հասնող,
Օ՛, պատուհանները փակեցեք ու աչքերնիդ ալ,
Կոտորա՛ծ, կոտորա՛ծ, կոտորա՛ծ...:



ՎԱՀԱՆ ԹԵՔԵՅԱՆ

ԵՍ ՍԻՐԵՅԻ

Ես սիրեցի, բայց ոչ ոք
Սիրածներես գիտցավ, թե
Զինքը որքա՛ն սիրեցի...
Ո՞վ կարդալ սիրտը գիտե:

Ամենեն մեծ հրճվանքիս,
Ամենեն սուր վշտերուս
Ներշնչողները, ավա՛ղ,
Զիս չեն ճանչնար այս պահուս:

Սերս կարծես այն գետն էր,
Որ իր հոսանքը անբավ
Առավ լեռան ձյուններեն,
Ու լեռը զայն չտեսավ:

Սերս այն դուռն էր կարծես,
Ուրկե ոչ ոք մտավ ներս.
Ծաղիկներով ծածկված՝
Գաղտնի պարտեզ մըն էր սերս:

Ու եթե սերս ոմանք
Երկինքին վրա՝ անսահմա՛ն
Տեսան ծուխի մի նման,
Կրակն անոր չտեսան...

Ես սիրեցի, բայց ոչ ոք
Սիրածներես գիտցավ, թե
Զինքը որքա՛ն սիրեցի.
Ո՞վ կարդալ սիրտը գիտե...



ՔՈՒ ՀԻՇԱՏԱԿԴ ԱՅՍ ԳԻՇԵՐ

Քու հիշատակդ, այս գիշեր, զիս լալու չափ կը հուզե.
Կարծես մեկնած էր սրտես և գաղտնաբար այս գիշեր
Ետ կը դառնա, իր հին տեղն ու հին զգվանքը կ'ուզե,
Կը սեղմվի գրկիս մեջ, կը բարձրանա կուրծքս ի վեր...

Քու պատկերդ աչքիս մեջ և քու ձայնդ՝ ականջիս՝
Կը քրթռան այս գիշեր, երակներուս մեջ կարծես
Քաղցրահոտ շունչդ է լցված, որ կ'զգվես, կորրե զիս,
Մինչ երեսես ալ կ'անցնին կարծես մատներդ անտես:

Ետ կը դառնան մի առ մի մեր ժամերեն անկորուստ,
Կարավանին հետ աստեղից անոնք կ'ուզա՞ն վերստին,
Հոգիս փարա՛խն բացվող ընդդեմ իր քա՛ղցր հոտին:

Հիշատակովդ, այս գիշեր, կ'զգամ անչա՛փ զիս հարուստ,
Այնչա՛փ բարի, երջանիկ... որ գթությամբ մը անհուն՝
Կը մտածեմ զայն բաժնել երկրի բոլոր խեղճերուն...

Կ'ԱՆՁՐԵՎԵ, ՏՂԱՍ

Կ'անձրևե, տղա՛ս... Աշունը թաց է,
Թա՛ց աչքերուն պես խեղճ խաբված սիրույն...
Պատուհանն ու դուռը գնա գոցե
Եվ դեմս եկո՛ւր մստիլ վեհագույն

Լռության մը մեջ... Կ'անձրևե, տղա՛ս...
Կ'անձրևե՞ երբեմն հոգիիդ մեջ ալ,
Կը մսի՞ սիրտդ և կրողդդա՞ս՝
Խորհելով պայծառ արևին անցյալ,
Դռան մը ներքև գո՛ց ճակատագրին...
Բայց կուլաս, տղա՛ս... Մութին մեջ հանկարծ
Ծանր արցունքներ աչքեդ կը գլորին...:



Լա՛ց անմեղության արցունքը անդարձ,
Լա՛ց չգիտնալով, խեղճ, անզեա տղա՛ս,
Խե՛ղճ որսը կյանքին, ահ, լա՛ց, որ մեծմաս...:

ՏԱՂ ՀԱՅԵՐԵՆ ԼԵԶՎԻ

Քեզ, Հա՛յ լեզու, կը սիրեմ մրգաստանի մը նման...
Մեր Անցյալին քանձրախիտ սովերմերուն մեջ, կարծես,
Մեյ-մեկ պտո՛ղ՝ քու բոլոր բառերդ ինձի կ'երևան,
Որոնց մեջեն կը քալեմ ու կը քաղե՛մ զանոնք ես...

Մրգաստանի մը նման կը սիրեմ քեզ, Հայ լեզու՛...
Մեր հայրենի պալատեն, պարտեզներեն մնացորդ՝
Դալարագեղ դուն պուրակ, որ դիմացար դարերու,
Եվ կը մնաս միշտ առույգ, հին ավիշովդ կենսահորդ...

Ծառերուդ մեջ հովմատուն կ'երթամ խինդով մ'անասահման,
Արմատներուդ, ճյուղերուդ վրա մայելով հիացիկ,
Չարմանալով, թե ինչպե՛ս դուն մնացիր՝ երբ սաստիկ
Քամին քու շո՛րջդ փչեց և տապալեց ամեն բան...
Մեյ-մեկ պտուղ գույնզգույն՝ ամբողջ բառերդ ահա՛,
Հյուքե՛ղ բառերդ՝ զոր որքա՛ն հասունացուցին արևներ,
Բառե՛րդ, որոնք այս պահուս շրթա՛նցս վրա եմ բռներ,
Բառերդ, որ քիմքըս կ'օծեն և կ'սփոփե՛ն սիրտս հիմա...

ՈՌԻՔԵՆ ՈՐՔԵՐՅԱՆ

ԳՆԱ

Հարություն գավակիս

Դյուքված հոգիս բախտեն դժխեմ,
Անապատին մեջ հրայրյաց,
Ա՛խ, ալ չպի՛տի վերատեսնեմ
Չյունն ու մշուշն իմ հայրենյաց:



Եղնիկի պես օր մը երբեք
Հին երկնային բարձունքն ի վեր
Չիպ'տի' սուրամ ու սրտաբեկ
Պիտի հանի'մ հոս կարեվեր...

Ես կը մխամ մինչ կարոտով,
Հոգիիս բոցը չի մարած,
Ու կ'որոնեմ սրտախոռով
Ձյունն ու մշուշն իմ հայրենյաց:

Ամպեր կ'անցնին ծովեն անդին,
Ու փոթորիկը խելահեղ
Կը սլանա որոտագին,
Անդունդներու մեջեն ահեղ:
Ո՞ր կը դիմեն ամպ ու հովիկ,
Երգն ամայքին, հեքն օվկիանին,
Ո՞ր կ'յանքն ու իր տրտում ալիք,
Հին երագներս ո՞ր գնացին:

Երգե՛, հոգիս, երգդ ո՞ր մնաց,
Հանձնեցիր զայն ո՞ր կոհակին,
Միայն մենիկ ու տխրամած
Անբախտները հոս երգ չունին:

Գեթ դո՛ւն գնա, տղա՛ս, դուն որ միասին
Հոս այրեցա՛ր արևներու բոցին տակ,
Որ անտրտունջ բաժանեցիր հետս կյանքին
Լեղի բաժակ:

Սուրա՛, ամպին, փոթորկին հետ հեռացիր
Ամայության կոհակներեն շատ հերուն,
Հորիզոնեն անդին անհուն ու անծիր,
Վեր Տավրոսի լեռներուն:



Գտի՛ր անբիծ ձյունն ու մշուշն հայրենյաց,
Տո՛ւր ճակատըդ ցուրտ սառուցիկ հովերուն,
Ու ջիղերով պողպատի պես ամպամած,
Ողջունե՛ նոր մի գարուն:

Ձիս մի՛ հոգար: Ես քայլերով դողդոջուն
Կրնա՛ն ելլել բաժանումի Գողգոթան,
Դուն հին, մեռած երազներո՛ւս Հարություն,
Փակե՛ աչերս ու զնա՛...

ԱՆԴՐԱՆԻԿ

Մագաղաթն այս կուրծքին վրա թող ծալեն,
Շիրիմն ալ ո՛չ քար ունենա, ո՛չ կոթող,
Եվ որպեսզի հերոսն հանգչի քիչ մ'ատեն,
Բարեկամներ դագաղին վրա նետեն թող
Հայաստանի ափ մը հող:

Արծվի աչքերն իր կիսաբաց մնացին,
Պանդխտության, արտորանքի մը դաժան
Չի դիմացավ սիրտը զարնող հարվածին,
Բոլորեինք զեթ ճակտին շուրջ առնական
Շավարշանի մը շուշան...
Կայծակնաշաղ սուրն՝ իտեալ մարմնացած
Վրիժառու և մշտապես հաղթական,
Դողդոջ բազկով երկարեց Մայր հայրենյաց,
Երբ լքումի, մոռացումի, բաժանման
Մահվան ցուրտը նախազգաց:

* * *

Մագաղաթն այս կուրծքին վրա թող ծալեն
Ուր վերջին Հայրն իր զավակին փառքը վերջին
Դրոշմեց հպարտ, հեծկլտալեն, ժպտալեն,
Եվ ուր հույսերն կը սլանան, կը թռչին
Մեր դարավոր անուրջին...



Շղթայակապ չէին հեծծեր այն ատեն
Մասիս, Տավրոս, ամպածրար (նշավոր),
Կը լսեինք մեր Տիգրիսեն, Եփրատեն
Հայ երգերու շեշտերը գոռ ու հզոր,
Արձագանք մը հին դրախտին...

Եվ հուսացինք ու կը հուսանք տակավին,
Աքսորական կտրեցինք ծովն ու օվկիան,
Ու կսպասենք արդարության երկնային,
Վերածաղկին պիտի ազատն Հայաստան,
Ամայացած Կիլիկիան...

* * *

Արծվի աչերն իր կիսաբաց մնացին,
Շիրիմին խորքը դեպի գեմիք կը դառնան,
Ու կը հառեն աստեղափառ մեր Հայկին,
Կը հարցուցեն, թե գիշերներ բաժանման
Պիտի տևե՞ն հավիտյան...

Փոթորիկներն ըլլան իրեն այցելու,
Ու կայծակներ որոտան գոռ ամպերեն,
Եվ օվկիանին կռիակները մոլորուն
Չայրապաց զարնվելով իրարու,-
Դյուցազնին քո՞ւնն օրորեն...

Եվ դուն, Նվա՛րդ, քույր սգավոր Հայրենյաց,
Շավարշանի քուրերուդ պես փափկասուն,
Հսկե իրեն գերեզմանին մենակյաց,
Համբույրներով արտասվազօծ, դողդոջուն,
Փակե՛ աչերն կիսաբաց...

Փակե՛ աչերն կիսաբաց,
Որ չի տեսնե, թե ինչքան
Անարժան ենք իրեն ու սուրբ Հայրենյաց,
Որ դամբանին շուրջն անգամ
Ամբիության իժը սուլեց ու շչաց...



* * *

Կայծակնաշող սուրն՝ իտեալ մարմնացած,
Նոր քաջերու հզոր բազկին կ'սպասե,
Առանց սուրի չէր Ետովա, կամ Աստված,
Առանց անոր ու վես կամքին պողպատե
Հայն անարժան է նախնյաց...

Մագաղաթն այս կուրծքին վրա թող ծալեն,
Շիրիմն ալ ո՛չ քար ունենա, ո՛չ կոթող,
Եվ որպեսզի հերոսն հանգչի քիչ մ'ատեն,
Բարեկամներ դագաղին վրա նետեն թող
Հայաստանի ափ մը հող...

ԴԱՆԻԵԼ ՎԱՐՈՒԺԱՆ ԱՆԴԱՍՏԱՆ

Արևելյան կողմն աշխարհի
Խաղաղությո՞ւն թող ըլլա..
Ո՛չ արյուններ, քրտինք հոսին
Լայն երակի մեջ ակոսին.
Ու երբ հնչե կոչնական ամեն գյուղակի՝
Օրհներգությո՞ւն թող ըլլա:

Արևմտյան կողմն աշխարհի
Բերրիությո՞ւն թող ըլլա..
Ամեն աստղե ցող կայլակի,
Ու ամեն հասկ ձուլե ոսկի.
Եվ ոչխարներն երբ սարին վրա արածին՝
Ծիլ ու ծաղի՛կ թող ըլլա:

Հյուսիսային կողմն աշխարհի
Առատությո՞ւն թող ըլլա..
Իսկի ծովուն մեջ ցորյանին
Հավետ լողա թող գերանդին.



Ու լայն ամբարն աղուններուն երբ բացվի,
Բերկրութիւն թող ըլլա:

Հարավային կողմն աշխարհի
Պողաբերո՛ւմ թող ըլլա...
Ծաղկի՛ մեղրը փեթակներուն,
Հորդի գինին բաժակներուն.
Ու երբ թխեն հարսները հացը բարի,
Սիրերգութիւն թող ըլլա:

ՆԱՎԱՍԱՐԴՅԱՆ

Հանճա՛րդ Հայկյան, Նավասարդյան սա տոներուն
Արևափառ՝
Ա՛լ վերածնե փլատակներեն և փառագոչ
Զնարդդ առ:

Հանո՛ւն Ույժին, հանո՛ւն Գեղին, մտիր մեհյանն
Աստվածներուն.
Չահը ձեռքիդ՝ բազմեբազին համասփռե
Հուր և արյուն:

Եվ բարձրացուր Անահիտի ծիծերն ի վեր
Բաժակդ նուռ,
Հետո զոհվող քերթողներուն սիրտին վրա
Լեցո՛ւր, լեցո՛ւր:
Զի մենք, հանուն Սերին, Սերմին, քու հին Յեղիդ
Մարմարեն կույս,
Մենք, Չավակներդ օգոստափառ, պիտի կերտենք
Նո՛ր Արշալույս:



Եղեգնյա գրչով երգեցի փառքեր.

- Քեզի ընծա՛, իմ հայրենիք-
Սուսյաց անտառեն էի գայն կարեր...

- Քեզի ընծա՛, հին հայրենիք-
Եղեգնյա գրչով երգեցի քուրմեր.

Ընդ եղեգան փող լո՛ւյս ելաներ:

Եղեգնյա գրչով երգեցի կարոտ.

- Ձեզի ընծա՛, հայ պանդուխտներ-
Ան տարաշխարհիկ բույսի մ'էր ծղոտ...

- Ձեզի ընծա՛, հեզ պանդուխտներ-
Եղեգնյա գրչով երգեցի հարսեր.

Ընդ եղեգան փող ո՛րք ելաներ:

Եղեգնյա գրչով երգեցի արյուն.

- Ձեզի ընծա՛, սուրի զոհեր -
Ան ծլած էր մոխրի մեջ իբրև կնյուն...

- Ձեզի ընծա՛, կրակի զոհեր-
Եղեգնյա գրչով երգեցի վերքեր.

Ընդ եղեգան փող սի՛րտս ելաներ:

Եղեգնյա գրչով որք տունս երգեցի.

- Քեզի ընծա՛, հայր ալեհեր -
Յամբած աղբյուրներեն մեր գայն հոտեցի...

- Քեզի ընծա՛, մայր կարեկեր-
Եղեգնյա գրչով օճախս երգեցի.

Ընդ եղեգան փող ծո՛ւխ ելաներ:

Ու պայքա՛ր, պայքա՛ր, պայքա՛ր երգեցի.

- Ձեզի ընծա՛, հայ մարտիկներ -
Գրիչս եղավ անթրոց սրտերու հնոցի...

- Ձիզի ընծա՛, քաջ մարտիկներ -
Եղեգնյա գրչով վրեժ երգեցի.

Ընդ եղեգան փող բո՛ց ելաներ:



ԴԱՐՁ

Ես հեռավոր տնակ մ'ունիմ՝
Շինված լիճին ափն ամայի:
Դուռը բաց է. - հոն մտերիմ
ճրագս է վառ ու կնայի:

Անկե մեռել մ'հանեցին դուրս.
Աքսորեցին հոգիս անկե:
Այժմ շեմին վրա կատուս
Աղիողորմ կնվալե:

Օր մը նորեն դառնամ գուցե,
Մարած գտնեմ ճրագս հավետ.
Դողողջ ձեռքս դուռը գոցե,
Ու լամ լացող կատուիս հետ:

ԱՌԿԱՅԾ ՃՐԱԳ

Հաղթանակի գիշերն է այս տոնական.
Հա՛րս, եղ լեցուր ճրագին:
Պիտի դառնա կռիվեն տղաս հաղթական.-
Հա՛րս, քիթը ա՛ն պատրույզին:

Մայլ մը կեցավ դրան առջև, հորին քով.
Հա՛րս, վառե՛ լույս ճրագին:
Տղաս կու գա ճակատն հպարտ դափնիով.
Հա՛րս, բե՛ր ճրագը շեմին:

Բայց... սայլին վրա արյո՞ւն և սո՞ւզ բեռցեր են...
Հա՛րս, ճրագդ ասդի՛ն երկարե:
Հերոս տղաս հոն զարնվա՛ծ է սրտեն.
Ա՛խ, հարս, ճրագդ մարե՛...



ԼՈՒՄՆԻՆ

Ճերմակ լուսին, ո՞ր կերթաս...

- «Հյուղակներուն խավարին
Կտանին շողը լուսին»:

Գնա՛, լուսին, դյուր կ'երթաս:

Գոհա՛ր լուսին, ո՞ր կ'երթաս...

- «Դուլերուն մեջ արծաթի
Կտանեմ կաթ հիվանդի»:

Գնա՛, լուսին, դյուր կ'երթաս:

Լռիկ լուսին, ո՞ր կ'երթաս...

- «Կերթամ բերել ես քեզի
Յարիդ խոստումը կույսի»:

Լուսին, լուսին, զո՛ւր կերթաս:

ԱՌԱՋԻՆ ԾԻԼԵՐ

Չեղուն ավիշն հողերուն տակ պայթեցուց

Մերմերն: Արտերս այս գիշեր

Կանաչցներ են լուսնկային տակ գարնան...

- Մայրիկ, ինձի ծիլ սը բեր,

Քրտինքիս ցողը վրան:

Կատաղորե՛ն, կատաղորե՛ն հորդեր են

Տե՛ս, ցորեններն աղածրի:

Դաշտերն հագեր են գնրոխտե պատմունճան...

- Քույրիկ, ծիլ սը բեր ինձի,

Եգիս շողիքը վրան:

Կփողփողին արտավարե արտավար

Կարծեպ կանանչ մոմիկներ:

Ամեն ընձյուղ մարգրիտ մ'ունի իր բերանն...

- Հոտահ, ինձի ծիլ սը բեր,

Արևուն շողը վըրան:



Կգարդարե ամայությունը հողին
Մատղաշ ծաղիկը հացի:
Կանանչին մեջ կոշտերը թուխ կլողան...
- Հարսնուկ, ծիլ մը բեր ինձի,
Մատնեբուդ բույլը վրան:


Ծիլ արտերուս մեջն է ծլեր նշենիս,
Հոն միսմինա՛կը ծաղկեր...
- Մայրիկ, քույրիկ, հոտա՛ղ, հարսնուկ սիրական
Բերեք անկե ծաղիկներ,
Բերեք վարդագույն ծաղիկներ,
Հնձվորիս հո՛ւյսը վրան:

ՅՈՐՅԱՆԻ ԾՈՎԵՐ

Հովեր կանցնին.
Ու ցորյաններս հուշիկ-հուշիկ կարթըննան.
Իրենց խորքեն կը հոսի դողի մ'անսահման:
Գեղադալար կողերն ի վար բլուրին
Ծովեր կ'անցնին:

Հովեր կ'անցնին.
Այնքան կհորդի, կը կատոյի դաշտը հուտքի
Որ պիտի հոն արածող ուլը խեղդի:
Գոգին մեջեն ալետատան հովիտին
Ծովեր կ'անցնին:

Հովեր կ'անցնին.
Ու ցորյանին պատմուճանները ծփուն
Մերթ կը պատռին, մերթ կը կարվին փողփողուն:
Սովերին մեջ, լույսերու մեջ փրփագին
Ծովեր կ'անցնին:



Հովեր կ'անցնին.
Զմրուխտներով կը ծփա դաշտը անհուն:
Ծիտը կ'երգե քառած հասկի մ'օրորուն՝
Մինչ իր տակեն ցորյաններու մոլեգին
Ծովեր կանցնին,
Հովեր կ'անցնին:

ՀԱՄՈՒՆ ԱՐՏ

Արտս ոսկու՞ն է...
Նման բոցերու
Յորենն է բռնկեր՝
Առանց այրելու:

Արտս ոսկու՞ն է...
Երկինքն է կրակ.
Հողը խորխուլած
Ծղոտներուն տակ:

Արտս ոսկու՞ն է...
Քառաշար հասկեր
Քառաշար սաթով
Արև են հագեր:

Արտս ոսկու՞ն է...
Բոռ, մեղու, պիծակ
Քիստերուն մեջեն
Կ'անցնին զերդ փայլակ:

Արտս ոսկու՞ն է...
Մերթ կ'ելլեն, հովեն,
Դեղձանիկ մը քի՛ռ,
Ոսկեծուփ ծովեն:



Օրո՛ր ոսկո՛ւն արտ,
Օ՛ր տուր, հաստ՛ն արտ,
Գամ ոսկիդ հնձեն
Մանգաղով արծաթ:

ՀՈՒՆՁԸ ԿԺՈՂՎԵՄ...

Հունձք կը ժողվեն մանգաղով,

- Լուսնակը յարս է -

Ակոս-ակոս ման գալով

- Սիրածս հարս է:-

Գլխեբաց են ու բուպիկ,

Անո՛ւշ են հովեր -

Արտերուն մեջ քափառիկ:

- Մազե՛րն են ծովեր:-

Յորեն, կակաչ, կարտուով,

- Կաքավը կու լա -

Կապեցի մեկ նարտուով:

- Ձեռքերն են հինա:-

Հասկերուն մեջ, վերևեն,

- Ասուպը անցավ -

Աստղեր մյուռոն կը ծորեն:

- Դեմքը լուսացավ:-

Քանի՛ խուրձեր շաղերով,

- Վարդենին թաց է -

Ես կապեցի խաղերով:

- Ծոցիկը բաց է:-

Արտըս խոզանով մնաց

- Կ՛երթա՛ լուսնակը -

Դեզերով լեռ են շինած:

-Մի՛ րսս է կրակը:-



Մանգաղս քարին եկավ.

- Յարրս յա՛ր ունի -
- Քարեն լորիկը թռավ:
- Լե՛րդս կ'արյունի:-

ՄԻՍԱԲ ՄԵՃԱՐԵՆՑ **ՉՄՐԱՆ ՊԱՐԶ ԳԻՇԵՐ**

Համբույրիդ, գիշե՛ր, պատուհանս է բաց,
թո՛ղ որ լիառատ ծծեմ՝ հեշտագին
կաթը մեղմահոս լույսիդ տարփանքին՝
ու գով շաղերուդ կախարդանքը թաց:

Պարզ, լուսածածան, հրաշալի՛ գիշեր,
հոսե սրտիս մեջ դյութանքիդ ալիք,
Ճերմակ երագիդ ցայտքերեն մերթիկ
պուտ-պուտ կաթեցո՛ւր հոգվույս սիրաջեր:

Կ'ուզեմ, որ դադրին ձայներն այս պատիր,
ու նեկտարիդ դողն ըմպեմ ես անհագ.
Կ'ուզեմ, որ մեռնի՛ն տիվ ու ժամանակ,
ու դարբիրներուդ իյնամ ծնրադիր:

Ու դարբիրներու՞դ իյնամ ծնրադիր,
այս պաղատագին շարժուձևիս մեջ,
ու մինչ կ'ողողեմ զիս ցուլերդ անշեջ,
աչքերս ալ մռռնալ տակավ այս նանիր:

Յնորաքե՛ր գիշեր, ա՛հ, ընդունե՛ զիս,
ընդունե՛, միստիք ո՛վ անդորրություն,
իմ աղերսակոծ շունչիս սոսավյուն,
և համբույրն անանց, գոր կուտա հոգիս:



Մենյակս է լեցուն հուշքերով աղի
երեկի հովին վայրագ տարփանքին.
ու դեռ կը հծծեն խորշերն ողբազին
ծուխը գրգանքին անոր կատաղի:

Ներս խուժե ուժգին, ցեփս պատուհանս
ու լեցուր խցիկս մինչ կաթոզին
քու սրբությունով իր խորշերն հորդին,
և ես արթննամ վաղնջուց քունես:

Համբույրիդ, գիշե՛ր, պատուհանս է բաց,
թող որ լիառատ ծծեմ՝ հեշտագին
կաթը մեղմահոս լույսիդ տարփանքին՝
ու գով շաղերուդ կախարդանքը թաց:

ՄԻՐԵՐԳ

Գիշերն անույշ է, գիշերն հեշտագի՛ն,
հաշիշով օծուն ու բալասանով.
լուսեղեն ճամփեն ես կ'անցնիմ գինով՝
գիշերն անույշ է, գիշերն հեշտագի՛ն...

Համբույրներ կուգան հովեն ու ծովեն,
համբույր լույսեն, որ չորս դիս կը ծաղկի,
այս գիշեր Տոն է հոգվույս՝ Կիրակի՛,
համբույրներ կուգան հովեն ու ծովեն:

Բայց լույսն իմ հոգվույս քիչ-քիչ մը մաշի՛,
շրթունքս են ծարավ միակ համբույրին...
ցնծագին գիշերն է լույս ու լուսին՝
բայց լույսն իմ հոգվույս քիչ քիչ կը մաշի...



ԱՔԱՍԻԱՆԵՐՈՒ ՇՈՒՔԻՆ ՏԱԿ

Ծաղիկներեն հուշիկ թերթեր կը թափե
բուրումներով օծուն հովիկն իրիկվան,
հոգիներուն կ'իջնե երազ մը բուրյան,
ի՛նչ հեշտին է մթնշաղն այս սատափե:

Աքասիաներ, զինով լույսե ու տապե,
օրորվելով մաքուր շունչ մը կը հեան,
մինչ կը ձյունե ծաղիկն իրենց հոտեան՝
գոր խղաքար հովը գրկել կը շտապե:

Ու լույսն անոնց, անխոս հուրի՛ դյութական,
հմայագեղ ու վարսքերով արծաթե,
շատրվանին կ'իջնե, գուռին մեջ կաթե:

Չուրը ցայտքեն ծաղիկ-ծաղիկ կը կաթե,
վճիտ, ինչպես լույսե արցունքը մանկան,
նվազն անոր կը հեծեծե հեշտական:

Ծաղիկներեն հովը թերթեր կը թափե...

ԿԻՐԱԿՄՈՒՏՔ

*«...Եկեալքս ի մտանել արեգականն
տեսաք զլոյս երեկոյիս...»*

Հուշիկ փախչող իրիկվան ծիրանի լույսն է զվարթ...
ուսկի թելեր՝ պլված խունկի թավիչ մշուշին.
կապուտ ծոպեր, ծիածան, ծփուն ձայներ, միստի՛ք վարդ,
լուսե արցունք մոմերու, որոնք հանդարտ կը մաշին:

Խունկի ծարավ իմ հոգիս կը ծծե պահն այս հանդարտ,
ուսկեկրակ աչքերով բուրվառներն երբ կը ճոճին.
պակուցում մը հոգեգրավ հոն կը թողու զիս անթարթ,
կը զգամ համբույրն՝ իմ հոգիս պարուրող բիլ մարմաշին:



Մեղեսիկի երանգներ կօծեն պարույրը խունկին.
խորհուրդին եմ ծնրադիր բազուկներս խաչանիշ՝
ու կսպասեմ, որ ծագի հոգվույս պայծառ կիրակին...
Ջահերն հիմակ կերագե՛ն համակ գյումրյութ ու թարշիշ...
Կամարներեն, խորանեն կը ծագին լույս ու ծիծաղ.
Հոգիս քիչ-քիչ կը թաղվի անուրջին մեջ այս չքնաղ:

Հուշիկ փախչող իրիկվան ծիրանի լույսն է զվարթ...

ՆԱՎԱԿՆԵՐԸ

Նավակներ մեկնեցան ամենն ալ, բաղձանքով ակաղձուն.
Հեռացան ամենն ալ՝ ծրփանուտ Երագիս ավիունքեն.
Անձուկին բոցը զիս պաշարե՛ց. Մպասման հիվա՛նդն եմ.
Հոգեսարս դողերով և հուրքով միշտ ցայգերն են հղի.
Գիշերներն ես համբուն կը սպասեմ ծիրանի այն դարձին.
Ու ցայգուն ալ կ'անցնիմ ավագուտ ավիունքեն՝ դողահար՝
Սրտաթափ ու խանդոտ երագի կայծերով առլցուն:
Դարձուցե՛ք նավակներս հողմավար, ջրանու՛յշ պայիկներ,

Դարցուցե՛ք նավակներս դյուրավար, իրիկվա՛ն հովիկներ...

ՎԱՅՐԿՅԱՆ

Թույլ շրշյուն մը, հետո բույր մը մըշկենի,
և համրագին գիրքը ձեռքես կ'իյնա վար,
երագներու պերճուհին է, որ կ'անցնի
ու կը փոթի ծովակն հոգվույս՝ մեղմավար:

Ու կը փոթի ծովակն հոգվույս՝ մեղմավար,
Եվ ալիք մը թևը բացած կը վագե
գրկել ավիունքն իղձիս ոսկե ավագե:

Ո՛վ քաղցրությունը նայվածքին իր ծաղիկ,
ո՛վ պերճությունը գնացքին իր հպարտ,



ճամփուն վրա՝ իր քայլերուն հետքը վարող՝
ուր հեշտորեն կը հաճի դեռ իմ մենիկ

սիրտս՝ բո՛ց մը՝ մթնշաղի՛ն մեջ անհետ...

ՁՐՏՈՒՔ

Շավարշ Միսաքյանին

Հոյ-հո՛յ, գետը կը թորջե ցայգուն քամակն արծաթված,
իր հորձքին մեջ ծեծելով անդուլ խարակն ու խութեր,
հոյ-հո՛յ, առուն հորդառատ դալարին ծոցն է նետվեր
գաղջ տարփանքովն իր ջուրին՝ ուր արևը կ'ապրի դեռ:

Հակուրջի մը առկախած գյուղակն անդին կ'օրորեն
անրջական հյուսվածքով խումբ մը ժայռի ստվերներ.
վանքին բակը՝ կ'աղոթեն հսկա ծառեր տարորեն՝
որոնց տամուկ շուքին մեջ Աստվածամարն է կայներ:

Ու գյուղակին դեմ նստած, երիտասարդ ու պչրոտ,
պարտեզները՝ վերեն վար վազող ջուրին կը սպասեն.
ա՛լ հափրացած խոլ գետին անարգավանդ դարբասեն,
ու լությունը խածնող լուտանքներեն արհավրոտ:

Գիշերային ջրտուքի ժամն է. լուսին մեջ կայնած
մշակն անքուն կը սպասե՛, ոտքը բռայիկ. բահն ուսին.
պարտեզներուն վրա կ'իջնե թեթև քողք մը միզամած,
ու ծղրիղներ՝ լուսնակով արբշիո՛ւ անվերջ կը խոսին:
Ու կ'երկարի լուսարծաթ ժապավենն այդ բարբառին,
ինչպես փախչող ասուպի կոթունները կաթնավետ.
ավազին վրա ջուրերու կ'իյնա շառաչը վետվետ,
խարույկները՝ ոսկեբաշ՝ ուրեք-ուրեք կը վառին:

Հոյ-հո՛յ, առուն կը հասնի ցանկապատին քովերեն,
և երգի քուղ մը կուգա պլլված իր գոտիին.
սյուք մը կ'անցնի, տերևներ ծափ կը զարնեն ցնծագին,
վարեն ջուրը կը խայտա, կը խնդա լույսն ալ վերեն:



Թումբերն անդուլ կը բացվին, ջուրն անդադար կ'ոռոզե
վարդենիքը, թըթաստանն և ածուները բոլոր.
բահի երկու հարվածով նայիս առուն կը թեթե
օձաճապուկ ձևերով հեղուկ իրանն իր ոլոր:

Ջուրն անընդմեջ կը հոսի, ածուները կը լեննան,
ու, դարձուցե՛ք, կը կանչե ծեր մը մութին ընդմեջեն.
խիճերուն ու սիկին մեջ, բահերը՝ խո՛ւլ կը հնչեն,
ու, դարձուցե՛ք, դարձուցե՛ք, կը կոչե ձայնն անխափան:

Աղջնակ մը, արիշին տակ նստած, շե՛ր կը կանչե,
որ հոգնաբեկ մշակին օրորի մը պես կու գա.
հողը ծծեց ջուրերուն տարփանքն՝ որ դեռ կը հնչե
և հիմա՝ թա՛ց՝ կը խոկա իր երկունքին ապագա:

ԸԼԼԱՅԻ՛, ԸԼԼԱՅԻ՛

Իրիկունը

Սա իրիկունն ըլլայի ես,
Եվ հպեի ճակտին ամեն անցորդին.
Չքնադագեղ ու նվաղուն համուրդի
Սա իրիկո՛ւնն ըլլայի ես:

Սա իրիկունն ըլլայի ես,
Լի երգովը թռչուններուն, մարդերուն,
Ու տարրերուն աղաղակովը տրոփուն՝
Սա իրիկո՛ւնն ըլլայի ես:

Սա իրիկո՛ւնն ըլլայի ես,
Թույլ, նագենի, շղարշային, վարդաբույր,
Ու ծփայի գերթ ոսկեսար վարագույր
Վրան ամեն հոգիի:

Սա իրիկո՛ւնն ըլլայի ես,
Լի զանգակին դողանջներովն երկնաճեմ,



Խնկապատար, օծուն, ջահված ժամի պես
Սա իրիկո՞ւնն ըլլայի ես:

Սա իրիկո՞ւնն ըլլայի ես,
Իմ անդորրիս մեջ ոգևար աղջկան
Մարող ճրագին բոցեր տալու իմ ցուքես.
Սա իրիկո՞ւնն ըլլայի ես:

Սա իրիկո՞ւնն ըլլայի ես,
Լի գոռ ծովափն օվկիանի ջուրերուն,
Մյուքին ծաղիկ մեղեդիքովն ակաղձուն,
Սա իրիկո՞ւնն ըլլայի ես:

Սա իրիկո՞ւնն ըլլայի ես,
Որ կը մարի սատափ բարձին վրա ցայգուն,
Թոթափող վարսքը գունագեղ ու ծփուն,
Սա իրիկո՞ւնն ըլլայի ես:

Սա իրիկո՞ւնն ըլլայի ես,
Համայնական, չքնաղ, քաղցրիկ, լուսագես,
Եվ ամենուր տայի հուրքես, ոսկիես:
Սա իրիկունն ըլլայի ես:

ՏՈՒՐ ԻՆՉԻ, ՏԵՐ...

Տո՛ւր ինձի, Տեր, ուրախությունն անանձնական,
ծաղիկներու պես զայն ժողվեմ ճամփուս վրան՝
նայվածքներուն մեջ ամենուն և ամեն օր:

Տո՛ւր ինձի, Տեր, ուրախությունն անանձնական,
և ես հանգույն երփնալուցկի վառվող մանկան՝
զայն լուսաժպիտ տեսնեմ ուրիշ դեմքի մը վրան:

Տո՛ւր ինձի, Տեր, ուրախությունն անանձնական,
ժողվե՛լ՝ հոգույն մեր ծերերուն, կույսին, մանկան,
պարզ մարդերուն՝ գեղջուկներուն ու բանվորին:



Տո՛ր ինձի, Տեր, ուրախությունն անանձնական,
ժողվել՝ հոգվույն մեջ ամենուն, համայնական
հոգվույն ամեն մասնիկներուն մեջ՝ ամեն ժամ:

Ճամփաներեն ու գետերեն ու դաշտերեն,
անտառներեն ու լեռներեն ու ձորերեն,
տանիքներեն ու տուններեն ու դուռներեն՝
Տո՛ր ինձի, Տեր, ուրախությունն անանձնական...

ՌՈՒՔԵՆ ՍԵՎԱԿ

ԻՆՉՈ՞Ւ

Ինչո՞ւ, ինչո՞ւ զիս սիրեցիր,
Փոքրիկ աղջիկ, քեզի մե՛ղք էր.
Փոքրիկ ծոցիդ թիթե՛ռ պետք էր,
Դուն ծեր արծի՛վ մը բանտեցիր...

Կապույտ աչվիդ երբ որ բացիր,
Կապու՛յտ աղջիկ՝ պլպույն երգե՛ր.
Քե՛զ ալ սիրո մրմունջ պետք էր,
Դուն գուժկան մռունչս ընտրեցիր...

Ես կերթամ մի՛շտ, անձայրածի՛ր
Դամբաններ են ոտքիս հետքե՛ր.
Քեզ սիրո մեղմ սյու՛ք մը պետք էր,
Դուն փոթորկի՛ն կուրծքդ բացիր...

Կայրի՛ր աչերըդ սևածիր,
Պիտի մեռնիս, այդպես մ՛երգե՛ր.
Քեզի փոքրիկ սեր մը պետք էր,
Դուն Սե՛ր-Աստվածը սիրեցիր...



ԱՆԿԱՐԵԼԻ ՍԵՐԸ

Ես այգերով ու ցայգերով
Հաճախ մենակ կ'անրջեմ,
Անհնարի՛ն, երկնագորո՛վ
Սերը մը, որուն տերը չեմ...

Այրող աչքերս քուն չունին,
Կը տեսնեմ մերթ մեզի պես
Ձույզ մը աչեր, որ գույն չունին,
Բայց կ'սպաննեմ տեզի պես...

Գոյակի մեջ իշխանուհի
Աստվածներու արյունեն.
Անկարելի՛, խե՛նթ, ամեհի՛
Համբույրներ, որ արյունեն...

Կ'ուզեմ մեռնիլ դյուցազնային
Սիրո մ'համար աղջկա,
Հետո աչերս վար կը նային՝
Ո՞ր է այն Սերն, ա՛խ, չկա՛...

ԵՐԹԱՂ...

Երթա՛լ, երթա՛լ, երթա՛լ անձայն, անհանդես,
Երթա՛լ առվին պես՝ մարգերու տակ անտես.
Կապույտին մեջ՝ հեզ, հողմավար ամպին պես...

Երթա՛լ, առա՛նց գիտնալու, թե դեպի ո՞ր.
Երթա՛լ,՝ հեռո՛ւ ոստաններեն այս տխուր.
Երթա՛լ, խավար գիշերին մեջ թաքթաքուր...

Երթա՛լ, երթա՛լ, երթա՛լ արանց ճրագի,
Երթա՛լ՝ առա՛նց սուգի, լացի, փափաքի.
Երթա՛լ՝ առա՛նց սովի, առա՛նց պապակի...



Երթա՛լ՝ մարդոց կույտին մեջեն լռելյայն.
Օտար մնալ իրենց Յավին, Գիտության,
Երթա՛լ տգե՛տ, խո՛ւլ, համր, կույր հավիտյան...

Աննյութանա՛լ, անրջանա՛լ, վսե՛մ, վե՛ս,
Երթա՛լ անցա՛յգ, անա՛յգ երթա՛լ վերջապես,
Աչքերը գո՛ց, ցայգաշըրջի՛կ խեղճի պես...

Զգիտենա՛լ, որ հոս Իտեալը չիկա...
Ուխտագնա՛ց երթալ ափերն հեռակա,
Դեպի ուղին Երջանկության մշտակա...
Երթա՛լ, երթա՛լ, չճանչնալ Մա՛րդ ու Աստվա՛ծ,
Ձո՛ւյգ երթալ՝ ձեռքդ քու՛յր ձեռքի մեջ դրած
Անրջանքի՛ն ու Միրույն պես - արտրվա՛ծ...

ԻՆՉՊԵՍ ԵՐԲԵՄՆ...

Քերթո՛ղ, պատմե՛ մեզ հայրենի հուշքերեդ,
Երգե մեզ հի՛ն օրերու երգ մը անհետ,
Թափառական թրուպատուրի երգ մը գո՛վ,
Արբշիռ ու գո՛վ մեր Գողթանի ողկույզո՛վ:
Մեռելի շեն երգ մը հանե թոքերեդ.
Հի՛ն, կռապաշտ ա՛յն երգերեն որոնց հետ՝
Մեր ասպագեն քաջերն արույր թափորո՛վ,
Սաղավարտնին շողացնելով, ջահերո՛վ,

Արքայական հանդեսներու, վայրա՛գ, վե՛ս,
Կը պարեհին, աստվածներու պարին պես...
Երգե՛ մեզի հին օրերու հի՛ն հուշեր.

Մենք դարավոր մեր Մահացումին այս գիշեր
Պիտի պարենք եղեռնորեն շե՛ն, խելա՛ռ...
- Քերթողը, ծե՛ր, չխոսեցավ: Ան կուլար...



ՎԱՀԱՆ ՏԵՐՅԱՆ

ՏԵՐՈՒԹՅՈՒՆ

Սահուն քայլերով, աննշմար, որպես քնքուշ մութի թև,
Մի ստվեր անցավ ծաղիկ ու կանաչ մեղմիվ շոյելով.
Իրիկնաժամին, թփերն օրորող հովի պես թեթև
Մի ուրու անցավ, մի գունատ աղջիկ ճերմակ շորերով...

Արձակ դաշտերի ամայության մեջ նա մեղմ շնչաց,
Կարծես թե սիրո քնքուշ խոսք ասաց նիհող դաշտերին.-
Ծաղիկների մեջ այդ անուրջ կույսի շշուկը մնաց,
Եվ ծաղիկները այդ սուրբը շշուկով իմ սիրտը լցրին...

ՀՐԱԺԵՇՏԻ ԽՈՍՔԵՐԻՑ

Ոչ տրտունջ, ոչ մրմունջ սզավոր,
Հեռացի՛ր, մոռացի՛ր ինձ հավետ.
Իմ ուղին միշտ մթին, մենավոր,
Կրգնամ իմ դժկամ ցավի հետ:

Իմ ճամփան անվախճան մի գիշեր,
Ինձ շոյող ոչ մի շող չի ժպտա.-
Հեռացի՛ր, մոռացի՛ր, մի՛ հիշիր,
Ինձ այդպես, քրոջ պես մի՛ գթա...

Հուսաբեկ մութ ու մեզ թող լինի,
Իմ վերև թող արև չխնդա.
Լոկ երկունք, լոկ արցունք թող լինի,
Ինձ այդպես, քրոջ պես մի՛ գթա...

ԱՆՋԱՏՄԱՆ ԵՐԳ

Դու անհող նայեցիր իմ վրա
Ու անցար քո խաղով կանացի.



Ես քեզնից դառնացած հեռացա,
Ես քեզնից հեռացա ու լացի...

Իմ հոգին ծովերում անծանոթ
Մենավոր ու մոլոր մի նավակ,
Մատնեցի փոթորկին աղմկոտ.
Հուսաբեկ, թողած դեկ ու թիակ...

Ինձ հեռվից լույս փարոս չի կանչում,
Չի ժպտում ինձ խաղաղ հանգրվան.
Միայն հողմն է տխուր շառաչում,
Անթափանց մեզ-մշուշ է միայն...

* * *

Ինձ թաղեք, երբ կարմիր վերջալույսն է մարում,
Երբ տխուր գգվանքով արեգակը մեռնող
Սարերի արծաթե կատարներն է վառում,
Երբ մթնում կորչում են ծով ու հող...

Ինձ թաղեք, երբ տխուր մթնշաղն է իջնում,
Երբ լռում են օրվա աղմուկները զվարթ,
Երբ շողերն են մեռնում, ծաղիկները՝ մնջում,
Երբ մթնում կորչում են լեռ ու արտ:

Իմ շիրիմին դալկացող ծաղիկներ ցանեցեք,
Որ խաղաղ ու հանդարտ մահանան.
Ինձ անլաց թաղեցեք, ինձ անխոս թաղեցեք.
Լռությո՛ւն, լռությո՛ւն, լռությո՛ւն անսահման...

* * *

Ես չգիտեմ՝ ուր են տանում հեռավոր
Ուղիների ժայպավեններն անհամար,
Ես նստում եմ ճամփի վրա ամեն օր
Ե՛վ աղոթում, և՛ թախծում եմ քեզ համար:



Եվ իմ մոլոր ուղիներում, ո՛վ գիտե,
Գուցե մի օր դու երևա լուսերես.
Գուցե ժպտաս քո խոսքերով արծաթե
Եվ մութ սրտիս նոր խնդության լույս քերես:

Օճանման ոլորումով հեռախոյս
Ինձ կանչում են ուղիները բյուրավոր.
Արդյոք ո՞ր ես, խորհրդավոր արշալույս,
Հանդիպումի երջանկության պայծառ օր...

ՄԹՆՇԱԳ

Ես սիրում եմ մթնշաղը նրբակերտ,
Երբ ամեն ինչ երազում է հոգու հետ,
Երբ ամեն ինչ, խորհրդավոր ու խոհուն,
Յնորում է կապույտի մութի աշխարհում...
Չկա ոչ մի սահման դնող պայծառ շող,
Աղմուկի բեռ, մարդկային դեմք սիրտ մաշող.-
Հիվանդ սիրտդ չի տրտնջում, չի ցավում,
Որպես երազ մոռացումի անձավում.
Եվ թվում է, որ անեզր է ամեն ինչ,
Որ ողջ կյանքդ է մի անսահման քաղցր մինջ...

ԱՇՈՒՆ

Նորից անձրև՝, մշո՛ւշ, ա՛մպ.
Թախի՛ծ անհուն, տխրա՛նք հեզ,
Աշո՛ւն, քեզ ի՞նչ քնքշությամբ,
Ի՞նչ խոսքերով երգեմ քեզ...

Քո մշուշը, քո ոսկի
Տերևները հողմավար,
Դյութանքը քո մեղմ խոսքի,
Արցունքները քո գոհար...



Հարագատ են իմ հոգուն,
Վհատությանն իմ խոնարհ
Ե՛վ թփերը դողդոջուն,
Ե՛վ խոտերը գետնահար...

Ե՛վ քո երգը թախծալի
Իմ սրտի երգն է, կարծես,
Աշուն, քաղցր ու բաղձալի,
Ի՞նչ խոսքերով երգեմ քեզ...

ԱՇՆԱՆ ԳԻՇԵՐ

Չգիտեմ՝ որտեղի՛ց է գալիս
Ջութակի հեկեկանքը տրտում,
Ե՛վ լալիս է անվերջ ու լալիս
Ե՛վ անվերջ ծավալվում իմ սրտում:

Անհույս է այդ երգը, որպես մութ
Գիշերս, աշունքվա.-
Կարծես՝ սուգ են անում և անգութ
Ե՛վ դառը լալիս են իմ վրա...

Այնքան վիշտ կա անհույս այս երգում,
Այնքան դառը տանջանք ու թախիծ,
Ե՛վ անվերջ, հավիտյան է երգում
Հեկեկում այդ երգը այնտեղից...

Ե՛վ ձուլված է արդեն իմ հոգուն,
Իմ բոլոր օրերին է ձուլված.
Տրամություն է իմ շուրջն ու բեկում,
Իմ հոգում է անվերջ սուգ ու լաց...

Ա՛խ, բոլոր կողմերում է թախիծ,
Ամե՛ն տեղ է փռված տրամություն.
Ե՛վ արդյոք որտեղի՛ց, որտեղի՛ց
Սպասեմ ավետիք ու խնդում...



* * *

Ապրելուց քաղցր է մեռնել քեզ համար,
Զգալ, որ դու կաս և լինել հեռու,
Երկրպագել քեզ առանց սիրվելու,
Երազել միշտ քեզ - լինել քեզ օտար...

Ստվերդ փնտրել ամեն տեղ, ուր խենթ
Հոգին կարող է թռիչքով չափել.
Անանց կարոտում անվերջ տառապել
Եվ լինել քեզնից բաժանված հավետ...

Ու գերեզմանում՝ սև հողերի տակ,
Զգալ, որ անցար, և քեզ չկանչել,
Եվ ոչ մի հուշով սիրող չտանջել,
Ու չխռովել բերկրանքդ հստակ...

* * *

Մի՛ խառնեք մեզ ձեր վայրի, արջի ցեղերին,-
Մեր երկիրը ավերված, բայց սուրբ է և հին:

Որպես լեռն է մեր պայծառ տեսել հազար ձյուն,
Այնպես նոր չեն մեզ համար դավ ու դառնություն:

Բարեւոնն է եղել մեր ախոյանը. տե՛ս՝
Անհետ կորել, անցել է չար մշուշի պես:

Ասորիքն է եղել մեր թշնամին. ահա՛
Դաշտ է տեղը, և չկա քար քարի վրա:

Ամբակուռ է մեր հոգին - դարերի զավակ՝
Շատ է տեսել մեր սիրտը ավեր ու կրակ:

Շատ է տեսել երկիրն իմ ցավ ու արհավիրք,
Լաց է այնտեղ ամեն երգ, և ողբ՝ ամեն գիրք:



Գերված ենք մենք, ո՛չ ստրուկ - գերված մի արծիվ,
Չարության դեմ վեեսիրտ միշտ, վատի դեմ՝ ազնիվ:

Բարբարոսներ շատ կգան ու կանցնեն անհետ,
Արքայական խոսքը մեր կմնա հավետ:

Չի հասկանա ձեր հոգին և՛ ծուլ, և՛ օտար,
Տաճար է մեր երկիրը՝ սուրբ է ամեն քար:

Եգիպտական բուրգերը փոշի կդառնան,
Արևի պես, երկիր իմ, կվառվես վառման:

Որպես Փյունիկ կրակից կելնես, կելնես նոր
Գեղեցկությամբ ու փառքով վառ ու լուսավոր:

Արիացի՛ր, սիրտ իմ, ե՛լ հավատով տոկուն,
Կանգնի՛ր հպարտ, որպես լույս լեռն է մեր կանգուն:

* * *

Այնպես անխի՛նդ են և նման լացին
Երգերն իմ երկրի, այնպես տխրագին.
Մեզ չի՛ հասկանա օտարերկրացին,
Մեզ չի՛ հասկանա սառն օտարուհին:

Այն մեղամաղձիկ, լացող, միալար
Ելե՛ջները՝ ներդաշնակ այնպես,
Եվ հարազատ են սրտին մեր մոլար,
Հոգուն մեր բեկված, ավերված, հրկեզ...

Տեսնում են ահա գյուղերը մեր խեղճ,
Եվ բուխ դեմքերն այն տխրության սովոր.
Իմ ժողովուրդը՝ անել վշտի մեջ,
Երկիրն իմ անբախտ և աղետավոր:



Թող հնչե երգն այդ դառն ու ցավածին,
Երգը հայրենի՝ ցավագար ու հին,
Մեզ չի՝ հասկանա օտարերկրացին,
Մեզ չի՝ հասկանա սառն օտարուհին...

* * *

Հայրենիքում իմ արնաներկ
Գիշերն իջավ անլույս ու լուռ.
Այնտեղ, ուր կար այնքան սիրերգ
Ե՛վ վարդի բույր, և՛ սրտի հուր:

Ամեն մի միտք՝ հիմա մի վերք,
Ամեն հայացք՝ հատու մի սուր,
Արնոտ դիերն են համր ու մերկ
Նայում երկինք անգոր ու զուր:
Մի օր ինչ վա՛ն ծաղկեց մոզված
Մեր նաիրյան սիրտը բեկված,
Հրով որքա՛ն խորհրդավոր,
Ահա, որպես ծաղիկ թեքված՝
Մեր հին հոգին համր ու մուր,
Ա՛խ, և անգո՛ր, և անարգվա՛ծ...

* * *

Դու հպարտ չես, իմ հայրենիք,
Տրտում ես դու ու իմաստուն.
Կիզում է քեզ մի հուր կնիք,
Մի հմայող ու հին խոստում:
Եվ մի՞թե այդ վշտիդ համար
Չեն սիրում քեզ այսպես քնքուշ
Եվ խոնարհվում քեզ պես համառ,
Օ՛, հայրենիք դառն ու անուշ:
Չլլացա խնդուն փառքիդ
Անցյալ ու հին փայլով երբեք.-
Միրեցի հեզ, անքեն հոգիդ
Եվ երգերդ մեղմ ու բեկբեկ,



Խեղճությունդ խավար ու լուռ,
Աղոթքներդ դառն ու ցավոտ,
Ջանգալներիդ զարկը տխուր
Եվ խուղերիդ լույսերն աղուտ...

* * *

Մշուշի միջից,- տեսի՛լ դյութական,-
Բացվում է կրկին Նաիրին սրտում.
Ո՞ր երկրի սրտում թախսի՞ծ կա այնքան,
Եվ այնքան ներում - ո՞ր երկրի սրտում.
Որտե՞ղ են քարերն այնպես վերամբարձ
Չեռների նման պարզված երկնքին,
Որտե՞ղ է աղոթքն այնպես վեհ ու պարզ
Եվ զոհաբերումն այնպես խնդագին...
Որտե՞ղ է խոցում այնպես չար ու խոր
Սիրտը մարդկային դաշույնը քինոտ.
Որտե՞ղ է հոգին այնպես վիրավոր,
Եվ անպարտ երկիրն այնպես արյունոտ...

* * *

Մի՞թե վերջին պոետն եմ ես,
Վերջին երգիչն իմ երկրի.
Մա՞հն է արդյոք, թե նի՞նջը քեզ
Պատել, պայծա՛ն Նաիրի:

Վտարանդի, երկրում աղուտ,
Լուսե՛ղ, քեզ եմ երագում,
Եվ հնչում է որպես աղոթք
Արքայական քո լեզուն:

Հնչում է միշտ խոր ու պայծառ
Եվ խոցում է և այրում.
Արդյոք բոցե վարդե՞րդ են վառ,
Թե՞ վերքերն իմ հրահրուն:



Առով ահա կանչում եմ քեզ,
Յուլա՛, ցնորք Նահրի.-
Մի՞թե վերջին պոետն եմ ես,-
Վերջին երգիչն իմ երկրի...

* * *

Չեմ դավաճանի իմ Նվարդին,
Որքան էլ դյութես, օ՛, Շամիրամ.
Որպես արքան այն, մանուկ Արան,
Չեմ դավաճանի իմ Նվարդին:
Որքան փորձանք զա իմ զոհ սրտին,
Որքան էլ փայլդ փարե նրան,
Չեմ դավաճանի իմ Նվարդին,
Որքան էլ դյութես, օ՛, Շամիրամ:

* * *

Բարակիրան նահրուհին ինձ ժպտաց,
Նահրուհին տխուրաչյա ու համեստ.
Այնպես վառ էր լեռնադաստեր դեմքը բաց.
Նայվածքն այնպես հրեղեն ու անարվեստ:
Եվ հյուսիսյան հեռուներում ու ցրտում,
Կարծես ցոլաց իմ նահրյան արևն ալ,
Կարծես բոցե մի վարդ բացվեց իմ սրտում.
Եվ չի կարող արքած հոգիս լուռ մնալ.
Եվ չի կարող սիրտս չերգել այդ անբիծ
Հուրը, որ ինձ ժպտաց այսօր ցուրտ հեռվում.
Այդպես արևն է դուրս նայում մութ ամպից
Իմ նահրյան բա՛րձր, բա՛րձր աշխարհում...

* * *

Հոգնեցի գրքերից անհամար,
Աշխարհից այս խավար ինձ տարեք,
Ինձ տարեք այս երկրից անարեգ:



Ինձ տարեք մեր դաշտերը պայծառ,
Մեր սարերն անառիկ, վեհանիստ,
Մեր արտերն արևոտ ու հանգիստ:

Փրկեցե՛ք մտքերից այս անծայր,
Փրկեցե՛ք խոսքերից այս խելոք,
Դարձրեք ինձ մանուկ և անհոգ:

Փրկեցե՛ք սրերից այս սուրսայր,
Խ որախոց խոհերից իմաստուն,
Մեր սարերը տարեք, տարեք տուն...

* * *

Գինով եմ, գինով եմ ես էլ,
Թեթև եմ, անհոգ, լեզվանի.
Օրորի՛ր մեզ, պանդոկ կարուսեյ,
Օրորի՛ր, օրորի՛ր մեզ, գինի:

Պոետ մի անտեր ու անտուն,
Գիտեմ՝ ես կորած եմ, կորած.
Բայց դեռ երգն իմ երգում է տենդում -
Օ՛, երա՛զ է, երա՛զ ու երա՛զ...

Ի՛նչ քա՛ղցր է նստել այստեղ,
Ժպտալ քո խոսքին սեթևեթ...
Իսկ ներսում իմ, ներսում մի ասեղ
Ասղտում է՝ ննջե՛լ առհավետ...

Պարում ենք, երգում, վետերում,
Սահում ենք եթեր առ եթեր.
Գուցե վաղն իսկ կարդաս թերթերում
Եվ ժպտաս՝ «հանգեալ ի տէր»...



ԿԱՐՈՒՄԵԼ

Պտտվի՛ր, պտտվի՛ր, կարուսե՛լ,
Ես քո երգը վաղուց եմ լսել...

Հեքիաթ էր և հմայք և անծիր
Խնդություն մշուշում վարդագույն,
Դու նենգոտ քնքշությամբ ժպտացիր
Արևոտ ժպիտով իմ հոգուն...

Սիրո խոսք և համբույր և խոստում...
- Արբեցեք այս անուշ համերգում,-
Արդյոք մե՞նք, թե՞ խոսքերն են ստում,
Արդյոք մե՞նք, թե՞ աշխարհն է երգում:

Պտտվի՛ր, պտտվի՛ր, կարուսե՛լ,
Ես քո երգը վաղուց եմ լսել...

Կար հեռու մի երկիր թովչական,
Արև էր ոսկեղեն աշխարհում.
Շողացին, ժպտացին - էլ չկան,
Էլ չկան պատրանքները սիրում:

Եվ թախիծ և տրտունջ և տանջանք,
-Դո՞ւ ես այն, թե՞ աշխարհն է լացում.-
Խավարի՛ր, խաբուսի՛կ անրջանք,
Հեռավոր օրերի հիացում...

Պտտվի՛ր, պտտվի՛ր, կարուսե՛լ,
Ես քո երգը վաղուց եմ լսել...

Կար մի երգ հեռավոր աշխարհում,-
Դու այն երգն ես կրկնում հեռավոր -
«Ես սիրում եմ, դու ինձ չես սիրում»,
Եվ հին են քո խոսքերը բոլոր...



Եվ այն վախը՝ «Անդարձ ժամանակ»,
Ծառուղին ամայի պուրակում,
Ե՛վ գիշեր, և՛ համբույր, և՛ լուսնյակ...
Տաղտկալի՛, ձանձրալի՛ պատմություն...

Պտտվի՛ր, պտտվի՛ր, կարուսե՛լ,
Ես քո երգը վաղուց եմ լսել...

Պարում եմ խելագար խնջույքում,
- Ով կուզե՛ քող գաղտնիքն իմանա,-
Ո՛չ վերջ կա, ո՛չ սկիզբ այս երգում,-
Երեկ՛ ես, այսօր՛ դու, վաղը՛ նա...

Պտտվի՛ր, պտտվի՛ր, կարուսե՛լ,
Ես քո երգը վաղուց եմ լսել...

ՄԻՐԵԼԻ ՊԱՌԲԼՈ ՄԱԿԻՆՅԱՆԻՆ

Եկան օրեր ու անցան, ու ինձ ոչինչ չմնաց.
Հուրե՛ր, հուրե՛ր - ծիածան, ու ինձ ոչինչ չմնաց:

Գարնան անուշ ծաղկանց պես, վարդերի պես հրահրուն,
Հողմով տարված հեռացան, ու ինձ ոչինչ չմնաց:

Ու նոքա որ սիրեցին- սիրտս նրանց չտվի.
Գնացին ու չդարձան, ու ինձ ոչինչ չմնաց:

Եվ նոքա, ում սիրեցի իմ ցավով ու խենթությամբ -
Արեցին ու մոռացան, ու ինձ ոչինչ չմնաց:

Չմեռ իջավ իմ գլխին և՛ ցուրտ, և՛ խոր, և՛ անդորր,
Աղբյուրներս չորացան - ոչինչ, ոչինչ չմնաց...



* * *

Մենք բոլորս, բոլորս
Մանուկներ ենք որք.
Մանուկներ ենք մենք կորած -
Հավիտյան անմայր.
Մենք բոլորս մոլորված
Անտառում խավար...

Մենք նետված ենք բոլորս
Երկիրն այս հեռու,
Կանչում ենք միշտ - ձայն չկա,
Աղոթում ենք - ո՞ւմ,
Ո՞վ կփրկե, ո՞վ կգա,
Որ տանի մեզ տուն...

* * *

Չեռներում Չեր մանրիկ, նվագուն,
Չեր ձայնում, երբ ասում եք «Տերյան»,
Չեր բարակ ժպիտում նաիրյան -
Մի թախիծ կա մեղմած ու թաքուն:
Շուրթերում Չեր մաքուր ու բուրյան,
Չեր պարում՝ հեզանագ ու ճկուն,
Հաշտորեն խոնարհված Չեր հոգում
Նաիրյանն է երգում, հնօրյան...
Երբ կիզում եք Չեր միշտ հրախանդ
Նայվածքի բոցերով մթամած,-
Ուզում եմ օրորել Չեզ կամաց,
Փայվիայել երգերով հնավանդ,
Տխրությամբ հնագանդ ու մեղմած,
Նաիրյան նվագով իմ հիվանդ...



ՇՇՈՒԿ ՈՒ ՇՐՇՅՈՒՆ

Աշնան մշուշում շշուկ ու շրշում,
- Բարդիներն են բաց պատուհանիս տակ,-
Դու ես, որ դարձյալ թախիծով հիշում,
Կանչում ես նորից կարոտով հստակ:

Անտես ու հուշիկ իմ շուրջը շրջում
Ե՛վ շշնջում ես, և՛ անուշ շրշում,
Պայծառ տրտմությամբ ինձ ես անքջում
Ու գաղտնի սիրով սիրում ու հիշում:

Ամպերը ճերմակ երամով անցան
Թռչունների պես,- լուսեղեն երա՛զ,-
Դու ես, որ դարձյալ ժպտացիր անձայն
Ջո հեռու հեռվից, անհայտ ու անհաս:

Ջրերն են անվերջ միգում հեկեկում,
- Իմ սիրտն է լալիս կարոտով անհուն,-
Թվում է, որ դու տխրությամբ անքուն
Ինձ ես որոնում աղոտ աշխարհում:

Ե՛վ ժպտում ես ինձ, ակնարկում քնքուշ
Ու գաղտնի սիրով սիրում ու հիշում,
Ե՛վ շշնջում ես, և՛ շրշում անուշ,
Անտես ու հուշիկ իմ շուրջը շրջում:

* * *

Տեսա երազ մի վառ.
Ոսկի մի դուռ տեսա,
Վրան փերուզ կամար,
Սյուները հուր տեսա:
Տեսա ծաղկած այգին,
Սոսի սուրբ ծառ տեսա,



Մի հրեշտակ անգին
Սոսից պայծառ տեսա:
Երկու բաժակ տեսա,
Ոսկի գինին էր վառ.
Երկու նիզակ տեսա,
Երկու անգին զոհար:
Միրտա խոցված տեսա,
Վերքիս արյունն էր վառ.
Դահճիս կանգնած տեսա,
Ասի՛ արևս ա՛ն...

ՅՆՈՐՔ

Ինձ չես սիրում, ուրիշին,
Ուրիշին ես սիրում դու -
Եվ անգոր է ու չնչին
Քո դեմ տանջանքն իմ հոգու:

Դու անցնում ես ամեն օր,
Անհաս ցնորք իմ հոգու...
Եվ դարձել եմ ես սովոր
Քամահրանքիդ անհատնում:

Քեզ խոնարհ՝ ամեն անգամ
Գլուխ եմ տալիս խոնարհ,
Բայց ես աղքատ եմ այնքան,
Այնքան բշվառ քեզ համար...

Ամենքինն ես, իմը չես,
Ամենքին ես սիրում դու.
Ա՛խ, ոսկով եմ գնում քեզ,
Անհաս ցնորք իմ հոգու...



RESIGNATION

Այսօր գթանք իրարու,-
Խեղճ լինենք ու չամաչենք,
Բախտ չտենչանք ու հեռու
Տարիները չհիշենք:

Լռենք միայն մի մեղմող
Լռությամբ ու հանգչենք,-
Բանանք սրտերս մեռնող,-
Որք լինենք ու չամաչենք:

Միրենք իրար ու ներենք,-
Չնախատենք մեկմեկու,
Էլ չար սիրով չսիրենք,
Անչար լինենք ես ու դու:

Այսօր գթանք իրարու,
Այսօր իրար չտանջենք,
Լինենք անչար և հլու,-
Հեկեկանք ու չամաչենք...

* * *

Չգիտեմ՝ այս տխուր աշխարհում
Ո՞րն է լավ, ո՞րը՝ վատ.
Ես սիրում եմ աչքերդ խոհուն
Եվ խոսքերդ վիատ...

Ես սիրում եմ արտերը ոսկի
Եվ դաշտերը պայծառ,
Ես սիրում եմ խորհուրդն այն խոսքի,
Որ չասիր ու անցար...

Միայնակ՝ ես սիրում եմ նստել
Երեքուն լույսերում,
Ես սիրում եմ երազ ու ստվեր.-
Ես իմ սերն եմ սիրում...



* * *

Սիրում եմ աչքերիդ տխրությունը խորին,
Անաղմուկ խոսքերիդ դաշնակները հիվանդ,
Կուսական ամոթխած փայփայանքդ, որ իմ
Սև օրերն է օրրում խնդրությամբ հնազանդ:

Խոսքերդ կարկաչող, որպես նուրբ մի զգեստ,
Ստվերում են սրտիդ գաղտնիքները սիրում,-
Քու հոգին չի սիրում մերկություն անհամեստ,-
Դու այնպես ես սիրում, կարծես թե չես սիրում:

Հեռավոր երկրի պես հմայող է հոգիդ,
Անուշ են խոսքերդ, ժպիտներդ աղջկա,-
Մանկական անպաճույճ երգի պես միամիտ,
Դյութական, որպես այն, որ չկա, որ չկա...

* * *

Սին խոսքերի մեջ, զվարթ ամբոխում
Շրջում եմ, բայց միշտ հեռո՛ւ եմ, չկան՝
Ապրում եմ թաքուն և իմ հեզ հոգում
Աղոթք եմ անում ցնորք-աղջկան...

Թեզ հետ եմ, բայց միշտ հեռո՛ւն եմ, հեռո՛ւն,-
Մենեմ ես թուլիչ մի առանձնարան,-
Տանջանք է այնտեղ և զոհաբերում -
Եվ թախիծ, և՛ երգ, և՛ աղոթք նրան...

Եվ այնտեղ է նա,- ոչ այս աշխարհում,-
Մաքուր ու պայծառ պատկերը նրա.
Ես տառապանքս բախտ եմ համարում
Ու ծիծաղում եմ ձեր բախտի վրա...

ԵՐԿՈՒ ՈՒՐՎԱԿԱՆ

Ես եմ, դու ես, ես ու դու
Գիշերում այս դյութական,



Մենք մենակ ենք,- ես ու դու,
Ես էլ դու եմ՝ ես չկամ...

Չկան օրերն ահարկու,
Չկա ժամ ու ժամանակ,
Ուրվական ենք մենք երկու՝
Միշտ իրար հետ, միշտ մենակ...

Մտացել ենք անցյալում
Տրտունջ, քախիժ ու խավար.-
Մի ուրիշ լույս է ցուում
Մեղմ ու անուշ մեզ համար...

Ես եմ, դու ես, ես ու դու
Գիշերում այս դյուրական,
Մենք մենակ ենք՝ ես ու դու,
Ես էլ դու եմ՝ ես չկամ...

* * *

Դուրսը ցուրտ է հիմա
Ե՛վ խավար, և՛ մրրիկ,
Այսօր մի՛ հեռանա,
Մոլորված իմ քույրիկ:

Մոլորված իմ քույրիկ,
Հոգնած ու մենավոր,
Դուրսը չար փոթորիկ,
Դուրսը մութ է այսօր:

Թող ցոլա մեղմորեն
Այս հուրը ախարացոց,
Թող, որ մեղմ օրորեն
Քո հոգին ալեկոծ:



Լուսեղեն այն խոսքով,
Որ այսօր ես գիտեմ,
Այն անուշ հրաշքով
Քո սիրտը կդուրսեմ:

Մի կրակ լուսատու
Քո սրտին կնետեմ,
Որ հզոր լինես դու
Կյանքի և մահու դեմ:

Հեռավոր մի փարոս
Կվառենք քո հոգում,
Սև կյանքի ալեկոծ
Խավարում ու միգում:

Դուրսը ցուրտ է հիմա
Ե՛վ խավար, և՛ սրբիկ,
Այսօր մի՛ հեռանա,
Մոլորված իմ բույրիկ:

* * *

Քո աչքերի դեմ իմ աչքերը՝ կույր,
Կա քո հոգու մեջ անթափանց մի մութ,
Քո մութ հայացքում կա մի քնքուշ սուտ՝
Քեզ միշտ թաքցնող մի նուրբ վարագույր...

Փակ են քո սրտի հեռուներն իմ դեմ,
Հավետ քեզ կապված՝ քեզ օտար եմ ես,
Երբ խենթ խնդությամբ փայփայում եմ քեզ,
Ե՛վ սիրում եմ քեզ, և՛ քեզ չգիտեմ:

Փակ են քո սրտի հեռուներն իմ դեմ,
Քո աչքերի դեմ իմ աչքերը՝ կույր,
Քո հոգու վրա կա մի վարագույր,-
Ո՞վ ես դու, ո՞վ ես,- բնավ չգիտեմ...



FATUM

Կախարդական մի շղթա կա երկնքում՝
Աներևույթ, որպես ցավը խոր հոգու.
Իջնում է նա հուշիկ, որպես իրիկուն՝
Օղակելով լույս աստղերը մեկ-մեկու:

Մեղմ գիշերի գեղագանգուր երազում՝
Այն աստղերը, որպես մոմեր սրբազան,
Առկայծում են կարոտագին երազում՝
Հավերժաբար իրար կապված և բաժան:

Ես ու դու էլ շղթայված ենք իրարու,
Կարոտավառ երազում ենք միշտ իրար,
Միշտ իրար հետ, բայց միշտ բաժան և հեռու,
Աստղերի պես և՛ հարազատ, և՛ օտար...

ՀՐԱԺԵՇՏԻ ԳԱԶԵԼ

Ամեն վայրկյան սիրով տրտում ասում եմ ես մնաս բարով.
Բորբ արևին իմ բոց սրտում ասում եմ ես մնաս բարով:

Մնաք բարով, ասում եմ ես, բոլոր մարդկանց՝ չար ու բարի,
Տանջվող ու որբ Ադամորդուն ասում եմ ես մնաս բարով:

Մնաք բարով, ասում եմ ես, ընկերներիս՝ մոտ ու հեռու,
Ոտխներիս՝ չար ու արթուն, ասում եմ ես մնաք բարով:

Երկնի մովին, կանաչ ծովին, անտառներին խոր ու մթին,
Գարնան ամպին լույս ոլորտում, ասում եմ ես մնաք բարով:

Ոսկեշղթա իմ հուշերին, իմ գիշերին, իմ փշերին
Արտույտներին ոսկե արտում, ասում եմ ես մնաք բարով:



Ծաղիկներին դեռ չբացված, դեռ չկիզված հոգիներին,
Մանուկներին վառ-խալտուն, ասում եմ ես մնաք բարով:

Գնում եմ ես մի մութ աշխարհ, հեռու երկիր, էլ չեմ գալու,
Բարի հիշեք ինձ ձեր սրտում, մնաք բարով, մնաք բարով:

* * *

Օ՛, կգան օրեր ավելի տրտում
Ու դժնի, դժնի, առավել դժնի.
Կդառնա հանկարծ բոլորն ապարդյուն,
Օ՛, կգան օրեր ավելի տրտում:
Կլռե տրտունջն անամոք սրտում,
Եվ փոշու նման ձանձրույթը կիջնի...
Օ՛, կգան օրեր ավելի տրտում
Եվ դժնի, դժնի, առավել դժնի...

ՄԱԹԵՎՈՍ ՉԱՐԻՖՅԱՆ ԿԱՐԵԿՅՈՒԹՅՈՒՆ

Պզտիկ աղջիկ մ'ինձի կրսե
Թե զիս խենթի պես կսիրե.
Պզտիկ աղջիկ մը զիս սիրե՛ր...

Գիշերն անհուն իմ աչքերում
Երևի նա դեռ չէ տեսեր.
Պզտիկ աղջիկ մ'ինձի տա սե՛ր...

Երևի դեռ նա չէ նայեր
Հոգվույս խավար անդունդն ի վար.
Պզտիկ աղջիկ մ'ինձի սիրահա՛ր...
Եթե լսեր, թե ոչ մեկ սեր
Այդ անդունդին մեջ կշնչեր՝
Հեք պզտիկը չէ՞ր հառաչեր...
Ուստի եղբոր մը պես ըսի,
Թե լուսնի տակ մարդ կըմսի. - 155 -



«Գնա՛, գնա, մնջե՛», ըսի.

Հետո գացի, հեռուն լացի...

ԲԼՈՒԲԻՆ ՎՐԱ

Եկու՛ր, իմ աղվոր.

Այս գիշեր հո՛վ կա,
Լոկ հոս է անորոր,
Ահ, հավատա՛ որ
Հոգիս կը ցանկա
Ո՛չ թե լուսնկա՝
Այլ անդո՛ւնդը խոր,
Եկու՛ր, իմ աղվոր,
Այս գիշեր հո՛վ կա...
Ծովը հեռավոր,
Տես՛, կը հեկեկա,
Այս գիշեր հո՛վ կա...
Քո՛ւյր, հավատա՛, որ
Հոգվույս մեճավոր՝
Այս գիշեր մա՛հ կա.
Տես՛ կը հեկեկա
Ծովը հեռավոր...

Եկու՛ր, իմ աղվոր:

ԱՆ ՉԷ

Հոգիս կը տանջե
Ջութակ մը հեռու.
Իգուր շութերու
Կը նայիմ - Ան չէ՛...
Ահ, նվազը՛ն այս խոր
Ամառ գիշերվան.



Կարծես թե կուլան
Աստղերը բոլոր...

Իզո՛ւր շուքերու
Կը նային- Ան չէ՛,
Հոգիս կը տանջե
Հոգի մը հեռու...

Հ Ո Գ Ի Ս


Հոգիս պզտիկ աղբյուր մըն է արծաթե,
Գիշերին մեջ գլգլացող ու լացող,
Որ քեն չունի ժայռերուն դեմ, կ'աղոթե,
Ու լուսնակեն կը սպասե լոկ շիթ մը ցող...

Ո՛չ մեկ ուռի՝ ճամբուս վրա ամայի.
Կործանեցան բոլորը մեծ հովերեն.
Հոս-հոն ազռավ մը լոկ ջուրիս կը նայի՝
Բայց ես կ'երթամ գլգլալեն ու լալեն...

Ինչու որ, օ՛, գիտե՛մ, թե օր մը աղվոր
Պիտի գա Կույսըն, անտառներու խորերե,
Ու հակելով ջուրիս վրա մենավոր՝
Պիտի ափին մեջ մարգարիտներս համրե...



ՆՈՐԱԳՈՒՅՆ ՇՐՋԱՆ



ԵՂԻՇԵ ՉԱՐԵՆՑ

* * *

Գիշերը ամբողջ հիվանդ, խելագար,
Ես երազեցի արևի մասին:
Շուրջս ո՛չ մի ձայն ու շշուկ չկար -
Գունատ էր շուրջս՝ գիշեր ու լուսին:

Ես երազեցի արևի ոսկին,
Տենչացի նրա հրաշքը խնդուն՝
Ուզեցի սիրել շշուկն իմաստուն՝
Արևանման, արնավառ խոսքի,-

Բայց շուրջս այնպես գունատ էր, տկար -
Խոսքեր չկային, ու արև չկար...

ՀԱՅՐԵՆԻՔՈՒՄ

Չյունապատ լեռներ ու կապույտ լճեր:
Երկինքներ՝ որպես երազներ հոգու:
Երկինքներ՝ որպես մանկական աչեր:
Մենակ էի ես: Ինձ հետ էիր դու:

Երբ լսում էի մրմունջը լճի
Ու նայում էի քափանցիկ հեռուն-
Չարթնում էր իմ մեջ քո սուրբ անուրջի
Կարոտը այն հին, աստղային, անհո՛ւն:

Կանչում էր, կանչում ձյունոտ լեռներում
Մեկը կարոտի իրիկնամուտին:
Իսկ գիշերն իջնում, ծածկում էր հեռուն՝
Խառնելով հոգիս աստղային մութին...



ԱՆՎԵՐՆԱԳԻՐ

Հիշո՞ւմ ես՝ ինչքան
Սիրում էիր դու
Այն լավ աղջկա
Աչքերը խնդուն,
Գգվանքները հեզ
Այն լավ աղջկա,
Որ սիրում էր քեզ
Ու հիմա չկա...
Հիշո՞ւմ ես՝ անգամ
Այն պահին ահեղ
Ժպիտով կարկամ
Նա դեմքիդ նայեց-
Եվ ասաց քեզ նա.
«Մի՛ լինիր տրտում,
Որ պայծառ մնա
Հուշս քո սրտում...»:

ՀՐԱԺԵՇՏԻ ԵՐԵԿՈՆ

Ձինջ ճախրում են դողանջները հորիզոնից հորիզոն
- Ի՞նչ տրտում է, կապո՛ւյտ աղջիկ, հրաժեշտի երեկոն...

Տրտմություն ու լույս է իջել քո աչքերում, իմ հոգում.
Օրհնենք, օրհնենք այս երկրային հրաժեշտի երեկոն...

Եվ թող հալվեն, ձուլվեն, մարվեն իրիկնային կապույտում
Մեր կույս հոգու իրիկնային սպասումները տրտում:

Եվ զանգերը անըջորեն, հորիզոնից հորիզոն,
Օրհներգելով թող օրորեն հրաժեշտի երեկոն...



* * *

Լուսամփոփի՛ պես աղջիկ՝ աստվածամոր աչքերով,
Թոքախտավոր, թափանցիկ, մարմինի՛ պես երազի,
Կապո՛ւյտ աղջիկ, ակաթի ու կաթի պես հոգեթով.
Լուսամփոփի՛ պես աղջիկ...

Ես ի՞նչ անեմ, ի՞նչ անեմ, որ չմեռնի իմ հոգին,
Որ չմարի իմ հոգին քո ակաթե աչքերում.
Ես ի՞նչ անեմ, որ մնա ծիածանը երեք գույն,
Որ չցնդի, չմարի՛ իմ հոգու հեռուն...

Լուսամփոփի՛ պես աղջիկ՝ աստվածամոր աչքերով,
Թոքախտավոր, թափանցիկ, մարմինի՛ պես երազի,
Կապո՛ւյտ աղջիկ, ակաթի ու կաթի պես հոգեթով.
Լուսամփոփի՛ պես աղջիկ...

* * *

Ինչքա՛ն աշխարհը սիրես ու աշխարհով հիանաս,
Այնքա՛ն աշխարհը անուշ ու ցանկալի կլինի:
Թե ուզում ես չսուզվել ճահճուտները անհունի,
Պիտի աշխարհը սիրես ու աշխարհով հիանաս:

Այնպես արա, որ կյանքում ոչ մի գանգատ չունենաս,
Խմիր թախիծը հոգու՛ որպես հրճվանք ու զինի:
Որքա՛ն աշխարհը սիրես ու աշխարհով հիանաս,
Այնքա՛ն աշխարհը անուշ ու ցանկալի կլինի:

ԱՆՔՆՈՒԹՅՈՒՆ

Դոփում եմ, դոփում եմ, դոփում եմ ձիերը,
Մթի մեջ դոփում եմ, խփում եմ պայտերը,
Պայտերը խփում եմ, խփում եմ հողին.-
Անծա՛յր է գիշերը, անհայտ է ուղին:
Գնո՛ւմ եմ, գնո՛ւմ եմ, գնո՛ւմ եմ ձիերը,
Մոտիկ եմ, հեռու եմ, դոփում եմ պայտերը,



Պայտերը դոփում են քունքի՛ս մեջ հիմա.-
Անհա՛յտ է աշխարհը՝ անցնում է ու մահ...

* * *

Ինչպես երկիրս անսփռի, ինչպես երկիրս բախտագուրկ,
Ինչպես երկիրս ավերակ ու արճաներկ -
Մխում է սիրտս հիմա որք, մխում է սիրտս բախտագուրկ,
Մխում է սիրտս՝ ավերակ ու արճաներկ...

Եվ այս երգերը իմ կարմիր, ա՛խ, այս երգերը իմ կարմիր,
Որ երգում է անսփռի սիրտս կրակուն-
Ինչպե՞ս պիտի արդյոք հնչեն, ա՛խ, այս երգերը կարմիր -
Իմ ավերակ, իմ ո՛րք երկրում...

Ինչպես երկիրս անսփռի, ինչպես երկիրս ավերակ -
Այնպես էլ սիրտս՝ անսփռի, այնպես էլ սիրտս՝ անուրախ,
Վե՛րք է դառնում սրտիս խորքում օրերի փա՛յլը այս հրակ -
Ա՛խ, սի՛րտ իմ՝ բո՛րք ու անսփռի,- երկի՛ր իմ՝ ո՛րք ու
անուրախ...

ՎԱՀԱԳՆ

Փրկությանդ արև՝ Վահագնին տեսար...

Հ. Հովհաննիսյան

Հրդեհի աստված, հրդեհ ու կրակ,
Օ՛, Վահագն արի:- Տեսնում եմ ահա,
Որ ծիծաղում ու քրքջում են նրանք
Արնաքամ ընկած դիակիդ վրա:
Թե մի՞ֆ էիր դու... Եկան, երգեցին
Մի հին իրիկուն գուսանները ծեր,
Որ հզո՛ր ես դու, հրո՛տ, հրածի՛ն,
Որ դո՛ւ կբերես փրկությունը մեր,
Եվ հավատացինք, հարբած ու գինով,
Որ դու կաս՝ հզոր, մարմնացում Ուժի -



Իսկ նրանք եկան՝ արյունով, հրով
Մեր երկիրը հին դարձրին փոշի...
Եվ երբ քարշ տվին դիակո արնաքամ,
Որ նետեն քաղցած ոհմակներին կեր,
Մեր կյանքի հիմերն անդունդը ընկան
Եվ արնոտ միգում ճարճատում են դեռ...

ԱԹԻԼԼԱ

(հասկած)

Հե՛յ, արևմուտքից մինչև արևելք
Պիտի հրդեհեն ու քանդե՛մ հիմա՝
Ես՝ արքա՛, աստվա՛ծ տե՛նդ, դերիք ու մահ,
Ես՝ ճշմարտության խարազանը մերկ:

Եվ թո՛ղ աշխարհի տերերն իմանան
Եվ խոր ըմբռնեն մի վերջին անգամ,
Որ եղե՛լ եմ ես, կլինե՛մ ու կա՛մ,
Ես՝ անհերքելի ու հավերժական...

Եվ թո՛ղ մարդկային ցեղերն առանձին
Հավիտյան հիշեն աղոթքում, երգում,
Որ խոտ չի՛ բուսնի, այլևս այն երկրում,
Որով անցել է Աթիլի հին ձին...

Թող հիշեն նոքա, որ կամքս բռնի,
Քանդումի, հրի իմ ցնորքը հին,-
Երբեք չի՛ ցնդի, երբեք չի՛ մեռնի,
Ոչ որ չի՛ հաղթի արքա Աթիլին...

Գ Ա Չ Ե Լ Ն Ե Ր

Ի՛նչ տրտում են զանգերը, քո՛յր, մայրամուտի,-
Չանգերը թաց ու ցողաբույր մայրամուտի...



Ահա կույսերը գնում են աղոթելու.
Սգահանդես, տրտում թափոր մայրամուտի...

Լուսամփոփի պես կախվել է երկինքը բիլ
Հոգուս վրա, օ՛, սուրբ անդորր մայրամուտի...

Իրիկուն է, քույր,- աչքերդ փակի՛ր,
Հոգնաբեկ, տխուր,- աչքերդ փակի՛ր:

Թարթիչներդ թող չթարթեն միգուն.
Միգամած ու խոր աչքերդ փակի՛ր:

Կոպերիդ տակ թող երագս թաղեն.
Իրիկուն է, քո՛ւյր,- աչքերդ փակի՛ր...

ՄՈՐՍ ՀԱՄԱՐ ԳԱԶԵԼ

Հիշում եմ դեմքը քո ծեղ, մա՛յր իմ անուշ ու անգին,
Լույս խորշոմներ ու գծեր, մա՛յր իմ անուշ ու անգին:

Ահա նստած ես տան դեմ ու կանաչած թթենին
Դեմքիդ ստվեր է գցել, մա՛յր իմ անուշ ու անգին:

Նստել ես լուռ ու տխուր, հին օրերն ես հիշում այն,
Որ եկել են ու անցել, մա՛յր իմ անուշ ու անգին:

Եվ հիշում ես քո որբուն, որ հեռացել է վաղուց,
Ո՞ր է արդյոք հեռացել, մայր իմ անուշ ու անգին:

Ո՞ր է արդյոք հիմա նա, ո՞ղջ է արդյոք, թե՞ մեռած,
Եվ ի՞նչ դռներ է ծեծել, մա՛յր իմ անուշ ու անգին:

Եվ երբ հոգնած է եղել, և երբ խաբվել է սիրուց-
Ո՞ւմ գրկում է հեծեծել, մայր իմ անուշ ու անգին:



Մտորում ես դու տխուր, և օրրում է քթենին
Տխրությունը քո անծիր, մա՛յր իմ անուշ ու անզին:

Եվ արցունքներ դառնադի ահա ընկնում են մեկ-մեկ
Քո ձեռքերի վրա ծեր, մա՛յր իմ անուշ ու անզին...

ՏԱՂԱՐԱՆ Արփիկին

* * *

Ինչքան որ հուր կա իմ սրտում - բոլորը քեզ.
Ինչքան կրակ ու վառ խնդում - բոլորը քեզ.-
Բոլորը տամ ու նվիրեմ, ինձ ոչ մի հուր թող չմնա՝
Դու չմրսես ձմռան ցրտում,- բոլորը քեզ, բոլորը քեզ...

* * *

Էլի գարուն կգա, կբացվի վարդը,
Միրեկանն էլի յարին կմնա:
Կփռվիմ տարիքը, կփռվի մարդը,
Բլբուլի երգն էլի՝ սարին կմնա:

Ուրիշ բլբուլ կգա, կմտնի բաղը,
Ուրիշ աշուղ կասե աշխարհի խաղը,
Ինչ որ ես չեմ ասե - նա կասե վաղը -
Օրերը ծուխ կըլին, տարին կմնա:

Հազար վարդ կբացվի աշխարհի մեջը,
Հազար աչք կբացվի աշխարհի մեջը,
Հազար սիրտ կխոցվի աշխարհի մեջը -
Էշխը կրակ կըլի՝ արին կմնա:

Ուրիշ սրտի համար կհալվի խունկը,
Կբացվի շուշանը, վարդերի տունկը.
Գոգալը լաց կըլի, կընկնի արցունքը.
Գերեզմանիս մարմար քարին կմնա:



* * *

(Հայաստանին)

Հազար ու մի վերք ես տեսել - էլի՛ կտեսնես,
Հազար ու մի երք ես տեսել - էլի՛ կտեսնես,

Աշնան քաղած արտի նման հազար զոհերի
Չհավաքած բերք ես տեսել - էլի՛ կտեսնես:

Գլուխդ չոր քամուն տված պանդուխտի նման
Հազար տարվա հերք ես տեսել - էլի՛ կտեսնես:

Նարեկացի, Շնորհալի, Նաղաշ Հովնաթան-
Ինչքա՛ն հանճար, խելք ես տեսել - էլի՛ կտեսնես:

Քո Չարենցին լեզու տվող երկի՛ր Հայաստան,
Հազար ու մի երգ ես տեսել - էլի՛ կտեսնես:

* * *

Երբ էս հին աշխարհը մտա ես տաղով, սագով-քամանչով,
Ի՞նչ պիտի անե աշխարհում էս անմիտ-անճարը, ասին:

Սակայն երբ խալիսի քեֆերին ես անուշ տաղերս ասի,
Ամառվա մրգերի նման անուշ է քո բառը, ասին:

Բայց խալիսի անսիրտ քեֆերին ես տխուր, մենակ մնացի,
Ուզեցի թողնեմ հեռանամ՝ հպարտ է ու չար է, ասին:

Եվ սրտիս ցավից հուսահատ ես մի թաս օղի խմեցի,-
Չարենցը ցնդած-զինենոլ, հարբեցող-հիմար է, ասին:

Ու ձմռան բուքերի միջին ես բորիկ ու մերկ մնացի,
Դուրսը ցուրտ, ձմեռ է, սակայն հոգուդ մեջ ամառ է, ասին:



Ասի թե՛ մարդ եք ախար դուք, չե՞ք տեսնում մարմինս ծվատ.
Չարենցի հոգին տաղերում աննկուն, համառ է, ասին:

Խնդացին, քրքջացին միայն, որ այդպես մնացել են մերկ,-
Դարերի հիացմունքը վսեմ տաղերիդ համար է, ասին:

* * *

Ես իմ անուշ Հայաստանի արևահամ բառն եմ սիրում,
Մեր հին սագի ողբանվագ, լացակունած լարն եմ սիրում,
Արնանման ծաղիկների ու վարդերի բո՛ւյրը վառման,
Ու նաիրյան աղջիկների հեզաճկուն պա՛րն եմ սիրում:

Սիրում եմ մեր երկինքը մուգ, ջրերը ջինջ, լինը լուսե,
Արևն ամռան ու ձմեռվա վիշապաճայն բուքը վսեմ,
Մթում կորած խրճիթների անհյուրընկալ պատերը սև
Ու հնամյա քաղաքների հազարամյա քա՛րն եմ սիրում:

Ուր էլ լինեմ, չե՛մ մոռանա ես ողբաճայն երգերը մեր,
Չեմ մոռանա աղոթք դարձած երկաթագիր գրքերը մեր,
Ինչքան էլ սո՛ւր սիրտս խոցեն արյունաքամ վերքերը մեր -
Էլի՛ ես որք ու արնավառ իմ Հայաստան-յա՛րն եմ սիրում:

Իմ կարոտած սրտի համար ո՛չ մի ուրիշ հեքիաթ չկա.
Նարեկացու, Քուչակի պես լուսապսակ ճակատ չկա.
Աշխարհ անցի՛ր՝ Արարտի մման ճերմակ գագաթ չկա.
Ինչպես անհաս փառքի ճամփա՝ ես իմ Մասիս սա՛րն եմ սիրում:

* * *

Երազում եմ այն Երկիրը հեռավոր,
Ուր մարմինը, սեզ մարմինը ու հոգին՝
Աննյութացա՛ծ ու նյութաճա՛ծ, լուսավոր՝
Ողջակիզվեն արևի մեջ, քո՛ւյր իմ, կին:

Ու միանա՛ն սեզ մարմի՛նը ու հոգի՛ն...

Ու չլինի՛, ու չլինի՛ դու ու ես:



Աննյութացած - դու մարմնանա - ու կրկին
Հրաշք դառնաս, անդունդները արևես...

Եվ երբ կանչեմ - դու գրկիս մեջ արևից
Ու տարփանքի՛ց, տառապանքի՛ց շիկացած -
Գրկես թևե՛րս մանկական ու անբիծ -
Այս, կի՛ն-ցնորք, քո՛ւյր, Շամիրան ու Աստվա՛ծ:

* * *

Քույր, գուցե չկանք...
Գուցե մեկը,- ո՞վ,-
Երազել է մեզ
Անլույս գիշերով...

Թվում էր հոգուս,
Թե երկուս ենք մենք,
Բայց նայիր, հիմա
Դարձել ենք երեք...

Երկուսս էլ հիմա
Կանչում ենք նրան՝
Փնտրելով կորած
Ուղիները Տան:

Կամուրջներ չկան:
Իսկ գետը՝ վարար:
- Փնտրելով նրան՝
Փնտրում ենք իրար...

ՄԵՐ ԼԵԶՈՒՆ

Մեր լեզուն ճկուն է ու բարբարոս,
Առնական է, կոպիտ, բայց միևնույն պահին



Պայծառ է նա, որպես մշտաբորբոք փարոս,
Վառված հրով անշեջ դարերում հին:-

Եվ վարպետներ՝ խոնարհ ու հանճարեղ,
Հղկել են այն դարեր, որպես մարմար,
Եվ փայլել է նա մերթ, ինչպես բյուրեղ,
Մերթ կոպտացել, ինչպես լեռնային քար:

Բայց միշտ պահել է նա իր կենդանի ոգին,-
Եվ եթե մենք այսօր կոտորատում ենք այն մերթ -
Այդ նրանից է, որ ուզում ենք մեր
Նոր խոհերի վրա ժանգ չչոքի:-


Այդ նրանից է, որ մեր այսօրվա ոգուն
Այլև չի կարող լինել պատյան
Ո՛չ Տեղյանի բարբառը նվազուն,
Ո՛չ Նարեկի մրմունջը մագաղաթյա:-

Եվ ո՛չ անգամ Լոռու պայծառ երգիչ
Թումանյանի բարբառը գեղջկական,-
Բայց նա կգա - լեզուն այս երկաթյա բերքի
Եվ խոհերի այս խո՛ր ու երկրական...

* * *

Ինչ ունեցել է ժողովուրդը քո
Հնում, անցյալում - լուսավոր ու վեհ,
Ինչ ունի այսօր, ի՛նչ ցնորք ու խոհ -
Ո՞ղջը հավաքել և քե՛զ է տվել:-

Տվել է, որ դու այդ ամենը այս
Օրերին խառնած, խոր հավատքով լի՝
Պարզես գալիքի ցնորքին անհաս-
Եվ ընդմիշտ մնաս մեծ ու սիրելի:-



* * *

Հ. Թ.

Ես կարդում եմ նրան ու ասում.- Այս հմուտ, հանճարեղ Լոռեցիհն
Հոմերի, Գյոթեի հետ մի օր՝ հավասար՝ նստել է քեֆի,
Եվ թաս է բռնել նրանց հետ, մեծարանք տվել ու առել,
Ինչպես իր պապերն են առել՝ իրար հետ խնջույքի նստելիս:

* * *

Հ. Թ.

Նա մեծ էր հողով, արյունով:- Արմատներ ուներ նա հողում:
Իր երգերը - գեղջուկ նաիրցու քրտինքով էր նա ողողում:
Հանճարեղ երգերում նրա - իր երկրի արևն էր շողում:-
Նա մեծ էր հողով, արյունով:- Արմատներ ուներ նա հողում:

Հ. Թ.

Նա մեծ էր ավելի, քան եղավ:- Երկնքի նման ընդարձակ,
Օվկիանի նման՝ իր ոգին ընդգրկել էր կյանքը անեզր:-
Եվ ոգու ասիերին նստած՝ նա նայում էր հայացքով պայծառ-
Եվ որսում էր երգեր ու խոհեր, և տեսնում էր չքնաղ երագներ...

* * *

*ԵՐԿՈՒ ՏՐԻՈԼԵՏ
ՄԱՅՐԱՄՈՒՏԸ*

Մառ մորմոքում է մայրամուտը,
Մահվան մոխիր է մովից մաղում.-
Մեռնում է մութը մթնշաղում,-
Մառ մորմոքում է մայրամուտը:-
Մտորումներս մահ են, մութ են,
Մարխե մտքեր են միայն մխում,-
Եվ մորմոքում է մայրամուտը,
Մահվան մրոտ է մաղում...



* * *

Մառ մորմոքում է Մայրամուտը,
Ու մզլահոտ է մովից մաղում,-
Մարում է մուժը մթնաշաղում,-
Մառ մորմոքում է Մայրամուտը...
Մխում է մարդը: Մարդը: Մութը:-
Մգլել է միրգը մեր մախաղում...
Մառ մորմոքում է Մայրամուտը,
Մուգ մզլահոտ է մովից մաղում...

«Ի ԽՈՐՈՅ ՍՐՏԻ ԽՈՍՔ ԸՆԴ ԱՍՏՈՒԾՈՒ»

«ՏԵՏՐԱՊՏԻՔՈՍ»

Ա

Ինչպես դարեր առաջ - վկան Նարեկացի,-
Քեզ եմ հղում ես ողբս, ո՛վ Արարիչ,
Ես՝ մեղավոր քերթողս աստվածարյալ դարի,-
Ողջակիզյալ արյունս վարակածին...

Վաղ աղջամուղջն այնքան ըղձյալ Այգաբացի
Մայրամուտի փոխվեց արյունալին,-
Ուր մեր Արևն է նոր սուզվում արյունալի,
Որպես կարմիր գլուխ գլխատվածի...

Բորբ աչքերում սակայն հավատացյալ բյուրոց
Ծովածավալ արյան ցուլք շառայլածին-
Ցոլանում է, իբրև ցուլք ցնծության մերո:-

Եվ արեգակն է հին վերադառնում դարձյալ՝
Արևմուտքից՝ ինչպես մահվան նաչից հառնած
Ղազարեի նման - արևը ետ դառնա...



ՄԱՀՎԱՆ ՏԵՍԻԼ

Որպես լքված թավջութակի ձգված մի լար՝
Դողում է սիրտս կարոտով մի ահարկու:
Կարոտներիս գագաթն է այն՝ վերջին քնար.-
Մի պիրկ պարան ու երկնուղեշ փայտեր երկու:
Որպես բախտիս մութ քամահրանքը, կամ որպես
Մի հին խոստում, որ անկատար, դրժած թողի-
Կախադանի փայտերն ահա քաղաքի մեջ
Կանգնել են, սեգ, ու սպասում են կախվողի:
Կանգնել են, լուռ, իրար կքած, փայտեր երկու,
Ու մեջտեղում դողում է մեղկ ու երերում,
Մի գորշ պարան, ինչպես տխուր այս օրերում
Անբոց մորմոքը մահիրյան իմ ո՛րք հոգու:
Իջել է շուրջը մի անհուր իրիկնաժամ,
Ու լուրջյան մի անստվեր, անդուռ, անդող,
Ինչպես մորմոքը օրերի, ինչպես դաժան
Մահվան թախիժը իմ անլուր սիրտը բանտող:
Ու խանութները՝ գորշ, կքած, ու այն մարդիկ,
Որ հավաքվել են փայտերի շուրջը հիմա,
Մահվան բեկուն այդ քնարին այդքան մոտիկ -
Ի՞նչ են ուզում՝ այդքան տխուր ու ակամա:
Եվ արդյոք ո՞վ է երազել այդքան դաժան -
Ու լուսավոր առավոտներն իմ հոգու
Ո՞վ դարձրեց մի անկրակ իրիկնաժամ,
Ու գորշ պարան, ու երկնուղեշ փայտեր երկու:
Գուցե այդ են են, որ սրտով իմ լուսնահար
Ո՛չ մի կրակ հեռուներից ձեզ չբերի,
Ու ցանկացա, որ չօրհներգե ո՛չ մի քնար
Լուսապսակ, պայծառ գալիքը Նաիրի...

Երթամ հիմա: Ու կարոտով անմխիթար,
Իմ երգիչի երազներով ու հրերով,
Անհրապույր իմ օրերի երգով մթար
Ու մահիրյան իմ երազի վերջին սիրով,-



Երթամ մարող ու մարմրող իրիկվա մեջ,
Որպես ուրու հալածական, որպես տեսիլ -
Տա՛մ պարանոցս կարոտին այն երկնուղեջ
Ու օրորվեմ՝ եղերական ու անբասիր...
Թող ո՛չ մի գոհ չպահանջվի ինձնից բացի,
Ուրիշ ոտքեր կախաղանին թող մոտ չգան.
Եվ թող տեսնեմ ի՛մ աչքերի մեջ կախվածի,
Ի՛մ բո՛րբ երկիր, լուսապսակ քո ապագան:
Թող դուրս ընկած ի՛մ աչքերի մեջ կախվածի
Նոքա տեսնեն պայծառ օրերդ ապագա,-
Թող ո՛չ մի գոհ չպահանջվի ինձնից բացի,
Ո՛չ մի սովեր կախաղանին թող մոտ չգա...

ՀԱՐՂԱԳՈՂԻ ՃԱՍՓՈՐԴՆԵՐԸ

Սիրելի Վիվանին

Հարդագողի ճամփորդներ ենք մենք երկու
Երկու ճամփորդ՝ պատառոտած շորերով:
Ու սիրել ենք տրսմությունը մեր հոգու՝
Անբջական կարոտներով ու սիրով:
Մենք սիրել ենք տրսմությունը մեր հոգու՝
Անբջական ինչ-որ կարոտ, ինչ-որ սեր:
Ու սիրում ենք առավոտից իրիկուն
Ճամփա երթալ ու հավիտյան երազել:
Աչքերիս մեջ մենք պահել ենք երկնային
Ճամփաների հեռուները դյութական -
Ու անցնում ենք ուղիներով երկնային,
Ուր բյո՛ւր մարդիկ երազեցին ու չկան:
Մշուշի պես մեր մանկությունը անցավ՝
Գորշ, անարև, անմխիթար մանկություն:
Զառանցանքի պես մանկությունը անցավ -
Ու հեռացանք: Ու չենք դառնա կրկին տուն:
Լո՛ւտ հեռացանք ու քայլեցինք անդադրում՝
Երազելով հավերժական հեռուներ:
Կյանքը դարձավ հավերժական մի փնտրում -



Մութ, անհեթեթ, տարօրինակ կյանքը մեր:
 Ու օրերում բազմագույն ու բազմազան
 Վառվեց, վառվեց ողջակիզվող սիրտը մեր,-
 Բայց աչքերը մեր - արևներ չտեսան
 Եվ մեր սրտերը - լուսավոր հեռուներ:
 Ու մշուշոտ մեր աչքերը հավիտյան
 Որոնեցին պատահական աչքերում
 Հարդագողի ուղիները ոսկեման,
 Նրա անծիր, անծայրածիր այն հեռուն:
 Բայց աչքերում նրանք երկինք չգտան,
 Ու սրտերում - արեգակներ ոսկեվառ
 Ու բզկտվեց հայացքներից անկենդան
 Որք սիրտը մեր՝ երագորեն-հոգեվար:
 Ես ուզեցի երգել գովքը Աստծու,
 Երգել փառքը պայծառ սիրո ու հացի.
 Միրտս լցվեց... բայց չզիտեմ, թե ինչու -
 Գորշ օրերի տաղտկությունը երգեցի...
 Թաղված մնաց իմ աչքերում մի անհուն,
 Կապուտաշյա երջանկության առասպել.
 Մի երկնային առնչության պատմություն-
 Ու կարծրացավ սիրտս՝ անլույս ու անբեր:
 Չէ՞ որ կյանքում չհասկացավ ոչ ոք մեզ,-
 Ու խնդացին լուսավոր մեր աչքերին,
 Բութ հեգնեցին մեր կարոտները հրկեզ-
 Ու հեռացան: Ու ո՛չ մի լույս չբերին:
 Զույրը խնդաց, բարեկամը ծիծաղեց,
 Օտար մարդիկ հայիոյեցին ու անցան:
 Միայն պռոնիկը մշուշում համբուրեց,
 Եվ խելագարը բարևեց կիսածային:
 Հոգ չէ, որ մեր օրերն անցան տենդի պես,
 Կյանքը դարձավ անմխիթար զառանցանք.
 - Մենք կժպտանք, գո՛հ կժպտանք մեռնելիս,
 Որ երագում երագեցինք ու անցանք...



ՆԱՎՉԻԿԵ

Արփիկիկն, Արփիկիկն, Իզաբելլային

Իմ ամենաչքնաղ երգը

Ե. Չար. 1936. 21.09

ՀԻՆ ՆԱՎՉԻԿԵՆ

* * *

Նայադներ ընդ մնան, նայադների մնան
Կարոտներիս ձայնով կանչում է ինձ
Խոստանալով սիրո անհատների հմայք
Եվ թողնելով մորմոք և կարոտի կակիծ...

Մանկությունից անդարձ՝ իմ օրերում անդարձ,
Տարիներիս կարմիր ավազի մեջ -
Ինձ թվացել է միշտ, որ կարոտիս կառչած՝
Ինձ սպասում է իմ Նավգիկեն:

Նախ՝ կարոտի մնան դեռ անծանոթ կյանքի,
Բիլ ծովերում մավող մավակի մեջ՝
Իբրև ցնորք գայթող կամ երազանք անգին՝
Հեռուներից կանչեց իմ Նավգիկեն:

Եվ օրերում ապա, տարիներում անդարձ,
Վայրկյաններիս կարմիր ավազի մեջ,-
Երազեցի ընդմիշտ, թե կարոտիս կառչած՝
Ինձ սպասում է իմ Նավգիկեն...

Մե՛րք աղջկա մնան, մե՛րք մանկական տեսքով,
Մե՛րք որպես կին՝ տեսած երազի մեջ,-
Մե՛րք իբրև կույս անեղծ, մե՛րք մի Մանոն Լեսկո-
Պատկերացել է ինձ իմ Նավգիկեն:

Մե՛րք սպիտակ, որպես մարմարոնյա արձան,
Մե՛րք միկենյան կավե մի վազի պես,-



Մերք երենյա մարմնով եգիպտոսի դարձած՝
Հմայել է հեռվից իմ Նավզիկեն:-

Մերք կոնքերով ողորկ, որպես ձուլած արծաթ,
Մերք՝ որպես էգ մի օձ երագի քեզ՝
Մերկ, աչքերով կանաչ, մի կին դարձած,
Անեղծ մի կույս կարծած իմ Նավզիկեն:

Մերք շորերով շրշուն, մերք ծածկոցով ծածան,
Մերք՝ լուսնային շղարշ հագածի պես,-
Ամբողջովի՛ն մերք գոց, մերք մերկացած՝
Կնոթյունը բացած- իմ Նավզիկեն...

Նա մերք կանչել է ինձ սրինգային ձայնով,
Մերք՝ քնարի քնքուշ նվազի պես,-
Մերք՝ դարերով ծանոթ, մերք՝ միայն նոր
Ինձ հարազատ ձայնով - իմ Նավզիկեն:

Վերելքներում անծայր, հովիտներում այն ցած,
Կամ ծովափնյա ոսկե ավազի՛ մեջ,-
Մերք շառաչում ծովի, մերք լճերում, անծայն -
Ես լսել եմ քո քայլքը, իմ Նավզիկեն:

Ես սպասել եմ քեզ յուրաքանչյուր վայրկյան,
Եվ երագել, որ երթս երագվի քեզ,-
Յուրաքանչյուր վայրում, յուրաքանչյուր վայրկյան,
Կնոջական ցնո՞րք իմ, իմ Նավզիկեն...

Ե՛վ հանճարեղ երգում, և՛ հանճարեղ գրքում՝
Ե՛վ հանճարեղ ամեն մի կտավի մեջ,-
Ե՛վ հյուսիսում, և՛ հին Արևելքում,
Ե՛վ հարավում դեղին, իմ Նավզիկեն:

Շրջադարձում, երթում, քայլափոխում ամեն,
Հսկող հսկա դեպքի կամ դավի պես,-



Ես սպասել եմ, որ կան դու, կան ես
Կճանաչենք իրար, իմ Նավզիկե՛:

Յուրաքանչյուր բացվող առավոտվա, կամ իմ
Յուրաքանչյուր տեսած երազի մեջ,-
Անգամ մի դուռ է երբ իմ դեմ բացում քամին-
Հանդիպումդ եմ հսկում, իմ Նավզիկե՛:

Մանկությունից իմ լուրթ-մինչև կեսօրն իմ թեք,
Իմ օրերում՝ անցած երազի պես,-
Ես սպասել եմ, որ ահա կելնես իմ դեմ,
Ամենօրյա ցնո՞րք իմ, Նավզիկե՛:

Եվ իմ գրքերն ամեն, և իմ երգերն անմեռ,
Եվ բոբրոք հուրն իմ այս ծարավի կեզ,-
Ինչ որ արել եմ ես, էլի՛ ինչ անելու եմ դեռ-
Քեզ գտնելու համար է, իմ Նավզիկե՛...

Եվ մինչ օրն այս սև, մինչև դառնա նսեմ,
Մինչև ավյունս ամբողջ նվազի- քեզ
Ես փնտրելու եմ իմ ուղիներում լուսե,
Անհասանելի՛ իմ սեր, իմ Նավզիկե՛...

Եվ պոտեի հոչակ, և՛ փառքի տենչ խորին,
Եվ արնահամ երգի, երազի սե՛ր,-
Ես տենչացել եմ՝ լոկ հավատալով, ով ինձ
Դեռ սպասում ես դու, իմ Նավզիկե՛...

Որ վարդերի՛ս անդարձ, տարիներիս հնձած-
Անդառնալի ցնդած երազի տեղ -
Իմ օրերի վերջում, իբրև անհուն ընծա-
Ինձ ժպտալու ես դու, իմ Նավզիկե՛...

Նայադներ՝ րի նման, նայադների նման
Կարոտներիս ձայնով կանչում է ինձ



Խոստանալով սիրո անհատների հմայք
Եվ թողնելով մորմոք և կարոտի կսկիծ...

* * *

Կնոջս՝ Արփենիկ Չարենցի հիշատակին

Նայադների նման, նայադների՝ նման,
Կարոտներիս ձայնով կանչեց նա ինձ,-
Նա խոստացավ սիրո անհատների հմայք
Եվ ինձ թողեց միայն մահո՛ւ կսկիծ...

Նածիշտներով իր յոթ շրջապատված՝
Նածիշտներով սիրո և ցավի կե՛զ,-
Իբրև հոժա՛ր կամքով մահապարտված՝
Ընդունեց սերն իմ սև - իմ Նավզիկեն...

Կարոտներիս ծովի կղզիներում անցած
Դու իմ կղզին եղար միակ ոսկե,-
Բայց սև աղետ դարձավ և մահացու հանցանք
Քեզ համար սերն իմ սև, իմ Նավզիկեն...

Եվ վարդագույն, ինչպես մի վարդագույն մարջան,
Կարոտներիս կարմիր ավազի մեջ -
Դու ժպտացի՛ր, անցար, աներևույթ դարձար,
Օ՛, մահացու, իմ սեր, իմ Նավզիկեն...

* * *

... Արդեն նայի՛վ դարձած նայադների նման,
Նայադների նման քնքուշ ձայնով՝
Խոստանալով գարուն ու գարնանային հմայք-
Այն ո՞վ է ինձ կանչում, այն ո՞վ...

Ինչպես Ուլիս՝ տրված կարոտներիս կայմին՝
Նայադների չքնաղ երգի՛ն գերի՝
Ամբողջովին տրված իմ հուշերի ձայնին,
Ես մոտեցա կրկի՛ն այն ափերին...



Մի՞թե կրկին իբրև վերադարձող Ուլիս՝
Մի անհնար, չքնաղ երազի մեջ-
Պիտի տեսնեն կղզի՛ն այն, ուր սիրով լի՝
Ինձ հանդիպեց մի օր - իմ Նավգիկեն...

Նո՛ւյն նայադներն ահա - և կախարդիչ նույն երգը,-
Բայց ավելի՛ անհուն ու հմայիչ...
Եվ մոտենում է նույն կախարդական եզերքը՝
Բայց... ինչո՞ւ է թվում նա ամայի...

Նո՛ւյնն են ավերը լուրթ,- և պտույտի ելած
Նո՛ւյն աղջիկներն ահա,- և Նավգիկեն...
Բայց նա նայեց անթարթ և աչքերում ցոլաց
Անդառնալի անցածը - երազի պես...

Եվ սուզվելով, ինչպես մի վարդագույն մարջան,
Տարիների կարմիր ավազի մեջ՝
Անվերադարձ անցավ և զառացանք դարձավ-
Մանկությա՛ն պես անցած- իմ Նավգիկեն...

* * *

Նայադների՛ նման, նայադների՛ նման,
Կարոտներիս ձայնով կանչեցին ինձ,
Խոստանալով սիրո անհատների հմայք,
Եվ թողնելով միայն - մահու՛ կսկիծ:

Արկածներիս ծովի կզիներում անցած
Ինձ հանդիպեց քանի՛ Նավգիկե,
Որ հեռացավ, անցավ իր կարոտին կառչած,
Իբրև ուրի՛շ Ուլիս, ուրիշ սեր...

Հեքիաթային, կապույտ իր եզերքին կառչած՝
Իբր ուրիշի սիրո մի Նավգիկե -
Իր Ուլիսին հսկող արքայադուստր դարձավ՝
Կարոտներիս կարմիր ավազի մեջ...



Եվ կարոտիս կառչած արքայադուստր կարծած
Զանի՛, քանի՛ չքնաղ Նավգիկե -
Ընկղմվեցին, կորան, որպես կարմիր մարջան՝
Կարոտներիս կարմիր ավազի մեջ...

Արկածներիս կապույտ կղզիներին կառչած՝
Վայրկյաններիս կարմիր երազի մեջ՝
Մի՛շտ ուրիշի սիրո արքայադուստր դարձավ
Ինձ հանդիպած ամեն մի Նավգիկե...

Բայց ուրիշի երկրում արքայադուստր դարձած
Իմ կորցրած ամեն մի Նավգիկե՝
Ինձ հանդիպեց կրկին և սիրուհի դարձավ-
Իմ երգերի կարմիր ավազի մեջ...

Երազներում անվերջ երազելով նրանց,
Իմ կրքերի կարմիր ավազի մեջ-
Ինչ որ մնում էր դուրս իմ երգերից գրած-
Իմ չսիրած աղջիկ, տվեցի քեզ...

Տարիներում անցած իմ կարոտին կառչած՝
Իմ չերազած միա՛կ իմ Նավգիկե,-
Ուր սպասում էի - կորցրի նրանց՝
Երազներում սիրած, երազի պես...

Արկածներիս կարմիր կարոտներում փնտրած՝
Ինձ չծպտաց և ո՛չ մի Նավգիկե,-
Եվ ինչ տալու էի ես աշխարհում նրանց-
Իմ չսիրած աղջիկ, տվեցի քեզ...

Ինչ-որ դեռ դուրս մնաց իմ երգերում գրած՝
Իմ կրքերի կարմիր ավազի մեջ,-
Ինչ որ տալու էի ես նրանց-
Կյանքում քեզ տվի, իմ Նավգիկե՛:



Մակայն կրկի՛ն, կրկի՛ն նայադների նման,
Կարոտների ձայնով կանչում եմ ինձ,
Խոստանալով սիրո անհատնելի հմայք,
Եվ ինձ տալով միայն – մահո՛ւ կսկիծ:-

Ո՛չ, գգվանքներս՝ քեզ շռայլորեն ցրած՝
Գիշերներիս կարմիր ավազի մեջ,-
Ոչ կարոտներս անհուն՝ իմ երգերում գրած,-
Չսպառեցին կարոտն իմ, Նավզիկե՛:-

Նայադների՛ նման, նայադների՛ նման,-
Կարոտների կանչով կանչում ես ինձ,
Եվ կանչելու ես ինձ, քանի կյանքում դեռ կամ՝
Խոստանալով ինձ սեր, տալով կսկիծ...

Եվ կկանչեն նրանք, մինչև անշնչացած՝
Վայրկյաններիս վերջին երազի մեջ՝
Ինձ համբուրե իբրև իր Ուլիսին տենչած՝
Վերջին շնչիս կառչած, իմ Նավզիկե...

ԱՄՊԵՏԱԿԱՆ

(հայրված)

X

... Ու մտան երկու գեղանի
Աղջիկներ հուր-հրեղեն...
Մոտեցան կլոր սեղանին,
Դրեցին գավաթներ հողե:
Ու ճկուն շարժումով մի պարե՛
Իրենց սեզ ողջույնը տվին...
Ուխտավոր՝, նման մի արև
Մի՛ անգամ թող կյանքդ արևի:

XII

Երկու լույս էին վառ նրանք...
Երկու բոց՝ սպիտակ ու սև,



Երկու խոլ արև հուրհուրան,
Երկու հուր հրաշքներ լուս...
Մեկի բոյր – սեգ մինարեթ,
Մյուսինը – սև մի սուսի.
Մեկը վառ, պայծառ մի արև,
Մեկը կաթ, արծաթ մի լուսին:

XIII

Բերվինի խարույկներ էին խոլ
Սևամած աչքերը մեկի,
Մյուսի աչքերը – տխուր
Միրածներ էին անմեկին:
Մեկի կուրծքը մզկի՛թ էր սպիտակ,
Մյուսինը – սե՛գ մի տաճար.
Մեկը բիլ գազել էր կապուտաչ,
Մեկը հուր ճո՛րյգ սևաչյա...

XV

Մեկը թիռ քայլում էր թեթև,
Թռչկոտում էր, որպես բիլ գազել...
Մյուսի քայլքն հրաթև-
Թռիչք էր դաշտերում ավազե...
Աշխարհում դեռ չի՛ երազել
Նման բախտ և ո՛չ մի արքա,-
Բայց այդ վառ բախտին տիրացել,
Տիրացել էր Անդոն չարկամ:

ԽՄԲԱՊԵՏ ՇԱՎԱՐՇԸ

(քաղվածք)

Փողոցում լուռթյուն էր ու թանձր խավար,
Առավոտը մոտ էր, բայց դեռ չէր բացվում-
Իսկ հյուրանոցում խմբապետ Շավարշը
Խնում էր, խնում ու մուծով լցվում:
Խմբապետ Շավարշը:- Մի հաղթ տղամարդ,



Երեսին՝ վերից վար՝ դաշույնի հարված.
Այդ հարվածն համարվում էր իր դեմքի զարդը՝
Մանավանդ, երբ դժգոհ էր ու մի քիչ հարբած:
Այդ հարվածն – ու բեղերը: - Դեղին, ոլորած,
Երկու խուրձ հրեղեն, երկու առու,
Որ, ծանր, իջնելով կզակի վրա՝
Նրան տալիս էին «քաջի» համարում:
Եվ մռայլ աչքերը՝ բիբերում արյուն,
Եվ խիտ հոնքերի գերանդին...
Նա իրեն համարում էր - անհաղթ արու,
Որպես հրաշք՝ ելած հայ ցեղի արգանդից:

Այն ի՞նչ էր, ի՞նչ էր, ի՞նչ էր, ցնո՞րք էր,
զառանցա՞նք, տե՞նդ.
Խենթի պես, նրանց դիակների վրայով, քշեց իր ձին,
Այրեց, ջարդեց, թափեց, քանդեց, քանդեց,
Գյուղը դաշտ դարձրեց կարմիր հնձի:
Կոտորեց. չհարցրեց ծեր, կին, աղջիկ, մանուկ,-
Միչև ուշ գիշեր, մինչև ուշ գիշեր ասպատակեց.
Հետո լուսինը կարծես արյան մեջ էր լողանում,
Իսկ գյուղը դիակ էր կարծես՝ կապված իր ձիու ասպանդակից:
Ուղեղում մշուշ էր՝ կարմիր, ալ, արյունաբբու,
Ուղեղում թուրք կնոջ մարմինը վառվում էր, որպես վերք.
Հետո հարեց Շավարշը. գայլը արյունով է հարբում,
Իսկ Շավարշը – մի գայլ էր, որ կորցրել էր մի եզ-
Մի սպիտակ, մի մաքուր, մի հրաշալի...
..... Շավարշը
Բռունցք խփեց սեղանին. խմեց. և երբ
Սրբեց բեղերը բռունցքով, հիշեց իր ձիու բաշը,
Իսկ Ղաչաղը երգում էր դեռ:

ՊԱՏՄՈՒԹՅԱՆ ԸՆՈՒՄՂԻՆԵՐՈՎ
(քաղվածք)

Պատմության քառուղիներով մենք քայլել ենք երկար՝



Անդեկ, ցաքուցրիվ, անգաղափար,
Հին դարերից մինչև այս հանճարեղ ներկան,
Որ հուրհրատում է մեր դեմ գալիքնափայլ:
Այն անգո առավոտից, երբ լեզենդական
Իր խարույկն էր վառել մեր անգո մախահայրը,
Այս Մասիսի հանդեպ, այս անիրական
Արարատյան դաշտում,- որպես զրույց անծայր մի
Տարածվել է ուղին մեր անպատմելի,
Անծայրածիր ձգվել դարերով ձիգ,
Եվ գնում է այսօր ու երկարվում էլի
Դեպի ի՞նչ անհայտ ավեր ու գալիքներ անծիր...

...Ու կանգնած ենք ահա ապագայի հանդեպ
Չարմանալի՜ թեթև, զարմանալի՜ անդեմ՝
Մերկության պես տկոթ ու անանցյալ...
Այդ մենք ենք երևի այն ուղտը հաստակող,
Որ Հիսուսի առակին հակառակ -
Պիտի մտնենք՝ անգամ ասեղի նուրբ ծակով՝
Ապագայի դրախտը անարատ...
Այդ մենք ենք երևի այն հարուստը,
Որ անցյալի մեր այդ տկոթությամբ հարուստ -
Պիտի ժառանգենք մեր դարերի կորուստը,
Որ բոլո՛ւր տկոթներին սահմանված է վերուստ...

ԴԵՊԻ ԼՅԱՌՆ ՄԱՍԻՍ

*Ակսել Բակուցին, պայծառ բարեկամիս
(հայրված)*

Ի՞նչ է ասում այդ գիրքը և ի՞նչ է բարբառում.
Չուր չէ՞ արդյոք վատնել անհատների իր ձիրքը.
Եվ չի՞ արդյոք եղել իր ողջունած հեռուն
Մի թիարան վատթար,- և այդ գիրքը՝
Իր արյունով, սրտի յուրաքանչյուր նյարդով,
Իր վերջին ճիգով հորինած-
Չէ՞ արդյոք խեղճության ու սխալի արդյունք՝



Սերունդների երթին ի վնաս...

Վաղուց են չարաշուք այդ խոհերը խոցել
Անօգնական իր սիրտը,- սակայն ամեն անգամ
Հենց որ հանել է գիրքը և կարդացել-
Ինչ-որ անհուն մի բան,
Չարմանալի մի բան՝ կարոտի
Ու թովչության նման անհասկանալի -
Ողողել է իր սիրտը և կոկորդում
Իբրև արցունք՝ հորդել... օ՛, անձկալի,
Ժամեր միայնության, ընդվզումի, խոհի,
Ոգու ըմբոստության ու կորովի,-
Ստեղծագործ մտքի թռիչք ամենի՝
Ճգնության պես անցուկ ու թովիչ...

ԵՐԿԻՐ ՆԱԻՐԻ

Առաջաբան
(քաղվածք)

Վաղուց, վաղուց մտորում էի իմ մեջ մի անհուն ցանկություն: Վաղուց ելք է փնտրում կուտակված մի կարոտ: Մթի մեջ, գիշերի կեսին, կամ ցերեկը, երբ ես զբաղված եմ լինում առօրյա հոգսերով, կամ անգամ, երբ ես տարված եմ լինում գինու կամ կնոջ հմայիչ հաճույքով,- ներսը, սրտիս խորքում, գողի պես զգույշ, կամացուկ շարժվում է նա:

Ինչպես վաղուց տրված մի խոստում, կամ ինչպես ժամանակին չվճարված պարտամորիակ – ծանրանում է սրտիս, անողոր – ուտում է սիրտս:

Հաճախ պատկերանում է նա ինձ, որպես մի վաղեմի բարեկամ. վաղեմի ծանոթի մի նման, որին ես շատ առաջ եմ հանդիպել, բայց կորցրել եմ հետո – օրերի մշուշից ելնում է նա



հաճախ, օրերի մշուշից նայում է ինձ: Երկար-երկար նայում է աչքերիս: Ասում է՝ չե՞ս ճանաչում: Մոռացե՞լ ես, - ասում է նա: - Ու սահում է էլի, թաղվում է օրերի մշուշում – կորչում է օրերում:

Բայց ո՞վ է նա, կամ ի՞նչ է նա - ահա ամենատեսականը: Գուցե մեծ լինի զարմանքդ, սիրելի ընթերցող, եթե ասեմ, որ ես էլ չգիտեմ: Գիտեմ, որ նա - կա, եղել է, և հին է, որպես իմ արյունն է - հին, կա, - զգում եմ, շոշափում եմ սրտով, տեսնում եմ, - բայց հենց որ ուզում եմ բռնեմ, տեսնեմ մարմնավոր, կանգնեցնեմ հաստատ, - կորչում է, դառնում է աներևույթ, ցնդում է, որպես ծուխ կամ ցնորք:

Գորշ, ամենօրյա, առօրյա մեր կյանքում, կենցաղում, մորմոքում է նա մութ, աներևույթ, կանչում է - ո՞ր... Երբ, իրիկնադեմին, մեղմ, հատ-հատ դողանքում է զանգը հին, խարխուլ զանգակատնից-կանչում է նա: Ո՞վ է լսում: Ով էլ որ լսում է - շա՞տ բան է հասկանում: Ես էլ, որ մանկությունից լսել եմ նրա կանչը – շա՞տ բան եմ հասկացել: Բայց էլ ինչո՞ւ է խեղդում ինձ, ինչո՞ւ է կարոտը խեղդում: Ինչո՞ւ է կանչում – մտերիմ, կանչում-անվերջ: Եվ ես ինչո՞ւ եմ ուզում, ինչո՞ւ եմ կանենում փնտրել, գտնել նրան, խոսել նրա հետ – սրտով, սիրել նրան:

- Ինչքան, ինչքան անգամ հարցրել եմ ես ինձ, թե ի՞նչ է, վերջապես – Նաիրին: Գուցե տարօրինակ թվա այս հարցը, սիրելի ընթերցող: Բայց դա նույնքան է բնական, որքան այն հարցը, թե ո՞վ ենք մենք, վերջապես – նաիրցիներս: Ի՞նչ ենք մենք և ո՞ր ենք գնում: Ի՞նչ ենք եղել երեկ և ի՞նչ պիտի լինենք վաղը:

Ամեն անգամ, երբ նման հարցերը կերել եմ սիրտս, մեկը, մի ուրիշը կարծես, ուրվականի նման ելնելով օրերից, օրերի մշուշից, տվել է ուղեղիս չարախիճդ մի հարց. - «Չե՞ր կարելի արդյոք տեսնել մարմնավոր, պատկերացնել հաստատ երկիրը Նաիրի: Նու, թեկուզ հենց իրենց՝ նաիրցիների կյանքում, կենցաղում: Շոշափել այդ երևույթը – նաիրյան սրտով, շոշափելով մարմնավոր, պատկերել երկրային... Գուցե սուտ է Նաիրին, Նաիրին- չկա... Գուցե հուշ է միայն, ֆիկցիա, միֆ: - Ուղեղային մորմոք. սրտի հիվանդություն...»:



ԱԿՍԵԼ ԲԱԿՈՒՆՅ

ԱԼ ՊԻԱԿԱՆ ՄԱՆՈՒՇԱԿ

(հասարակական)

* * *

Կաքավաբերդի գլխին տարին բոլոր ամա է նստում, բերդի ատամնաձև պարիսպները կորչում են սպիտակ ամպերի մեջ, միայն սևին են անում բարձր բուրգերը: Հեովից ավերակներ չեն երևում, և այնպես է թվում, թե բուրգերի գլխին հսկում կա, գոց են ապարանքի երկաթե դռները, աշտարակի գլխից մեկը ահա ձայն է տալու քարափը բարձրացողին:

* * *

Իսկ երբ քամին ցրում է ամպերը, ձորերում հալվում են ամպի ծվեցները, պարսպի վրա երևում են մացառներ, աշտարակի խոնարհված գլուխը և կիսով չափ հողի մեջ խրված պարիսպները: Ո՛չ մի երկաթյա դուռ և ո՛չ մի պահակ աշտարակի գլխին:

* * *

Լռությոյն կա Կաքավաբերդի ավերակներում: Միայն ձորի մեջ աղմկում է Բասուտա գետը, քերում է ափերը և հղկում հունի կապույտ որձաքարը: Իր մեղ հունի մեջ գալարվում է Բասուտա գետը, ասես նրա սպիտակ փրփուրի տակ ոռոնում են հազար գամփռներ և կրծում քարե շղթաները:

* * *

Պարիսպների գլխին բույն են դրել ցինը և անգոր: Հենց որ բերդի պարիսպների տակ ոտնաձայն է լսվում, նրանք կոնչյունով աղմկում են, թռչում են բներից և ահարկու պտույտներ անում բերդի կատարին: Ապա բարձրանում է քարե արծիվը՝ կտուցը կեռ թուր, մագիլները՝ սրածայր նիզակներ, փետուրները որպես պողպատե զրահ:



* * *

Կաքավաբերդի բարձունքի միակ ծաղիկը ալպիական մանուշակն է, ցողունը կաքավի ոտքի պես կարմիր, ծաղիկը ծիրանի գույն: Քարի մոտ է բսնում ալպիական մանուշակը, պարիսպների տակ: Արևից քարերը տաքանում են, և երբ ամպերը ծածկում են քար ու պարիսպ, մանուշակը թեքվում է, գլուխը հենում քարին: Ծաղկափոշու մեջ թաթախված գունավոր բզեզին մանուշակը ճոճք է քվում, աշխարհը՝ ծիրանագույն բուրաստան:

ՄԻՐՀԱՎ

(հայրված)

Աշուն էր, պայծառ աշուն...

Օդը մաքուր էր, արցունքի պես ջինջ: Կապտավուն սարերն այնքան մոտ, այնքան պարզ էին երևում, որ հեռվից կարելի էր համարել նրանց մաքուր լանջերի բոլոր ձորակները, կարմրին սովող մասրենու թփերը:

Աշուն էր, տերևաթափով, արևի նվազ ջերմությամբ, դառնաշունչ քամիով, որ ծառերի ճղներից պոկում էր դեղնած տերևները, խմբերով քշում, տանում հեռու ձորերը: Նույնիսկ քարափի հաստաբուն կաղնին խոնարհվում էր քամու առաջ: Ամալի ձորերում, դեղնակարմիր անտառի և հնձած արտերի վրա իջել էր մի պայծառ տըխրություն: Ջինջ օդի սառնության մեջ զգացվում էր առաջին ձյունի շունչը:

Այգում երիտասարդ կեռասենիները մրսում էին, քամուց խշշում: Միմինդրի երկար տերևները թրերի նման քսվում էին իրար, պողպատի ձայն հանում: Կարծես ձիավորներ էին արշավում իրար դեմ և սիմինդրի տերևը, որպես բեկված սուսեր, ընկնում էր քամու առաջ:

ՄԹՆԱՉՈՐ

(հայրված)

Մթնաձոր տանող միակ արահետն առաջին ձյունի հետ փակվում է, մինչև գարուն ոչ մի մարդ ոտք չի դնում անտառներում:



Սակայն Մթնածորում այժմ էլ թափուտ անտառներ կան, ուր ոչ ոք չի եղել: Ծառերն ընկնում են, փտում, ընկած ծառերի տեղ նորն է ծլում, արջերը պար են խաղում, սուլում են չոբանի պես, ոռնում են գայլերը, դունչը լուսնկային մեկնած, վարազները ժանիքով փորում են սև հողը, աշունքվա փտած կաղիններ ժողվում:

Մի ուրույն աշխարհի է Մթնածորը, քիչ է ասել կուսական ու վայրի: Թվում է, թե այդ մոռացված մի անկյուն է այն օրերից, երբ դեռ մարդը չկար, և բրածո դինոզավրը նույնքան ազատ էր զգում իրեն, ինչպես արջը մեր օրերում: Գուցե այդպես է եղել աշխարհն այն ժամանակ, երբ քարածուխի հսկա շերտերն են գոյացել և շերտերի վրա պահել վաղուց անհետացած բույսերի ու սողունների հետքեր:

Հիմա էլ Մթնածորում մուգ կանաչ մաշկով խլեզներ կան՝ մարդու երես չտեսած, մարդուց երկյուղ չունեցող: Պառկում են քարերի վրա, արևի տակ. ժամերով կարող եք նայել, թե ինչպես է զարկում փորի մաշկը բույլ երակի պես, կարող եք բռնել նրանց: Խլեզները Մթնածորում մարդուց չեն փախչում:

ՀՈՎՀԱՆՆԵՍ ՇԻՐԱՋ

ԳԱՐՆԱՆԱՍՈՒՑ

Մանուշակներ ոտքերիս ու շուշաններ ձեռքերիս,
Ու վարդերը այտերիս, ու գարունը կրծքիս տակ,
Ու երկինքը հոգուս մեջ, ու արևը աչքերիս,
Ու աղբյուրները լեզվիս՝ սարից իջա ես քաղաք,-
Ու քայլեցի խայտալով ու շաղ տալով մայթերին
Մանուշակներ ու վարդեր, ու շուշաններ ձյունաթույր,
Ու մարդիկ ինձ տեսնելով՝ իրենց հոգնած աչքերին
Տեսան ուրիշ մի աշխարհ, գարուն տեսան նորաբույր,
- Ի՛նչ թարմություն,- ասացին,- ի՛նչ թարմություն,- ու բացին
Լուսամուտներն իմ առջև, ու ես իմ սիրտը բացել՝
Անցնում էի երգելով ու շաղ տալով մայթերին
Մանուշակներ ու վարդեր ու հասմիկներ հոգեթով.
Կարծես մի ողջ բնություն մի պատանի էր դարձել,



Քաղաք իջել լեռներից՝ կանցներ զմրուխտ հեքիաթով...
Երկրեերկիր շաղ տալով կակաչներն իր ձեռների,
Մեր երգերի լուսաբացն ու գարունը լեռների:

ՄԱՅՐՍ

Մեր հույսի դուռն է մայրս,
Մեր տան մատուռն է մայրս,
Մեր օրորոցն է մայրս,
Մեր տան ամրոցն է մայրս,
Մեր հերն ու մերն է մայրս,
Մեր ճորտն ու տերն է մայրս,
Մեր տան անշուքն է մայրս,
Մեր վեհաշուքն է մայրս,
Մեր տան անտունն է մայրս,
Մեր արծվաբույնն է մայրս,
Մեր տան ծառան է մայրս,
Մեր տան արքան է մայրս,
Մեր տան պուճուրն է մայրս,
Մեր հացն ու ջուրն է մայրս,
Մեր տան անճարն է մայրս,
Մեր դեղ ու ճարն է մայրս,
Մեր տան աղբյուրն է մայրս,
Մեր ծարավ քույրն է մայրս,
Մեր տան անքունն է մայրս,
Մեր անուշ քունն է մայրս,
Մեր տան ճրագն է մայրս,
Մեր արեգակն է մայրս,
Ախ, մեր տան Միսն է մայրս,
Մեր տան Մասիսն է մայրս,
.....
Մայրս, մեր հացն է մայրս,
Մեր տան աստվածն է մայրս...



* * *

Մայրս փոքրիկ, մայրս խեղճ,
Մայրս մի մայր հասարակ,
Մայրս այս մայր երկրի մեջ
Արևի դեմ մի ճրագ:

Բայց արևի լույսի տակ,
Երբ ցավեր եք ինձ բերում,
Մրտիս մոռյլն անհատակ՝
Այն խեղճ ճրագն է ցրում:

Մայրս փոքրիկ, մայրս խեղճ,
Մայրս մի մայր հասարակ,
Մայրս՝ մի բուռ սրտիս մեջ՝
Գիշեր ու գօր արեգակ:

Չյուն է իջնում, կուտակվում
Մորս վրա վերևից,
Ասես փետուր է թափվում
Հրեշտակի թևերից:

Գերեզմանի այս հեռվում
Մեղմ դիզվում է թախծալից,
Մորս վրա մարմարվում՝
Շիրմաքար է թվում ինձ:

Այնպես մեղմիկ է դնում
Աստված փաթիլ փաթիլին,
Որ չցավի՝ ողջ կյանքում
Մորս ցաված սիրտը հին:

Փաթիլվում է մեղմաձյուն,
Մարմարվում է մեղմաքար,
Աստված ինքն է ստեղծում
Մորս վրա շիրմաքար:



ԻՄ ՍՈՒՐԲ ՀԱՅՐԵՆԻՔԻՆ

Իմ սո՛ւրբ հայրենիք, դու սրտիս մեջ ես,
Դու սրտիս մեջ ես, ոչ լեզվիս վրա,
Իմ սրտի միջից՝ թե սիրտս ճեղքես՝
Դրոշիդ բոցը պիտի հուրհրա:

Չեմ ուզում գոռալ իմ սիրո մասին,
Սակայն, իմացի՛ր, հայրենի՛ք իմ մեծ,
Քեզ հարյուր տեղով խոցեց թշնամին,
Քայց հազար տեղով իմ սիրտը խոցվեց:

Ես ամբողջովին քոնն եմ, հայրենի՛ք,
Եվ մոմի նման ճամփեքիդ վրա,
Քո փառքի համար թե մի օր վառվեմ,
Մոխրաքիծ անգամ ինձնից չի մնա:

* * *

Կուզեի նստել մի քարի վրա
Եվ անվերջ նայել իմ Արարատին,
Հարբել հայրենի միրաժով նրա
Եվ հավերժ նայել իմ Արարատին:

Աղբյուրների պես աղջիկները գան՝
Ես ծարավ սրտով չնայեմ նրանց,
Տուն կանչե մորս ձայնը իրիկվան
Չպոկեմ սարից աչքս կարոտած:

Եվ նստած լինն այդ քարի վրա՝
Անդադար նայեմ իմ Արարատին,
Մինչ շիրիմ դառնա քարն էլ ինձ վրա
Եվ մամռած նայե իմ Արարատին:



ՀԱՄՈՍԱՀՅԱՆ

* * *

Չորից եկավ ինչ-որ ճիշ-
Պախրան ծնուն է:
Մութը մաշվում է քիչ-քիչ,
Աստղը քնում է:

Սարը լույսի լուրն առել,
Կանգնել-մնում է:
Անտառն արդեն քունն առել,
Բայց դեռ լուռ է:


Գետն ինձ խորհուրդ է տալիս.
- Գործդ մնում է,
Ժամանակը չի գալիս,
Թողել-գնում է:

Չորից եկավ ինչ-որ ճիշ-
Պախրան ծնուն է:
Մութը մաշվում է քիչ-քիչ,
Աստղը քնում է:

ԱՆՉՐԵՎ

Անպը կախավել է ամպից,
Անպամած օր է.
Վերը երկինք է սքին,
Ներքևը՝ ձոր է:

Ինչ-որ տազնապ է ձորում,
Ինչ-որ սարսուռ է...
Ուշաքափվել է առուն,
Եվ ուռին լուռ է:



Հավքը թևերն ամփոփել,
Կարծես մրսում է,
Ո՞ւմ և ինչո՞ւ, չգիտե,
Բայց սպասում է:

Քամին քարայրն է մտել,
Փշաքաղվել է,-
Քարայրի հոնքը ծովել,
Աչքը շաղվել է:

Շանթը զարկել է ամպին...
Ա՛խ, վիրավոր է,
Արյունաքամ կլիմի
Ամպը ուր որ է:

ԼՈՒՍՄԱՐՍ

Լույսը առավ սարին,
Սարսուռն է սարը,-
Սարերը վեր թռան:

Հավքն արթնացավ ծառին,
Սարսուռն է ծառը,-
Ծառերը վեր թռան:

Քարայծն ելավ քարին,
Սարսուռն է քարը,-
Քարերը վեր թռան...

Եվ ինձ մի պահ թվաց՝
Քարերի տակ քնած
Դարեր վեր թռան:



ՊԱՊԸ

Իմ պապը տնկել է
Մեր գյուղի շիվերը,
Իմ պապը պայտել է
Մեր գյուղի ձիերը:
Իմ պապը մեր գյուղի
Պատերը շարել է
Եվ բոլոր կամերը
Մեն-մենակ քարել է:
Ջրել է իր այգին
Ու մարգը բահել է
Եվ արդար քրտինքով
Իր տունը պահել է:
Իմ պապը վարել է,
Իմ պապը ցանել է,
Իսկ հնձի ժամանակ
Չեղքի մեջ մանգաղի
Դաստակը ցավել է:
Իմ պապը հողի հետ
Խորհել ու խոսել է,
Ամպի հետ արտասվել,
Ջրի հետ հոսել է...
Մի օր էլ, երբ հանկարծ
Ծալվել են ծնկները,
Չարմանքից քարացել,
Անոթից շիկնել է:
Թողել է նա մահը
Եվ շունչը պահել է,
Եվ հետո քրտինքը
Ճակատին պաղել է:
Եվ պապը ակոսում
Պառկել ու քնել է,
Խառնվել այն հողին,
Որ իրեն սնել է:



Մի մեծ գերդաստան նրա հույսին էր,
 Գարունը բացվեր՝ լուծը ուսին էր,
 Ճակատին շարմաղ լիալուսին էր,
 Եզն այսպիսին էր:

Եզը գութանի գութն ու գրգիռն էր,
 Ոգու կորովն ու արյան թրթիռն էր,
 Ուղեծիր հանող նրա հրթիռն էր...
 Ճակատագիրն էր:

Եթե բախտը կար, եզը միջուկն էր,
 Օջախի ծուխն էր, նախրի շուքն էր,
 Նա շինականի միակ նեցուկն էր,
 Նրա բազուկն էր:

Երբ որ ճիպոտը կողին շաչում էր,
 Նա ինքն իրենից բուսնում, աճում էր,
 Ինքն իրեն տիրում ու նվաճում էր,
 Եզ էր, քաշում էր:

* * *

Ախր ես ինչպե՞ս վեր կենամ գնամ,
 Ախր ես ինչպե՞ս ուրիշ տեղ մնամ:

Ախր ուրիշ տեղ հայրեններ չկան,
 Ախր ուրիշ տեղ հորովել չկա,
 Ախր ուրիշ տեղ սեփական մոխրում
 Մեփական հոգին խորովել չկա,
 Ախր ուրիշ տեղ
 Մեփական բախտից խռովել չկա:

Ախր ես ինչպե՞ս վեր կենամ գնամ,
 Ախր ես ինչպե՞ս ուրիշ տեղ մնամ:



Ախր ուրիշ տեղ
Հողի մեջ այսքան օրհնություն չկա,
Այսքան վաստակած հոգնություն չկա,
Ախր ուրիշ տեղ ձյունի մեջ՝ արև,
Եվ արևի մեջ այսքան ձյուն չկա:
Ախր ուրիշ տեղ տեղահան եղած,
Եկած ուսերով Արագած սարի
Ուսերին հենված Մասնա տուն չկա:
Ախր ուրիշ տեղ
Ամեն մի քարից, ամփից, ակոսից
Իմ աչքերով իմ աչքերին նայող
Մանկություն չկա...

Ախր ես ինչպե՞ս վեր կենամ գնամ,
Ախր ես ինչպե՞ս ուրիշ տեղ մնամ:
Ախր ես ինչպե՞ս ապրեմ առանց ինձ:

* * *

Հայաստան ասելիս այտերս այրվում են,
Հայաստան ասելիս ծնկներս ծալվում են,
Չգիտեմ՝ ինչո՞ւ է այդպես:
Հայաստան ասելիս շրթունքս ճաքում է,
Հայաստան ասելիս հասակս ծաղկում է,
Չգիտեմ՝ ինչո՞ւ է այդպես:
Հայաստան ասելիս աչքերս լցվում են,
Հայաստան ասելիս թևերս բացվում են,
Չգիտեմ՝ ինչո՞ւ է այդպես:
Հայաստան ասելիս աշխարհը իմ տունն է,
Հայաստան ասելիս էլ մահը ո՞ւմ շունն է...
Կմնամ, կլինեն այսպես:

* * *

Գարունդ հայերեն է գալիս,
Չյուներդ հայերեն են լալիս,
Հայերեն են հորդում ջրերդ:



Հավքերդ երգում են հայերեն,
Խոփերդ հերկում են հայերեն,
Հայերեն են տոկում գրերդ:

Արևդ հայերեն է ծագում,
Ծառերդ հայերեն են ծաղկում,
Հայերեն են պայթում բառերդ:

Հունդերդ ծլում են հայերեն,
Չեղքերդ կռում են հայերեն,
Հայերեն են լում քարերդ:

Չորերդ հայերեն են շնչում,
Չոհերդ հայերեն են մնջում,
Հայերեն են տանջում ցավերդ:

Որքան էլ ձեռից գնացել,
Դու էլի հայինն ես մնացել,
Հայերեն են հառնում սարերդ:

Թող Աստված եղածդ պահի,
Եվ հետո ինչ էլ պատահի,
Չյուներդ հայերեն են լալու,
Գարունդ հայերեն է գալու,
Հայերեն են գալու դարերդ:

SURFՆԵՐՍ

Տարինե՛րս, տարինե՛րս,
Ո՞ր մնացին տարիներս,
Կանաչ-կարմիր,
Սև-սպիտակ տարիներս,
Իմ սառն ու տաք,
Ծուռ ու շիտակ
Տարինե՛րս, տարինե՛րս:



Ո՞ր գնացին յաղա ու կրակ,
Ոտաբորիկ տարիներս,
Իմ թևավոր, իմ թևաբեկ
Տարիներս,
Իմ սիրավոր,
Իմ ձիավոր,
Տարիներս ո՞ր մնացին:
Որքան ցավեր տվին, առան,
Որքան սևե՛ր, սևե՛ր, սևե՛ր,
Տարիներս, տարիներս:
Որքան չասված խոսքեր տարան,
Որքան չասված սերե՛ր, սերե՛ր,
Տարիներս:

Ո՞ր գնացին, ինչպե՞ս անցան
Քար քրքրող, երկինք խճող
Տարիներս, տարիներս,
Այս ինչքա՛ն շուտ վրա հասան
Իմ ցուպավոր,
Ասուպավոր տարիներս:
Մեն մի օրով հավաքվեին, գային, գային
Եվ աճյունիս վրա լային
Իմ բախտավոր,
Աղետավոր տարիներս,
Կանաչ, կարմիր, սև, սպիտակ-
Ապրած բոլոր
Տարիներս, տարիներս:

ՊԱՐՈՒՅՐ ՍԵՎԱԿ **ՆՈՐՕՐՅԱ ԱՂՈԹՔ**

Արդեն 10 տարի, 110 տարի, 1010 տարի
Ես վախենում եմ,
Շա՛տ եմ վախենում



Բյուրավոր ու բո՛ւք հավատացյալից,
Բյուրատեսք ու սո՛ւտ հավատացյալից:
Եթե աստված եք՝
Փչեցե՛ք նրանց բոլոր մոմերը,
Մարեցե՛ք նրանց կանթեղներն ամեն,
Հանգցրե՛ք նրանց ջահերն այլազան,
Որ... եղիցի՛ լույս:
Եվ ո՛չ մի գավթում մի՛ ընդունեցեք
Նրանց մատաղը,
Որ իրենցը չէ, այլ գողացված է:
Մերժեցեք նրանց գոհն էլ խոստացյալ,
Որ... գոհ չգնա ինքը հավատը՝
Մաքո՛ւր-վսե՛մը,
Անկե՛ղծ-անսո՛ւտը:
Ու թե աստված եք՝
Ամուր փակեցեք ձեր ականջներն էլ
Նրանց սողոսկուն աղոթքի դիմաց՝
Անգի՛ր-ինքնահո՛ս-հաշվեկշռվա՛ծ այն աղոթքների,
Որով խաբում են ո՛չ իրենց,
Այլ ձե՛զ:
Եվ - բավակա՛ն է - հասկացե՛ք ընդմիշտ,
Որ աստծուն նո՛ւյնիսկ հայհոյողները
Շատ ավելի են գերադասելի,
Վասնզի նրանց բարկացրել է ինքը հավատը՝
Խոցվա՛ծ-արյունո՛տ,
Այրվո՛ղ-ապտակվա՛ծ,
Ցավա՛ծ-ճչացո՛ղ,
Մանուկ հավատը,
Որ հայր դառնալու համար է ծնվել:
Ու եթե հայր եք՝
Մի՛ թողեք
Որ սուտ հավատացյալներն սպանեն նրան:
- Ինչքան էլ ծանր է մանուկ թաղելը,
Մանուկ պահելը ծանր է ավելի...



ԴԱՐԱԿԵՍԻ ՀԻՄՆԸ

(հապվածներ)

Առաջներում մերպեսներին
Այրում էին խարույկի մեջ...

Հիմա պիտի խարույկ վառենք մենք ինքները,
Խարույկ՝ մեզնով:
Աղբ կրակ է հանգցնում:
Բայց մենք պիտի մեր կրակով աղն էլ վառենք,
Որ ավելի բոցավառվենք,
Այնպես՝ վառվենք,
Որ չմնա նույնիսկ մոխիր ու մնացորդ...

Կան խայտառակ ժամանակներ,
Երբ մարդ եթե իր բերանին կապ չի դնում,
Ապա նրա ձեռք ու ոտքին
Ուրիշներն են դնում կապանք:

Մենք մեր լեզվի կապն ենք կտրել,
Որովհետև, ճիշտ է, լեզուն չունի ոսկոր,
Բայց կարող է... ոսկոր՝ ջարդել,
Նակ կապանք ձեռք ու ոտքի:
Մենք, որ մարդ ենք ծնվել մորից,
Ո՛չ, չենք ուզում դառնալ ընծուղտ,
Որ վիզներս չերկարացնենք
Դեռ չեղած ու չլինելիք
Բան տեսնելու հիմար հույսով:
Մենք չենք ուզում ընծուղտ դառնալ
Որ մեր մաշկին անհուր աստղեր չդաջոտեն՝
Մեզ դարձնելով մի սուտ երկինք:
Եվ չենք ուզում ընծուղտ դառնալ,
Որովհետև ընծուղտ կոչված այդ վիթխարին
Ո՛չ մի անգամ ամբողջ կյանքում
Չայն ու ծպտուն չի՝ արձակում...



ՄԱՐԴ ԷԼ ԿԱ, ՄԱՐԴ ԷԼ
(հասփում)

Մարդ կա՝ ելել է շալակն աշխարհի,
Մարդ կա՝ աշխարհն է շալակած տանում...

Դու, որ սխալվել, սակայն չես ստել,
Կորցրել ես հաճախ, բայց նորից գտել.
Դու, որ սայթաքել ու վայր ես ընկել,
Ընկել ես, սակայն երբեք չես ծնկել,
Այլ մագլցել ես կատարից կատար,
Ելել ես անվերջ, բարձրացել ես վեր՝
Քո ահեղ դարից առնելով թևեր...
Ելել ես, որ ողջ աշխարհը տեսնես,
Որ անօրինակ քո դարը տեսնես,
Բոլոր կեռպերով դու նրան զգաս,
Շահածով խնդաս, կորուստը սգաս...
Ելել ես իբրև նրա մունետիկ,
Որ նրա հեռուն զգաս քեզ մոտիկ,
Որ ճշմարտության ավերը տեսնես,
Ծպտված ստի խաբելը տեսնես,
Որ չվախենաս, որ չվարանես՝
Անարդարության դեմքը խարանես...
Ահա թե ինչու դու այսքան տարի,
Դու, որ հարազատ ծնունդն ես դարի,
Քայլում ես անդուլ, առաջ ընթանում,
Քայլում ես այնպես ծանր ու վիթխարի,
Ասես աշխարհն ես շալակած տանում...

Մարդ կա՝ աշխարհն է շալակած տանում,
Մարդ կա՝ ելել է շալակն աշխարհի...



ՄՈՐ ՉԵՌՔԵՐԸ

Այս ձեռքերը՝ մո՛ր ձեռքերը,
Հինավուրց ու նո՛ր ձեռքերը...

Ինչե՛ր ասես, որ չեն արել այս ձեռքերը...
Պսակվելիս ո՛նց են պարել այս ձեռքերը՝
Ի՛նչ նազանքով,
Երազանքո՛վ:

Ինչե՛ր ասես, որ չեն արել այս ձեռքերը...
Լույսը մինչև լույս չեն մարել այս ձեռքերը,
Առաջնեկն է երբ որ ծնվել,
Նրա արդար կաթով սնվել:
Ինչե՛ր ասես, որ չեն արել այս ձեռքերը...
Զրկանք կրել, հոգս են տարել այս ձեռքերը
Ծով լողթյա՛մբ,
Համբերությա՛մբ:

Ինչե՛ր ասես, որ չեն արել այս ձեռքերը...
Երկինք պարզված սյուն են դառել այս ձեռքերը,
Որ չփլվի իր տան սյունը՝
Որդին կովից դառնա տունը:
Ինչե՛ր ասես, որ չեն արել այս ձեռքերը՝
Մինչև տատի ձեռք են դառել այս ձեռքերը,
Այս ձեռքերը՝ ուժը հատած,
Բայց թոռան հետ նոր ուժ գտած...

Քար են շրջել, սար են շարժել այս ձեռքերը...
Ինչե՛ր, ինչե՛ր, ինչե՛ր չարժեն այս ձեռքերը՝
Նո՛րք ձեռքերը,
Սո՛րք ձեռքերը:

... Եկեք այսօր մենք համբուրենք որդիաբար
Մեզ աշխարհում ծնած-սնած,



Մեզ աշխարհում շահած- պահած,
Մեզնից երբեք չկշտացած,
Փռչի սրբող-վացք անող,
Անվերջ դատող-անվերջ բանող
Այս ձեռքերը,
Թող որ ճաքած ու կոշտացած,
Բայց մեզ համար մետաքսի պես
Խա՛ս ձեռքերը:

ՄԻԱՆԳԱՄԻՅ

Ասում են, թե միանգամից կյանքում ոչինչ չի կատարվում.
Միանգամից ոչ մի կարպետ և ոչ մի գորգ չի պատրվում,
Միանգամից բերդ չի շինվում ու չի քանդվում միանգամից,
Միանգամից ձյուն չի գալիս, և չի փչում անգամ քամին:

Միրգ չի հասնում միանգամից, ուր մնաց թե՛ խելոքանան,
Զույգ չեն կազմում միանգամից, ուր մնաց թե՛ երեքանան:
Միանգամից չեն կշտանում և չեն զգում ջրի կարիք,
Ոչ այսօրն է անցյալ դառնում, ոչ էլ վաղն է դառնում գալիք:

Այս ամենը ճիշտ է, հարկավ,
Հենց այսպես է, ինչպես որ կա:
Մակայն եթե իմ կյանքի մեջ զեթ հարցնեն մի անգամ ինձ,
Թե ես ի՞նչ եմ գերադասում,
Ի՞նչ եմ ուզում
Ու երագում,
Ես կասեի.
- Ինչ լինում է՝ թող որ լինի միանգամից...



ԱՌԱՋԱԴԻՐԱՆՔ ՀԱՄԱՅՆ ԱՇԽԱՐՀԻ
ՀԱՇՎԻՉ ՄԵՔԵՆԱՆԵՐԻՆ ԵՎ
ՃՇԳՐԻՏ ՍԱՐՔԵՐԻՆ

Հաշվո՞ւմ եք, հաշվո՞ւմ...

Հաշվեցե՞ք հապա,

Թե ի՞նչ ալիքով, քանի՛ վայրկյանում

Եվ քանի՛ գրամ արյուն է հոսում աղջկա սրտից

Դեպի ամոթխած այտերը նրա՝

Առաջ բերելով ա՛յն բռնկումը ջերմամիջուկյան,

Որ մինչև այսօր, միամտաբա՛ր, շիկնանք ենք կոչել:

Եվ կոսմիկական ճառագայթների ի՞նչ հոսք է անցնում

Մեր մթնոլորտված աչքերի միջով,

Երբ հանկարծակի նրանք դիպչում են ուրիշ աչքերի,

Եվ այս փոխադարձ ճառագայթումը

Վտանգավո՞ր է մեր սրտի համար,

Թե՞ օգտակար է:

Բարեկամաբար ասացե՞ք նաև.

Քանի՞ տարին մեկ աշխարհ է գալու

Այն անդերեսյան մանուկը,

Որից

Թագավորները պիտի իմանան,

Որ մերկ են իրենք:

Եվ խնդրեն՝ նաև ավելացրե՞ք.

Այդ իմանալով՝

Թագավորները

Ծածկո՞ւմ են արդյոք մերկությունն իրենց,

Թե՞ շարունակում կրկին մերկ մնալ

Եվ հակառակը կամեցողներին

Կամ թե պարզապես ամաչողներին

Հարկադրում են

Աշխարհում ապրել կապվա՛ծ աչքերով...



Եվ ասե՞ք գուցե,
Թե բեթհովենյան խլությունն արդյոք
Չի՞ կապվում բնավ
Այն ահագնացող պայթյունների հետ,
Որ կատարվում են հիմա աշխարհում
Եվ վե՛ր աշխարհից:
Ու թե կապ ունի, խնդրե՛մ, պարզեցե՛ք.
Աշխարհը հիմա
Անթիվ-անհամար բեթհովեններո՞վ կրերջանկանա,
Թե՞ կավելանա պարզապես թիվը խլացածների...

Հաշվեցե՛ք նաև, մի վերջի՛ն անգամ,
Թե այդ ի՛նչ ձևով,
Ի՛նչ մեքենայի օգնությամբ բարի
Դեռ կարելի է մարդո՛ւն մարդ պահել
Եվ կամ նո՛ր միայն մարդուն դարձնել Մա՛րդ...

ՊԱՐԱՊՈՒԹՅՈՒՆ

(հայրված)

Նո՛ւյն վայրկյանին
Ես հիշեցի հանկարծ, որ առավոտ կանուխ
Բեռնամեքենայով ձիեր էին տանում,
Հասկանո՞ւմ եք, այո՛,
Չե՞ք հասկանում:
Այո՛, ձիե՛ր՝
Նրա՛նց,
Որ բյուրավոր դարեր
Իրենց մեջք ու թամբով ամե՛ն ինչ են տարել,
Ողջ մարդկային ցեղի պատմությունը կրել՝
Իրենց սմբակներով պատմությունն այդ գրե՛ւ,
Նրա փռշին սրբել իրենց պոչով:
Ահա նրանք, այո՛, բեռ են դարձել հիմա
Այս քո փռշտացող մեքենայի համար,



Որ և այսօր, խնդրեմ, քո դարավոր
Փոխադրականդ է փոխադրում...

Բեռնամեքենայի թափքում՝ ձիեր,
Վախից կծիկ դարձած, դողողացող ձիեր,
Ամեն շրջադարձի ու կեռմանի վրա
Մե՛զ պես (մարդո՛ւ նման) ճկվող-թեքվող,
Մե՛զ պես (և ավելի՛) զգուշացող ձիեր:
Ես ձեզ այս վիճակից ինչպե՞ս համեն, ձիեր:
Լացս զսպեմ ու ձեր... ցա՛վը տանեմ, ձիեր...

ԱՆԼՈՒԵԼԻ ՉԱՆԳԱԿԱՏՈՒՆ

ՂՈՂԱՆՁ ԱՎԵՏԻՍԻ

Հազար ութ հարյուր վաթսուհինն թվին
Հայոց այգիներն ի՞նչ պտուղ տվին.
Հայոց արտերում ի՞նչ բերք էր հասել,-
Դժվար է ասել:

Սակայն այդ թվին Մայր Հայաստանի
Արզանդը եղավ սրբորեն բեղուն:
Մի մանուկ ծնվեց Լոռվա Դսեղում...
Նա հետո պիտի դառնա պատանի,
Եվ երիտասարդ, և այր իմաստուն,
Անբախտ Մարոյին լացով սպանի,
Մեր հառաչանքը հասցնի Աստծուն:
Մյ՛նուտից դաղված նրա բերանով
Սարոյի նանը պիտի ողբ ասի,
Մարա զորքի հետ Դավիթը խոսի,
Գիթորը կանչի. «Էստի՛ համեցեք...»:
Նա պիտի երգի՝ ինչ է կամեցել
Իր մոխրակալած-հրակեզ հոգին
Եվ որքան տրտում, նույնքան կենսագին
Տարիներ հետո նա պիտի դառնա



Մի ժողովրդի ազնիվ կենսագիր...
Միևնույն թվին, Լոռուց շատ հեռու՝
Անատոլոսի խավար խորքերում
Մեկ ուրիշ մանուկ լույս աշխարհ եկավ:
Մինչ հայրը նրա՝ Գևորգ կոչկակար,
Գոգնոցը հանեց, արխալուղ հագավ,
Հարևան-դրկից մի-մի շիշ օդով
Նրա տուն մտավ աչքալուսանքի,
Հետո հերթն եկավ կանանց հոսանքի.
Մի թաս խավիժով կամ ձվածեղով՝
Ծննդկանի շուրջ նստեցին նրանք՝
Որդուն մաղթելով արևշատություն,
Նորատի մորը՝ շուտ ապաշխարանք,
Աղվորիկ մի հարս,
Բարի տատություն...

ՂՈՂԱՆՁ ՆԱՍՏԵԻՐԻ
(հասկված)

...Եղունգ են քերծում, պտղունց են մաշում,
Ժայռից վանք կերտում, քարից նուռ տաշում
Դարպասի աչքին հոնք-կամար քաշում,
Արձան են ձուլում, շինում ապարանք:
- Եվ մեղավոր են այստեղ էլ նրանք...

...Հաշիշ չեն ծխում,
Խմում են գինի,
Ապրում անթալան և առաքինի,
Չեն պահում հարեն,
Ոչ էլ ներքինի,
Եվ չունեն մոլլա,
Որ կապի չարմա.
Նրանց քեշիշը վեղարավոր է:
- Եվ... մեղավոր են...



...Չեռքի հետքերը նրանց հայրերի
Կնիք են դրել այս նույն վայրերին՝

Իբրև սեպագիր

Կամ շաղախ ու կիր,

Իբրև շիրմաքար

Կամ որմնանկար,

Իբրև մագաղաթ

Կամ լեռնակ-ջրանցք...

- Եվ ո՞ւմն է մեղքը,-

Իհա՛րկե նրանց...

...Ինչպե՞ս չկտրել այն կոկորդը շար,

Որ ցավից հանկարծ կարող է ճչալ,

Կարող է հայցել փրկություն ու ճար...

...Պիտի ազատվել այն լիրբ աչքից էլ,

Որ երազանքից շողում է պայծառ,

Որ օտարները... լացողին խղճան՝

Տեսնելով նրա աղի արցունքը...

...Ինչպե՞ս չջարդել հանցավոր ծունկը

Եվ այն մեղսակից համառ արմունկը,

Որոնց հենվելով՝ մարդը արնաքամ

- Եվ գազա՛նն անգամ-

Ուզում է դուրս գալ ժանտ գերությունից,

Դե եկ, թուրքօղի՛, ցավից մի՛ վնգա...

...Կյանքում կան բաներ, որոնք չեն քերվում,

Ինչպես չի քերվում արյունը սրտից

Կամ գույնը վարդից:

Կյանքում կան բաներ, որոնք չեն ներվում

Ինչպես դրացուն,

Այնպես էլ համայն մի ժողովրդի:

Չի ներվում և այն,

Ինչը կոչվում է առավելություն...

- Եվ այդ ահռելի հանցանքի դիմաց

Դեռ պահանջում եք ներման վեհություն՞ն...



... Նրանք գիտեին սիրել ու ատել,
Գիտեին խորհել ու համեմատել,
Խույս տալ ցավերից, դավերից ծպտյալ:
Թե անսահման էր նրանց տանջանքը,
Անծայր էր նույնքան և անըջանքը:
- Ահա՛ և նրանց ծանր հանցանքը...
... Ունեին նաև մեկ ուրիշ հանցանք,

Որ ահավոր էր:

- Գիտե՞ք, թե որք.

Երբ մարդ ոչ մի կերպ չի կարողանում
Ընդմիջտ մոռանալ մի հիմա՛ր անուն՝
Ի՛ր իսկ անունը և ազգանունը:

- Ի՛նչ հանդգնություն, դուք հասկանո՞ւմ եք...

Եվ նա ուզում է նույնիսկ չդատվե՞լ.

Խուսափել արդար կարգ ու կանոնի՞ց:

Ուրեմն... պիտի ա՛յլ կերպ ազատվել

Այդ լիրբ անունից և ազգանունից:

Իսկ դա անունն էր մի ամբողջ երկրի,

Ո՞րչ մի ազգ էր դա կրում ու պահում:

«ԵՎ ԱՅՐ ՄԻ՝ ՄՄՇՏՈՅ ԱՆՈՒՆ...»

(հայրված)

ԺԳ

Այսբանից հետո ի՞նչ կոչես Նրան.

Մեր կեռմանաշատ երթուղու վրա

Մի նշանացի՞ց,

Մի սյո՞ւն,

Կամ թե ձո՞ղ,

Ինչ-որ գրերի ինչ-որ ստեղծո՞ղ:

Ու եթե պիտի գիր ու տառ հիշվի,

Ապա Նա ինքն է այն մեծատառը,

Որով հասարակ ու պարզուկ բառը

Աճում է-հասնում խորհրդանիշի,



Եվ... Մարդը ձգվում ու դառնում է Մարդ,
Անցողիկ մարտը՝ հավերժական Մարտ,
Խեղճ տքնությունը՝ գորեղ Տքնություն,
Ինքնությունն անուժ, հուժկու Ինքնություն,
Պաշտողը՝ Պաշտող,
Իսկ հայր... Մաշտոց:
Մաշտոց...

Այսինքն՝ Ա՛յր մի, որ եկավ ապացուցելու,
Թե մի տեղ վերջը դառնում է Սկիզբ:
Այսինքն՝ Ա՛յր մի, որ ապացուցեց,
Թե հրաշք չկա՞,
Այլ կա լոկ կարի՛ք:

Այսինքն՝ Ա՛յր մի, որ ապացուցեց
Եվ կոչ է անում ապացուցելու,
Որ այնտեղ է լոկ սխրանքն սկսվում,
Որ վերջանում է ամեն մի հնար...

ԵՌԱՉԱՅՆ ՊԱՏԱՐԱԳ (քաղվածք)

Եվ ասում եմ ձեզ՝
մարգարեի պես.

-Օ՞, կնատարազ այրերի ռխից վախեցեք կյանքում
և սարսափեցեք նրանց վրեժից անբեկանելի:
Եվ ուր էլ լինեն այդ կնատարազ այրերի որդիք,
Ինչքան էլ լինեն իրարից բաժան, իրար անճանաչ՝
Նրանց հաշվեցեք հատուկ զորագունդ,
և նրանց շնչից դեռ օդը պիտի լցվի սարսուռով,
ու հողը ունենա երկրաշարժային գլխապտույտներ...
Օ՞, կնատարազ այրերի քենից դողացեք անվերջ
և սահմուկեցեք վրեժից նրանց.

որ սրբազան է այն շարժումի պես,
Ինչ երդում տվող աջն է կատարում



Կրծքի ձախ կողմին՝ սրտին դրվելիս...

-Ուխտդ ուխտական, ով սրբազան խենթ,
Ուխտդ ուխտական...

Եվ դու չես ասում, ոչ էլ դուք,

այլ ես,

Ես՝ Միս-Մասիսըս,

այդ ես եմ ասում

անդուլ-անդադար-անվերջ զնգացող իմ անքուն զանգով,

Գողթան երգերի չափով մարտական,

Բամբ բամբիռների հնչումով հատու

Միսն ու Մասիսն են դողանջում անվերջ-անդադար-անդուլ,

ով ականջ ունի,

հավատո բլթակ՝

նա լսում է միշտ,

լսում է նրանց հանգերը թնդուն,

Որ թարգմանվում է դարձյալ գույգ բառով.

ԿՈՉԵՄ ԱՊՐՈՂԱՑ:

* * *

Ու կրկնում եմ ես՝

ահագանգի պես.

- Այս ջարդ-սպանդը երեկ չսկսվեց,

և ոչ էլ վաղն է նա ավարտվելու,

ուստի վախեցեք սպանդից ճերմակ

ավելի, քան թե եղեռնից կարմիր.

ուստի կրկնեցեք ինձ հետ միատեղ,

ինչպես երդումի խոսքերն են կրկնում.

- Բռնի ձուլվելիս թունավորում են ձուլողին՝ արյամբ,

ինքնին ձուլվելիս թունավորվում են իրենք՝ արյունով:

Ուստի թող գործեն ձեր հին զենքերը՝

ձեր ատամները ու ձեր ոտքերը.

ձեր ատամները՝

կռվելու համար ու պաշտպանվելու

կամ ժողովվելու ինքներդ ձեր մեջ,



իսկ ձեր ոտքերը՝
վերադառնալու, տուն գալու համար
կամ ժողովելու ինքներդ ձեր շուրջ...

ԲԱՐԵՎ

-Բարև,-

Մեկ հատիկ այս բառն են ասում՝
Կնքված անձնագիր ցույց տալու նման,
Կենսագրություն պատմելու նման.
Կամ հարցաթերթիկ լրացնելու պես:

Եվ կուզենայի՛,
Շա՛տ կուզենայի,
Որ այս բառն իրոք դառնար անձնագիր
Աշխարհում համայն,
Ամենքի՛ համար:
Եվ կուզենայի՛
Շա՛տ կուզենայի
Որ նմանապես այս բառը լիներ
Նոր և իրական մի «Բացվիր Մեզամ»:

- Բարև,-

Ասեիր կնոջն անծանոթ,
Ու նա քեզ սիրեր հենց նո՛ւյն վայրկյանին
Կամ ներումնահայց ժպիտով ասեր,
թե բարևե՛լ են քեզանից առաջ:

- Բարև,-

Ասեիր, և պարզ երկինքը
Իսկո՛ւյն անձրևեր, եթե պետք է դա:

- Բարև,-

Ասեիր լռակյաց հողին,
Եվ նա ծլարկեր ու հասկավորվեր:

- Բարև,-



Ասեիր մահի՛ն էլ անգամ,
Եվ նա հասկանար, որ քեզ մոտ գալով՝
Ինքը շտապե՛լ,
Շատ է շտապել...

Բարև-ը դառնար իրական ու նոր մի... «Բացվի՛ր, Սեզամ»:
Եվ այն ժամանակ եթե արջին էլ ասեիր
- Բարև,-

Նա էլ մի գուցե հենց նույն վայրկյանին
Խաղալիք դառնար մեր մանկան համար
Եվ մի այնպիսի՛ կարգին խաղալիք,
Որ ո՛չ լարվում է, ո՛չ էլ հասարակ բանից փչանում:
Այնպես էլ օձը ծերերի ձեռին ձեռնափայտ դառնար,
Կոկորդիլոսը դառնար պահարան խաղալիքների,
Կախարան դառնար եղջերուն վայրի,
Եվ փոթորիկը՝ բեմի պարախումբ,
Մարդն էլ՝ Մարդ իրոք...

Անկարելի բան աշխարհում չկա՛,
Եթե աշխարհում իշխում է բարին,
Որ մեր բերանում դարձել է
- Բարև,-

Ուրեմն՝ անձնագիր ցույց տալու նման,
Կենսագրություն պատմելու նման
Կամ հարցաթերթիկ լրացնելու պես՝
- Բարև

Զե՛զ

Ու

Չե՛զ,

Ճանո՛թ-անձանո՛թ իմ սիրելիներ:

Թո՛ղ անկարելին դառնա կարելի
Աշխարհո՛ւմ համայն,
Ամենքի՛ս համար,
Դառնա կարելի վաղն ու հենց հիմա,
Դառնա կարելի մեկ բառով՝

- Բարև...

- ԲԱՐԵՎ...



ԼՈՒՅՍ ՉՎԱՐԹ

Լո՛ւյս, լո՛ւյս զվարթ...
Եվ ոչ թե լույս երեկոյի,
Ի մտանել արեգական,

Այս լույս զվարթ արդար գոյի՝
Շաղափոտն առավոտի...

...Ծնրադրյալ Բնությունն է ելնում ոտի.
Գիշերային ժամերգությունն է վերջանում:
Եվ լուսաբացն է մտանում դանդաղորեն,
Իբրև հսկիչ մի Լուսարար՝
Մարելով ու հանգցնելով
Ամեն տեսակ լապտեր ու լամպ:

Եվ Արեգակն է բարձրանում
Քրմապետի վսեմությամբ:
Եվ ծույլ փռված ստվերները մարմնամսեղ
Սկսում են կարծես իրենք իրենց մարտել՝
Մասթափվում- նհիարում են,
Հետզհետե դառնալով ձիգ
Ու սլացիկ՝

Պարուհու պես թխամորթ:

Արշալույսն է շարունակում ածել փողը իր ծիրանի,
Որի բոլոր նեղ ծակերից լայն շողվում է
Ինքը արդար Արեգակը.

Եվ հնչում է այն եղանակը պարզ ու բարդ,
Որ հնչել է աստվածների ծննդի հետ

«Լո՛ւյս, լո՛ւյս զվարթ»...

Լո՛ւյս, լո՛ւյս զվարթ,

Լույս զվա՛րթ ու գերազանցի՛կ,

Լույս երգեցի՛կ ու նվագում:

Դու՛ առաքյալ ամենօրյա

Որ բերում է միայն հավատ,

Բայց ի դերև հանում-վանում

Եվ քողածածկ ծպտյալ հույսեր:



Դու՝ սուրհանդակ, բայց և կավատ,
Դու՝ հետախույզ, բայց և մատնիչ,
Բայց ամենից առաջ՝ միշտ սեր
Եվ ամենից հետո՝ միշտ սեփր...
Լո՛յս, լո՛յս զվարթ,
Անձրևի պես
Տեղա այնպե՛ս,
Որ աշխարհում
Լոկ մի՛-միա՛կ ստվեր մնա,
Այն էլ միայն երկնի՛ վրա՝
Լոկ անձրևի՛ ստվերը կոր՝
Ծիածա՛նը...
Լո՛յս, լո՛յս զվարթ,
Այնպե՛ս գործիր,
Որ նկարիչ քո մատներով
Վառեկներն իսկ, գունազարդված,
Դառնան կարծես արքադղներ
Ու վերերգեն յուրատեսակ՝ ծուղրուղուով՝
Ա՛յն եղանակը պարզ ու բարդ,
Որ հնչել է աստվածների ծննդի հետ.
« Լո՛յս, լո՛յս զվարթ»...
Լո՛յս, լո՛յս զվարթ,
Շաղվի՛ր,
Մաղվի՛ր,
Թաղվի՛ր այնպե՛ս և այնքան խո՛ր,
Որ մենք չապրենք՝ ինչպես ձուկը
Իր մշտամուր-անլուսամուտ պետության մեջ,
Ու քո հմուտ-ամենամուտ շողերի տակ
Ծածկամիտ ջուրն անգամ դառնա անկեղծ-հստակ,
Եվ անաղմուկ քո զարկերից ու քո ճաքի,
Ու վերերգվի մինչև անգամ ա՛յդ ճաքոցով
Ա՛յն եղանակը պարզ ու բարդ,
Որ հնչել է աստվածների ծննդի հետ.
« Լո՛յս, լո՛յս զվարթ»...



ՄՈՒՇԵՂ ԳԱԼՇՈՅԱՆ

ԿԱՆՉԸ

(հայրվածներ)

* * *

Երգը բնության մասին էր. նախշուն քարերով ու գույնզգույն ծաղիկներով սարերի և սարն ի վեր ելնող սայլալու ու սայլի, և դեպի երկինք ճախրող բոց լծկանների, սարի կրծքին՝ դեմ արեգակյան փոված կորեկի կլոր արտի... Երգը կանաչ վարոցներով հոտաղների մասին էր և բանջարի ելած նախշուն զոզնոցներով աղջիկների... Երգը բնության ու սիրո մասին էր...

* * *

- Ալեեեե՛,-Ջորոն նայեց պատուհանից դուրս. լեռների վրա արևն արդեն հանգչում էր:- Արևմարք չեղներ մեջ աշխարհքին,- երգահանգ շընջաց Ջորոն,- կեսօր ու արևմարք ու իրիկուն ու գիշեր չեղներ, ամառ ու ձմեռ չեղներ... Կայիտեր՝ քաք գարուն... Թաք գարուն ու առավոտ... Ու մեծնալ չեղներ, Ալե՛, էրեխան մնար էրեխա, ես՝ էն նախշուն քարի վրա, դու՝ շաղոտ կանաչների մեջ ու քու գլխին ծաղկեպսակ ու քու գլխին ծաղկեպսակ, Ալե՛...

ԳԻՆԱՐԲ ԾԱՂԻԿ

(հայրված)

Եվ այդ գարնան Խուչերով արտերում նա հանդիպեց, հանկարծակի հանդիպեց ծանոթի... Գինարբ ծաղիկն էր: Աչքերին չէր հավատում. ախր, Գինարբ Էրզրի սարերում մնաց, չգաղթեց՝ մնաց: Լինելու՞ր բան է... Չէր հավատում: Իսկ Գինարբը խատուտիկ աչքերով ժպտում էր:

- Քու անուն Գինա՞րբ է:

Ծաղիկը գլխով արեց:

- Քու անունը Գինարբ է, չէ՞,- ծնկեց, շնչեց բույրը:

Կասկած չկար՝ նա էր: Պոկեց՝ դրեց ծոցը: Նախիրը թողեց. Գինարբ որոնեց, հավաքեց՝ փունջ արեց, հավաքեց՝ ամրացրեց գլխարկին



և աչք ածեց արևին՝ չքեպե՞ց, իրիկուն չէ՞. ասր, Էրզրից ծանոթ է եկել, գյուղ պիտի տանի:

Այդ իրիկուն Բարսեղը գյուղ իջավ՝ գլխին համբուրելու հյուրը:

ՀՐԱՆՏ ՄԱԹԵՎՈՍՅԱՆ

ԾԱՌԵՐԸ

(հարված)

Լավը չես, խեղճ ես, լավը չես, զավակս, որդիս, առաջնեկս, իմ հույսս, իմ թանկս, լավը չես, մեջդ վրեժ չկա: Քո պապ ու իմ հեր Իշխանը արնագույն պուճուր մի ձի ուներ, էնքան պուճուր, որ բանակ չէին տարել - ասում է, չարությունից պայթում էր՝ որ մի ձի իրենից առաջ էր ընկնում: Հևում էր, թոքերը շխշխկում էին, քթերից կրակ էր թռչում - իր պուճուր տեղով տրաքում էր չարությունից: Քո պապի պահած շունն էլ պիտի էդպես լիներ, նրա զավակն էլ ու չափարի բանջարն էլ ու պատի օձն էլ պիտի էդպես լինեին: Դու լավը չես: Ինչ իմացողի հարցնում եմ՝ գովում ու ծիծաղում է՝ իբր թե լավն ես, խղճով ես, և էդ ծիծաղն իմ սրտին դանակ է դառնում, զավակս, զավակս: Իմ հեր ու քո պապ Իշխանը խելոք բաներ ո՛չ ասում էր, ո՛չ էլ մտածելու ժամանակ ուներ, նա գործի մարդ էր, գետինը նրա ոտի տակ վառվում էր... բայց մի անգամ կեսբերան ասել է ուսի վրայով իմ մերացվին հացի փող շարտելու պես, ու ես ասում եմ. մարդ չպիտի էնքան քաղցր լինի՝ որ կուլ տան, չպիտի էնքան դառը լինի, որ թքեն:



ՆՊԵՏՈՒՄԱԴՅԱԽՈՂ

Գողթան երգեր3	Գրիգոր Նարեկացի12
Երկնէր երկին, երկնէր երկիր.....4	Վարդավառին.....12
Քեզ ասեմ, այր քաջն Արտաշէս.....4	Սեղեղի ծննդի.....13
Եւ ուստի՞ տացէ քաջն Արտաշէս.....4	«Մատյան ողբերգութեան».....14
Հեծաւ արի Արքայն.....5	Ներսէս Շնորհալի15
Տեղն ոսկի տեղայր.....5	Առատտ լուտյ.....15
Եթէ յորս հեծցիս.....5	Ողբ Եղեսիոյ.....16
Ո~, տայր ինձ զծովս ծխանի.....5	Հաւատով խոստովանիմ.....17
Վաղ և ուշ միջնադարյան	Հովհաննէս Երզնկացի Պլուզ18
գրականություն6	Աշխարհս ի ծով նման.....18
Մարոպ Մաշտոց7	Մէկ կայ, որ հազար ածէ.....18
Մեղք իմ բազում են յոյժ.....7	Յրիկ18
Ծով կենցաղոյս	Ֆրկան ասացեալ տաղ հոգեշահ.....18
հանապազ զիս ալեկոծէ.....7	Կոստանդին Երզնկացի19
Մովսէս Խորենացի7	Հոգի, աչերոս իմ լոյս.....19
Խորհուրդ մեծ և սքանչելի.....7	Հովհաննէս Թլկուրանցի19
Պատմութիւն Հայոց.....8	Գէնայ բահար, այլ՝ ՚ի բահար.....19
Եղիշէ8	Նահապետ Քուչակ20
Փավստոս Բյուզանդ9	Հայրենի կարգաւ.....20
Պատմություն Հայոց.....9	Գրիգոր Աղքամարցի23
Կոմիդաս Կաթողիկոս Աղցեցի9	Տաղ ի վերայ Նորաշէն տուն
Անձինք Նովորեայք.....9	եւ այգի ունեցողի եւ լալու.....23
Դավթակ Քերթոլ10	Տաղ Աղքամարցի Գրիգորիսի
Ողբք ի մահն Ջեվանշերի	կաթողիկոսէ ասացեալ.....25
Մեծն իշխանին.....10	Նաղաշ Հովնաթան26
Սահակ Չորափորեցի11	Տաղ սիրոյ.....26
Էջմիածինն ի Հորէ.....11	Տաղ սիրոյ.....26
Սահակղոյտար Սիւնեցի11	Պաղդասար Դպիր27
«Սըրբուհի Մարիամ».....11	Ի նընջմանէդ արքայական.....27



Սայաթ-Նովա	28	Սմբատ Շահազիզ	52
Աշխարհումըս ախ շիմ քաշի.....	28	Երագ.....	52
Չենդ քաղցր ունիս.....	28	Ռափայել Պարկանյան	53
Քանի վուր ջան իմ.....	29	Օրորոցային երգ.....	53
Մե խոսկ ունիմ.....	30	Օրորոցի երգ.....	54
Աշխարհըս մե փանջարա է.....	30	Արաքսի արտասուքը.....	55
Հայ նոր գրականություն	32	Հույս.....	58
Խաչատուր Աբովյան	33	Հովհաննես Հովհաննիսյան	59
Վերք Հայաստանի	33	Այս, տվեք ինձ քաղցր մի բուն.....	59
Մեսրոպ Թադևիսյան	34	Սարն ի վեր.....	60
Օրհներգութիւն ազգային.....	34	Հովհաննես Թումանյան	60
Դևոնդ Ալիշան	35	Հին օրհնություն.....	60
Հրագրան.....	35	Դու քո ճամփեն.....	61
Պլպուլն Ավարայրի.....	35	Մեր ուխտը.....	62
Մկրտիչ Պեշիկբաշյան	36	Համերգ.....	63
Գարուն.....	36	Հայոց վիշտը.....	63
Թաղումն քաջորդոյն.....	37	Հայրենիքիս հետ.....	64
Եղբայր եմք մեք.....	38	Հայոց լեռներում.....	65
Պեպրոս Դուրյան	39	Վայրէջք.....	66
Միրել.....	39	Աստղերի հետ.....	66
Դրժել.....	40	Բարձրից.....	67
Լճակ.....	42	Իմ երգը.....	68
Տրտունջք.....	43	Միրիուսի հրաժեշտը.....	69
Ձղջում.....	45	Անուշ.....	70
Իմ ցավը.....	46	Լռեցի Սաքոն.....	73
Ինչ կ'ըսես.....	47	Թմկաբերդի առումը.....	74
Նե.....	47	Մարոն.....	76
Նահապետ Ռոսինյան	48	Փարվանա.....	80
Կիլիկիա.....	48	Շունն ու կատուն.....	81
Միրայել Նալբանդյան	49	Թագավորն ու չարչին.....	84
Մանկության օրեր.....	49	Քառյակներ.....	86
Ազատություն.....	51	Գիբորը.....	90



Քույր, գուցե չըկանք.....	168	Եզր.....	196
Մեր լեզուն.....	168	Ախր ես ինչպես վեր կենամ գնամ.....	196
Ինչ ունեցել է ժողովուրդը քո.....	169	Հայաստան ասելիս	
Հովհ. Թումանյանին.....	170	այտերս այրվում են.....	197
Երկու տրիտլետ (<i>մայրամուտը... ,</i>		Գաբունդ հայերեն է գալիս.....	198
<i>Մառ մորմոքում է մայրամուտը</i>).....	170	Տարիներս.....	198
Ի խորոց սրտի		Պարույր Սևակ	199
խոսք ընդ Աստուծո.....	171	Նորոքյա աղոթք.....	199
Մահվան տեսիլ.....	172	Դարակեսի հիմնը.....	201
Հարդագողի ճանվորդները.....	173	Մարդ էլ կա, մարդ էլ.....	202
Նավգիկե.....	175	Մոր ձեռքերը.....	203
Ասպետական.....	181	Միանգամից.....	204
Խմբապետ Շավարշը.....	182	Առաջադրանք համայն աշխարհի	
Պատմության քառուղիներով.....	183	հաշվիչ մեքենաների և ճշգրիտ	
Դեպի լյառն Մասիս.....	184	սարքերի.....	205
Երկիր Նահիրի.....	185	Պարապտյուն.....	206
Ալսե՛լ Բակունց	187	Անլռելի զանգակատուն.....	207
Ալպիական մանուշակ.....	187	Եվ այր մի Մաշտոց անուն.....	210
Միրհավ.....	188	Եռածայն պատարագ.....	211
Մթնածոր.....	188	Բարև.....	213
Հովհաննես Շիրազ	189	Լույս զվարք.....	215
Գարնանամուտ.....	189	Մուշեղ Գալշոյան	217
Մայրս.....	190	Կանչը.....	217
Մայրս փոքրիկ, մայրս խեղճ.....	191	Գինարք ծաղիկ.....	217
Ձյուն է իջնում կոտակվում.....	191	Հրանդ Մաթևոսյան	218
Իմ սուրբ հայրենիք.....	192	Ծառերը.....	218
Կուզեի նստել մի քարի վրա.....	192		
Համո Սահյան	193		
Ձորից եկավ ինչ-որ ճիչ.....	193		
Անձրև.....	193		
Լուսաբաց.....	194		
Պապը.....	195		

Ես չգիտեմ՝ ուր եմ	
տանում հեռավոր.....	136
Մթնշաղ.....	137
Աշուն.....	137
Աշնան գիշեր.....	138
Ապրելուց թանկ է	
մեռնել քեզ համար.....	139
Մի խառեք մեզ ձեր վայրի,	
արջի ցեղերին.....	139
Այնպես անխիճ եմ և ման լացին...	140
Հայրենիքում իմ արձաններկ.....	141
Դու հպարտ չես իմ հայրենիք.....	141
Մշուշի միջից, -տեսիլ դյութական...	142
Մի՞թե վերջին պոետն եմ ես.....	142
Չեմ դավաճանի իմ Նվարդին.....	143
Բարակիրան Նաիրուհին	
ինձ ժպտաց.....	143
Հոգնեցի գրքերից անհամար.....	143
Գինով եմ, զինով եմ ես էլ.....	144
Կարուսել.....	145
Միրելի Պաուլո Մակինցյանին...	146
Մենք բոլորս, բոլորս.....	147
Չեռներում ձեր մանրիկ, նվագուն...	147
Շուկ ու շրշյուն.....	148
Տեսա երագ մի վառ.....	148
Ցնորք.....	149
RESIGNATION, RESIGNATION....	150
Չգիտեմ այս տխուր աշխարհում...	150
Միրում եմ աչքերիդ	
տխրությունը խորին.....	151
Մին խոսքերի մեջ,	
զվարթ ամբոխում.....	151
Երկու ուրվական.....	151
Դուրսը ցուրտ է հիմա.....	152
Քո աչքերի դեմ իմ աչքերը կույր.....	153
FATUM.....	154
Հրածեշտի գագել.....	154
Օ, կգան օրեր ավելի տրտում.....	155
Մաքնու Չարիֆյան	155
Կարեկցություն.....	155
Բլուրին վրա.....	156
Ան չէ.....	156
Հոգիս.....	157
Նորագույն շրջան	158
Եղիշե Չարենց	159
Գիշերն ամբողջ խելագար.....	159
Հայրենիքում.....	159
Անվերանգիր.....	160
Հրածեշտի երեկոն.....	160
Լուսամտովի պես աղջիկ.....	161
Անքնություն.....	161
Ինչպես երկիրս անսփոփ...	162
Վահագն.....	162
Աթիլա.....	163
Գագելներ.....	163
Մորս համար գագել.....	164
Տաղարան.....	165
Էլի գարուն կգա.....	165
(Հայաստանին) Հագար ու մի	
վերք ես տեսել.....	166
Երբ էս հին աշխարհը մտա.....	166
Ես իմ անուշ Հայաստանի.....	167
Երագում եմ այն	
երկիրը հեռավոր.....	167



Քույր, գուցե չըկանք.....	168
Մեր լեզուն.....	168
Ինչ ունեցել է ժողովուրդը քո.....	169
Հովի. Թումանյանին.....	170
Երկու տրիոլետ (<i>մայրամուտը... Մառ մորմորում է մայրամուտը</i>).....	170
Ի խորոց սրտի	
խոսք ընդ Աստուծո.....	171
Մահվան տեսիլ.....	172
Հարդագողի ճամփորդները.....	173
Նավզիկե.....	175
Ասպետական.....	181
Խմբապետ Շավարշը.....	182
Պատմության քառուղիներով.....	183
Դեպի լյառն Մասիս.....	184
Երկիր Նաիրի.....	185
Ակսել Բակունց	187
Ալպիական մանուշակ.....	187
Միրհավ.....	188
Սքնածոր.....	188
Հովհաննես Շիրազ	189
Գարնանամուտ.....	189
Մայրս.....	190
Մայրս փոքրիկ, մայրս խեղճ.....	191
Ձյուն է իջնում կուտակվում.....	191
Իմ սուրբ հայրենիք.....	192
Կուզեի նստել մի քարի վրա.....	192
Համո Սահյան	193
Չորից եկավ ինչ-որ ճիչ.....	193
Անճրև.....	193
Լուսաբաց.....	194
Պապը.....	195

Եզը.....	196
Ախր ես ինչպես վեր կենամ գնամ.....	196
Հայաստան ասելիս	
այտերս այրվում եմ.....	197
Գարունդ հայերեն է գալիս.....	198
Տարիներս.....	198
Պարույր Սևակ	199
Նորոյս աղոթք.....	199
Դարակենսի հիմնը.....	201
Մարդ էլ կա, մարդ էլ.....	202
Մոր ձեռքերը.....	203
Միանգամից.....	204
Առաջադրանք համայն աշխարհի հաշվիչ մեքենաների և ճշգրիտ սարքերի.....	205
Պարապոթյուն.....	206
Անլռելի զանգակատուն.....	207
Եվ այր մի Մաշտոց անուն.....	210
Եռածայն պատարագ.....	211
Բարև.....	213
Լույս զվարթ.....	215
Մուշեղ Գալշոյան	217
Կանչը.....	217
Գինարք ծաղիկ.....	217
Հրանդ Մաթևոսյան	218
Ծառերը.....	218

Մայիս Նիկողոսյան

ԳԱՆՁԱՐԱՆ

(հայ գրականությունից անգիր
հանձնարարվող նյութերի ընտրանի)

Խմբագիր՝ Մ.Նիկողոսյան

Ձևավորումը և շապիկը՝ Վ.Հակոբյան

Հանակարգչային շարվածքը՝ Ն.Նիկողոսյան

Սրբագրիչ՝ Կ.Պետրոսյան

Տպագրված է՝ «Ստամպա» ՍՊԸ-ի տպագրատանը:
Հասցե՝ Երևան, Հ/Ա Բ-1 թաղամաս, Բաֆֆի փող.99/1
Էլ.փոստ՝ stampa@netsys.am

Հանձնված է շարվածքի՝ 21.06.2007թ.: Ստորագրված է
տպագրության՝ 12.10.2007թ.: 13,02 պայմ. մամուլ: 14,0
տպագր. մամուլ: Ֆորմատ՝ 60x84 1/16: Թուղթ՝ օֆսեթ
№1: Տպագրությունը՝ օֆսեթ: Տպաքանակը՝ 300:

